

ЧКВТИУ МИКАЭЛЬ

**АГВЫ  
АЛАШАРА**



Чквту Микаэль

**АГВЫ АЛАШАРА**

**АСОНЕТКВА**



Къарча-Черкес гъырагІацІщтырта  
Черкесск 1998

АсуратчпагІв Ф. И. Марков йакІвпІ.

*Асонет сатырпгшра гъангІалуам,  
йгъахабзам, араъа ауи азнид —  
аформат задырхвыщыз йгІалцІла.  
АпхъагІвчва йхІыздыргІваб, хІрыхІвид.*

Ч  $\frac{4702020000-22}{9\Pi1(03)-98}$  22—98

ISBN 5—7289—0141—7

© Къарча-Черкес  
гІвырагІацІщтырга, 1998

**А** бар йсыпхьад асонет саргы,  
 Сгвашв йгладгылд стшгы амата  
къададжьта, —
 ХIаргы хIнаджвыквылд, хIацы  
хIнамгIвайсд хIаргы,
 ХIбжьы нахIыргад квашуата, зны квамачIта,  
 ХIгвы йту арекIоб хIъанызлакIгы хIара:  
 Мыц хIымхIварныс, гIвычIөгIвыс  
хIипшныс лахътIыла,
 ЙыгIбуш апны — йгIахIмахеныс гIархIара,  
 ЙгIымбуш апны — хIара йхъхIымтIныс  
хIыла;
 ХIъагалакIгы — йхIымхIварныс хIгвы йтам,  
 ХIызлаъамла — хIаъазшва  
гшхIмыркIышвныс,
 ЙацхIымкIныс хIара зынгы йхъвартам,  
 ЛугIа йхIызгIадрауыз адзгы хIыжвныс...  
 Уней, сонет! ХIа хIыбызшвагы хIва!  
 Уаргы саргы йхIымазд гвыргъамгIва!



# АНЧВИ АПСАБАРИ





## 1

Ипсыз йакІвб йрыцхІу, саца, йпсыз,  
Йбзу дбзасушд, йбзу рызкыкІ йауашд,  
Лашара гІаншижьтарагы — гІвычІвгІвжскІ  
Инур сыцынкъвызгид сгвы ацІгІвала  
йкІаукІауа.

О, закІыта йатахъыбта сгвы:  
Ауи анур мпсуата зынзаджвыкІгы  
Йсыцбзасарныс ари адунейбаргвы, —  
ИхъацІа сара йшстахъымыз  
датшахъвыкІгы!

Ауаса ауи сгвы апны мшкІы  
йанымкІкІах —  
ХІдуней йгІаквхаз схъвадигІваца шакІву,  
СдзычвашкІвокІвагы шгІатаха акІварбах,  
Нур злам абзасарагы шшвхІакІву.

МшкІы хІдуней саныквцІхуагы —  
йгІакІкІата  
Снанадасхра стахъыб сара шздзата.

2.07.80.



2

Абар йатаркІвах йГІамыздид Апсны...  
Ибдырума ари хІаргы йшхІчылу,  
Абазагы йшрадгылыз зны,  
УахьчІва йЪаГІадзазгы хІпхызхЪараква  
йшрылу?

ГІвымата йгызбум араЪа схЪа,  
Асасчвагы пшвымата сырпылыд,  
ШкІвокІвата йырзыГІапскъид асхЪа,  
Айшваквa йапшымкІва йрызсыргылыд.

Са йГІаспшид йшкІвокІву Ерцахв акв,  
Саба йапш йГІасхЪшшылыд хЪарачІвыла...  
ХІабадучва йрхаквын ари ахакв,  
ХІабадучва йрчІвылан ари ачІвыла.

СгЪаунаштуам ари адгъылгвакІЪ  
сызквгылу... —  
Уца, уда сарадЪа, сыгЪба йгылу!

16.08.80. СогІвым.



3

АлбыргІан йахъышсгІид акъырльуква:  
ТшаднакІылуа йрыцІапшид сгвгън:  
Швабацауа, йлашару акъаруква,  
ШвабапсгІауа сгІаныжвыжъта шваргън?..

ЙшгІаквпІлуз апшта быбра снапІы шката  
ЙгІарыквпІлауа рхъынцІыгІвакв йымчхъу  
АдстхІвашзакІмакІква — йпсгІид ауат  
хъарата...

Саргън сырпшид ажвгІвандчІыхвра йхъу.

Къынды йнейыз амара анурква  
ЙгІадыркІкІауа ргвжважвараласы  
АлбыргІан йахъышсгІид акъырльуква...  
Саргън сгылаб срыцІапшуа схъазы...

СчкІвынкъа йагІвсыз... Уыста схакав  
йамбаз...

Баргън сара спныла бшхъарахаз...

12.09.80.





«ЛагачІвацкІыс — лаганыкѣва», —

рхІвндта —

Снейб сара, снаджвыквылбта бгІасауб,  
Иамыздаб са хІадгъылшцдзагъи хвнтта,  
ДгъагІвсщтрѣм сѣымцІгІауатагъи пІатІау!

Адзын абыгъхъащкѣвагъи снарылалб —  
Хабаршцдзата йыгъу гІадсырхІваб,  
Акъырльукѣва ймгІвайсхуагъи снарылапшб —  
АжвгІванд-гІвыга ачІыхвра йгІатсыркІкІаб,

Снатшпынгылб йгІалбгІыкѣвауа йкІаукІауа  
АщхъадзыгІв. Иубайа, — схІваб, — уара?»  
Абыхъвкѣва снарылалб йцауцауа,  
Иызбжъахъвмаруа адзын акІкІара...

ЛагачІвацкІыс — лаганыкѣва.. Снейнд,  
Бара быхъаз сылашара схІвейнд.

8.10.80.



5

АцІлаква рбыгыгІважъква  
гькІадмыршвшвасд,  
Рыла йгыцІрымщтсд рнашхыйаралашара;  
АхІврапщдзаквагы ахъта йгъамыршвасд,  
ЙрылархІваркІвид адуней ахъгІара.

АцІлагІважъква йтрытыруа йазпшид  
АсахІат айгъдзарадъа йрызгІайуаш;  
АхІврапщдзаквагы рыцІарыцІа йшвтид —  
ЙгІаргванхидта агІамта йзмайгІайуаш.

Анатгы аратгы гвжважвид йкІкІарныс,  
Рыпщдзараква гІаныржъырныс уа уыхъаз...  
Уара щта? Уа йуымгІвазйа, гІычІвгІыс?  
ЙамагІнызйа убзазара апны йуырхъаз?

ЙуымдырдзакІва йуыгІвкъъата узамангы —  
МышкІы йгІайуашд уара убыгъкІашвшвангы.

10.11.80.



АхІбакІ йґІасайхІвд араса зны сара:  
«ЙуысаґІву дзачІвыйа?» — хІва  
уазціґІидта —  
Сарґы йстахъыб ареш ажва схІвара:  
АґІвра зґІвылакІ йґІартакІкіауа ґІидта!

Атурасквы ашвыґаквы аларґІвґІвы  
ЙалацІанкІуа зґвы йґІаталуа пшдзата,  
ХаняхъвшвамґІа зпычІвбару аґІвы —  
Йбапхъадзаґы пычІвта ауи йбауата!

Ауаса, абар, дґІахІахвб ареш заджвы:  
ДанымґІвуаґы — ауи гвырґІвакІґы  
дшалам,  
«УґІвы», — хІваґы шґІайнамхІвуа йычвуа  
йґвы, —  
Ауи, йхъацІа, ауысара аргван дшыґам!

Йбдырума, ауат ажвакѡа сызґІайлыйд,  
ХІальабальыкъра-мтынчракІґы  
сызґІарґлыйд.

28.10.80.



Адуней шдзадзани сангагыл,  
Игасшакілуни щымтахъахІвапсагІва,  
Игвыргъауа йгаснахІвауа: «СугвынкІыл!» —  
АцІлаква рпны асы хІвачвуни асса — хІва.

ИшкІвокІвасышын ацІлаева зымгІва, —  
Щымтадза уасахшла йыркІвабазшва;  
Асы ахъахъ заджевгъи йгъйымчпасызд мгІва;  
АлгІвагъи тшгІащтІнахуан гІапынгІвазшва.

АшкІвокІвара йылачІван акыт,  
АцІлаквагъи шкІвокІвахІгІадза йрхъадзгІлан;  
АцІараквагъи рыгІвара тштаркІыд:  
ИгІакІылхІвачвауа абыхъврыбгъра йацкІлан...

Ари ацкъара, ари ашкІвокІвара анызба —  
Сгеы бгІанагд, хъгІата йбызхъвыцд ба.

12.12.80.



*ГІвѣджь заджѣы йыкечѣажвѣд*

- «— Амц дащчачван — сынхадаб  
штшизымкІхуа!  
Уымсакъызтын — уылакѣа штІапшуа  
ЦхІадъа уышхъидалуаш ауи йзнымкІѣа  
Лбани адзы йгІайуа йаквтштшауа!..»
- «— Сйышад саргы: мыц гыхІѣагІѣацум  
— йхыджьид!  
Агъычрагы дгъачвыхъарам, йубид...»
- «— Мцы зхІѣауа зымгІѣадзугы гычид,  
Йгъычуа зымгІѣадзугы мцы рхІѣид!..»
- «— Тамамб ауи, ауат агІѣѣажѣ агІѣѣазаб:  
АзакІы ѣану — йыѣаб азакІгы!..»
- «— Йшпучшущ, ауи ауаса Анчѣа дихІѣѣазаб,  
Луи дьгъхІзырзахѣахуам хІаргы!..»
- ХІхъа хІырзахѣаб... ДасузлакІгы йхъа  
Йрышдзахыркъвын — шдзахушд зымгІѣа  
хІѣѣырхъа...



ТіақІв йджьащас: ачмен кырбыджь — хІва  
йапхьун!..

ЙангІасайхІв са сынбжьягІв йаба ПтІу —  
Сджьащара КІолумб йгІахьтІра йапшхун, —  
ИгІарылгылгІун атенгьызква йхьтІу!

ТіақІв йджьащас: ауепш ажвагьи хІыман!...  
«Акырбыджьгьи хьхІвади», — рхІвун хІугІа,  
«Акырбыджьгьи гІацІаргахьад», — хІва  
йхІылан, —  
ХІыбызшвагьи пшгІун, ауи уыргІа!..

ХІажваква майрата хІаныргвтасхуа,  
ХІыбызшва анхІымхІвахуа хІтгІачва рпны,  
ХІбыжькквагьи хІкытбжьараква  
йанырбжьадзхуа —  
Йсыхьид сгвы, йнымшаскІва йсыхьид сгвы.

Ари схьыгІа ахьшвашвара уайгІай:  
ХІыбызшвала хІайырчважва угІай.

23.11.80.



11

АцІлаквагъи къятІамазта йгылаб  
Апша йгІайуа рейша йрбыжъшвшвауа,  
Рбыгъькквгагъи адзынбагІдзара йылаб  
Рыладз хъаргІгІал ацІлаквa йгІарпшуа.

АцІлаквa хІвапсагІвата зны йгІвычаз —  
ГІамтакІ йшкІвокІваз, гІамтакІ ййачІвапшдзаз,  
ГІамтакІгъи — араса хІхІваб:

йчарахсахІвычаз! —

Ужвы уырпшы: йгврыдзгакъятІамазб...

РцапІквa пхата йгърыкІвыршамызд адгъыл,  
ЙыгъгІарнаmtхуазд гвыгъаракІгъи ауи, —  
Ари йуасхІвуа Анчва йхІваз апш уадгылб:  
Йыгъзымгылрызд бгъьыдъа ауат мышкІгъи!..

АцІлаквa сангІарызхъвыцра зны —  
Ауепш гвыгъара сауында схІвид хІпны!

27.11.80.





ИгІасгвынгІвызгьи уасхІвуашд са уахьчІва:  
АгІвычІвгІвыс данаквшвара рыцхІагІакІ,  
Ибзазара, — йагІвызас зны ахьпчІва, —  
Иапшхазшеа йанибара йшагІаз.

Абацаква йыркІгІвацауа ачІвгІван —  
ДгІвычІвгІвысызтын, дгІайылцІызтын  
гІвычІвгІвысгьи —  
Рейша йуасхІвид, уаргьи утвы умыргІван:  
Ауи дазымхъвыцуа датшауыскІгьи —

ИгІайта йпахь йгІакІкІушд зымгІва рапхъа  
Й-Псадгьыл апІатІу, й-Псадгьыл ахьыз, —  
Иацичпушд ауи йаргьи йчІвырхъа,  
Дгъайгъдзушым йбзазарагьи ауи ахъаз...

Саргьи ауи анур сгІанахчалыйд йзнымкІва,  
Ауи гІарылкІкІгІид сбазара амакъымква.

8.12.80.



Бара гьбакІвым са уахьчІва сызэхъвыщуа —  
Арра йыгъу сычкІвын сикхъгвыргІвид:  
Сгвы гІанарбцІуа, саррыщхІауа-сархвыщуа  
ЙгІамжуа йсальамшвѣа сщгІанаршид.

ЙысызргІва снамшшыжуазтын бахъыла,  
Схъвыщра бпны йнамдзажуазтын уахьчІва...  
Сара сычкІвын апстхІвахъара дыла  
ХІкъраль йхчид... ДгІайхчад аун Анчва!

Анчва йгІайхчад хІычкІвынчваква йджвыкву,  
Зани заби рихара зымбауа...  
Сгъазнархъвыщхуам датшаборчта йсыкву  
СычкІвын йсальамшвѣа сызепшуа...

Баргъи сбыхІвид: йысызргІва скъванчагІа, —  
ГІвычІвгІвыс йгІайгвынгІвуашд гІвычІвгІвыс  
йхыгІа.

'12.12.80.



АсахІатква цид адабыжъмакѣта,  
Амшква мгІвайсид атшыгІвгІвы йашІпшуа,  
АтшчвагІапкІква йгвардыркѣяз баракѣта  
Асквшква псегІид зджъаралагѣи йымпшуа...

Йбдырума сыззхѣвыцуа сгвы снарыхѣуа:  
ЙхІылымшаз, йхІзыщтІымхыз амшІых,  
УачІвы йгІасуаш апшакви апшыхъкви  
ШІыщрата йырзыгІгуш атурых...

Сара йздырид — адуней хІызгІаквлыз  
ХІазхѣвыщырныс шакІвым хІхѣагІваца,  
ДшхІайгвгѣауа бжѣагажвалагѣи агвла,  
ДшхІызгІапхѣапшуа ащагѣи хѣгІадза...

ЙхІылшармищд хІымгІвайсныс хІымш  
хІыршыцуа,  
ХІгІвычІвгІвысагІи хІхѣацІари  
хІымрыдзуа?

14.12.80.





Абар уахъа йагІвысид Ажви АшІыци...  
АтшгІва апны йсхъазыб сара уахъа.  
АмцазаджвыкІ сыгІвзата сазхъвыцид  
Асквш апны йатышсыз ачІвырхъа:

Ауи шпаъаз? Райшазма? Йпшдзазма?  
АгІвычІвгІвыс дгъамрышвийма зынгъи?  
Алашара апнылагъи йнархазма?  
Схъа гънанамыркъвыма гІвы йпынгъи?..

Сидрума, уанбазара угІвычІвгІвыста —  
Зджъарагъи йпыквхъысылб утшыгІвгІвы, —  
Ихъаду арекІвб: уйыгІвымкъъан утрыста  
ЦхърагІара йазыбжахаз агІвы...

АсквшшІыц гІаталд, йгІайд асшкІвокІва йыла...  
ХІадгъылцри, усныхІвид гвылапсыла!

31.12.80.



Иацижътара сыкІгъи гыквмызтІ хІадгъыл,  
ИгІагъырдуан, дзынкІясатагъи йчвхІвхІвын.  
УахъчІва хІпшын — акъахвра хІгвашв  
йшгІадгыл:  
ИгІакІатІгІад асшкІвокІва — уахъчІва хІпшын!

ИыгъазамчІад — йгІакІанапсад хІыжвгІванд  
Уыла зчвудзуш ласашкІвокІвасыш!  
ХІаргъи хІынчвахъалра дзыта йхІыжвуан,  
ХІацІахъвмаруан хІара хІыжвгІвандхврыш!..

Иара — аун йаршышуаз хІара йгъхІхІаквмызд,  
Иара пщдзата датшахъвшва хъвнацІун:  
АжвгІванд уыста йамаз хІара гъхІакІвмызд —  
АсквшшІыц ахъаз къасей щгІанацІун!..

СгвалаладжвыкІ, уахъагъи сбызхъвыцид:  
ИбыденыхІвалыйд ари асшкІвокІви

АсквшшІыци.

1.01.81.



УахъчІва са йсымшб. Ауи сазхъвыцид тынчта.  
ИкъасчІвахыма йсрыхъвата стамам,  
Сгъазазымгылма сцІабырг ажвабынджъта,  
ИгъсызгІамаума йрейшаз аджъауап?

СгІакІъазызта кІаразын сгІатхъама,  
ИкъасчІвахыма йсрыхъвата стамам,  
АгІвычІвгІвыс санитакъыз сгънамдзама,  
СгІаквнагама аугІа рымгІва йхъвам?..

Иаъазарын абазара апны ауепшгъи,  
Игънасмърдзазаб йатахъыз зымгІва, —  
УацІыхъвангъи йасыргІид уахъчІвамшгъи:  
Иыздыруата сгъыквымцІд гІвычІвгІвысмгІва...

УахъчІва са йсымшб. Ауи сазхъвыцид  
счІвабта...  
ИгІайуаш сымш, йгІасутуашйа джъауапта?

3.05.81.



Ауыс ухад — хайырта, дута, пшдзата,  
Йучпуш учпад — йузымчпазгыи уакъвыцІх!  
УахъчІва уынхад гІвычІвгІвыскъайматкІ  
йапшдзата,  
УачІвы йуызпшуа — ауи уачІвы уазхъвыцх!

ГварашІыц уыргылд абар — хайырхад!  
ХІаквшІыц тауцІад — йтуцтыргІад лгІвамшы!  
ЦашІыц ушшyd — гвыргъяхъвхад, сайырхад,  
ЙгІахънІлашнІларгІад ауи тшыгІврамшы!

МгІващІыц лукъад — агІвзачваква рыхъаз!  
ЦлашІыц лауцІад — йгІашІалыргІад  
швырбажв!..

Уысхарала уара уыбгъа рыхъвазд,  
Уйапшызд зчвкъара йыквгъаз альагІвпажв!

Уыс змам — уикъвыцІ ауи гІвычІвгІвыста!..  
ХІа хІгъауам ауыси хІари хІагІвыста!

9.02.81.





Джъасы хъыштхъад. СкылачIваб ахъышв,  
Акъала аурамлащцара сыквпшид.  
Амызгъи абан атдзаквгыла йгIахъыштвд,  
Йымшвыс уысакIгъи ауи амыз ахъаз  
йсыкIвпшид,

Амыз анызба — сгIагылд сара,  
СацIгIара стахъад ауи гIашIасрыста:  
«ЙсахIв, хъырчIвачIва, араъа бгIазг бара?  
ИамагIныйа араъа йбыму уыста?»

Бара бгъкъалабзазагIвымщд? Бара  
Акыт бауабщд — акыт йшауу апшта  
АдзыхъкIаркIарква, ажвумпква, ачвахра,  
ХIыкIадзаква йыршIахъвмаруа ахIврапщдза...»

Щарда гъсзымхIвахд — санапшы сакIыд:  
Ауи апны ба бсурат гIатпшид.

7.03.81.



КытсураткѣвакІ гІалгылгІндта сымш —  
АгІамтаква йгІайуагъи йгърызрыдзуам,  
Ианкъвакѣвид ймаракІашу асыш,  
Сылакѣвагъи ауат щардала йгърыщІцІуам:

АзарцІла — тшызрыгІайуа йгІайыз,  
Аквастрыхв — тшызрыхІвачѣауа йгІайыз,  
АйачІвакѣва — акыт агвы йгІатпшыз,  
АгІапын — зынла зымгІва йрайгІайыз...

ЗцІыхѣва хъаршвшвал йнагІвгІагІвуа ахІвыс,  
АгѣашѣІыхв йгваралхуа акѣазчыркѣва,  
Ажѣвгъамыда щымтижѣтара йхІвыз,  
Акыт гыр-гыр — хІва йрылаххуа ауандыркѣва...

Баргъи бпхІвыспахѣыцта аурамла бѣид,  
Саспнылагъи бпхаѣауа бгІапшид...

7.03.81.

*СынбжъагІв Черкъес Альи йпныла*

Момо, сара сгъадыгъам, са сабазаб —  
ЙалаумырпІатІан ауат агІвба.  
Амарагъи абазата сабазаб,  
Амызгъи датшата са шамба!

Дасу йара йугІа рыхъыз йымазд,  
ЙугІа рбахгъи йхъычхыргІад дасу.  
Адгъа ршынгъи, сынбжъагІв — уа уапшвымазд,  
Абаза рпны — йсакІвмызд йсасу.

ХІайщчвазд хІара, хІаргванызд анцІрала,  
ЙхІчвымдзыргІад лашарата йхІызбжъаз!  
Хвы узысчпушд са, уназдасуашд са  
хъызшдзала,  
Чвгъала йгъгІасыршІыхушым убжъас!..

ДасузлакІгъи йугІа рыхъыз дтата —  
ДбазаргІад зымгІва рыхъаз шдзата!

25.03.81.



«АсквшшЫц!» «АсквшшЫц!» — хІва  
агазетка хъшвшвгІнд,  
«АсквшшЫц!» «АсквшшЫц!» — хІва  
арадиуаква гІвахІвид.  
Аткванква рпынгы амзацілаква адыркІнд,  
Аурамква рпынгы аугІаква нагІвгІагІвид;

Азаджв, абан, аркъаквакІ йгид,  
Азаджвгы, уншы, къазужвпІаракІ  
дрылащд.  
ЗымгІвадзугы йгІайуа закІ рбид,  
ЙгІащгІнадрыхид къахв гІазхъгылхъаз рыла...

— Уара щта? АчІвыйа араса узчІву?  
ЙгІайуаш пшакІ згІауыщІамкшас ачІвыйа?  
УазымхъвыцсІа уахъчІвауымш зачІву?  
УачІвыуымшгы хІатшкІныхІата йзтачвыйа?..

— Сара — дскъвыцІуазшва йзбид  
сынбжъагІвыжв,  
МгІвапщдзатагы йскъвигауазшва гІвышв....

5.01.82.

*СквшыцныхІвара*

Хъакъвщ КІакІана йыхъыз хІара йхІчІвызд,  
Къанджъа Мжыкъ йхъацІара хІа йхІашвазд,  
Нарт Сосрыкъва йуацІа хІара йхІгвызд,  
ХІажва йхІшІакІу — хІа хІсабиква йражвазд!

ХІынамысгъи хІхчагахызд хІара,  
ЙхІхъмаштылыргІад: хІара йхІыму хвыта —  
Ари шакІву хІыхъыз азхІара  
ИамарахъгІу, йахъвдалуашгъи мхвыта!

Уабазазтын — уабазара щІых,  
Инауыркъвын уара угІазлыцІыз рыхъыз,  
Ащхъатшваквa йрбжъамдзыргІад хІтурых —  
ЙхІымхъыргІад асквшхъараква йрыхъыз!..

ХІшугІахъу, хІшабазу, хІхъа шнаркъвым —  
Адуней йанахІвыргІад хІмакъым!

6.01.82.



Иацижьтара швабыжта йпхагІвын,  
Агъынгъи хІызгІайхъата йгъхІымдырузд;  
Агваны апны — къахвта йпсегІун ахІвын,  
АжвгІванд апны — амара цырцыуан.

УахъчІва зышла йгІагвмацхъад, зышла  
йгІахъвацд,  
ТшазамрыцІсхуа йгІакІатІтад ашкІвакІва, —  
ИгІасырбах уа укъагІара, уа ухъварп!  
(АсрычвхІва йгІалшвтд арифмагъи: агвакІва!)

Иацы йхІхІвун хІа хІымшква шдатшахаз,  
Апхъала апшта йшаъахым асхъычвгъи, —  
УахъчІва ушых ашкІвокІвара шгІабгаз —  
Ауя рыцІа-рыцІа тшгІанарычвгъид!..

Амшква сара сбазара йапшдзаб:  
МышкІы — йквайчІваб, мышкІы —  
йджъаушуста йпшдзаб!

8.01.82.



Ащхъахъыкккв псейспадза асы гІарыквлыйд,  
РыцІарыцІа йшкІвокІвахид ауат...  
АхІгІараква! Саргы швара спвыкквлаб,  
Сквшытагы йузымпхъадзуш гІансцІхъад!

Сара йздырхид абазгьргІа анмелуаныз,  
Абазгыштагы сквшышвцарда йанымчхъаз,  
АбазгыпатшагІ — ЙгІвыджьхауа Льиуангы —  
ПатшагІзаджвыкІта данабуз КІафкІаз!..

Сара йздырхид абазаква-абазгьккв  
Ианамырдуз — адгьылдъа — дзгы щхъагы...  
Асы гІарыквлыйд тынчта ахъыкккІазкІазккв...  
Асы гІаквлыйд псейспа са схъагы...

О хІыщхъаккв, анцІрала швара йшвлпцылаб  
Швхъыккккв рапшта йшкІвокІвахаз хІа  
хІылахь.

9.01.82.



Сквншшѣцкѣ хѣызгѣайд. Ауи саргѣи сапылыѣйд.  
Сыбызшвала сачважвид ауи,  
Йаргѣи тынчта са спвѣабгѣы йгѣанылыѣйд.  
Хѣвыщрала йгѣасыдгылыѣйд йаргѣи.

Абазагѣи бзи йырбун асквншшѣцкѣва,  
Гвыгѣала йгѣадрайгвун зымгѣвагѣи,  
Ажвакѣвагѣи рзырхѣвун йымкѣвыцкѣвыщѣа,  
Ачѣвгѣвакѣвала йрыжвуан агѣвадзгѣи.

Рымгѣвакѣвагѣи гѣалгылгѣун асрычѣхѣва,  
Рѣнасышгѣи турасышѣкѣ йырган,  
Рахѣва йтшгѣвазгѣи арыкѣапщѣуан ргѣрычѣхѣва,  
Гарата йдыргылуазгѣи щардан...

Асквншшѣщ гѣайын—йагѣвсыз гѣанаршѣцхѣид,  
Уабачѣва аламгѣвайсыз уазнархѣвыщхѣид.

8.01.82.





Асы анГасра, апшахвыцгъи анГасра —  
СылГвахид, гВатЫрахид зымГВа,  
АскъальтамашКІвоКІвакВа рнасГасра  
УылакВа йГаршыралыд: йхъГВа!

УахъЧВа — пшдзараб, йыгъГасуам —  
йГлахъвмарид,  
ИачІВа-йачІВа йГакІапІлыд асква,  
АГІычІвГІвыси йкъахвхаз апсабари  
Игвышхеауа йаццТІырхид абыжъкВа...

МачІКІ йхътаб — асы йГІасуа зымрартуаш;  
Амбатамбата йГІабжъатІТид аурам...  
ИамагІныйа асычКІвынкВа йхІызГаргуаш?  
Адгъыл акІвб йГІахІазхІвуаш атамам!

Арса ушшыта — зымГВа наубид пстхІвашта...  
Саргъи уа суызхъвыщид, с-Абазашта.

13.01.82.



«Кіара сшаб — хіва угвыгъаркІвума  
ужвыгъи?»

Заманшарда уштит ахъазгІваца,  
Уымарагъи — абан йубид, йхъвжвыкІид,  
ЙхІвынчІахызтын — акъынды шнадза...

Кіара учшахб ухІвума зны тшгІабутта —  
Ражва джъадуырщахуа хІугІагъи,  
Уыхъызгъи дымрыбазархуа пудта,  
Ушахвгъи йадмырбахуа къаугІагъи?...

ЙгІайхырмишд угвыгъаква гІахъынхІвыхта,  
УыйачІва йаркІахырмишд ута,  
УчІвылагІвчвагъи йрхІвахырмишд турыхта  
ЙшгІатнахІвуз апурква ура уда?..»

«Спурква кІкІид. Са сымарагъи гІашІыхид,  
Сымара йгІашІыхауагъи — гвыгъид!»

14.01.82.



Абыхъква рпны йбзасун ауи ажвцІычкІвын.  
Чыр гІалнадун, ачырхвыцквашагы арчун.  
ЙхІвачвауа йахъшсегІун ащхъадзычкІвын,  
АгъвычІгъвычІра йъакІвызлакІгъи йгун.

Адзын гІайд. Ахъшвашвараква  
гІакІылшвшвад.  
АжвцІычкІвынгъи мышщымтакІ йахІвад:  
«Сыбыхъвдуква! Швхвыцхашва,  
тшадшвкІылшва  
Сара уахъчІва зышла спсы йабад...

Апхартала сахъыргъи — спшызгІайхуашд!  
СангІайхуагы йсымазлупд согІа!..  
ЙгІасашвхІв уахъчІва: йамагІныя  
йгІазгуаш? —  
АсогІа швыззыразу спшвыргІа!»

Абыхъква йрхІвад: «Бышвашарда ургІата—  
Уыбышвахвыц хІа йхІызгІагх согІата».

17.01.82.



Ухъа наркъвыта ушпаныкъвуш?! Гъагъата  
УахъапшлакІгъи — йгІаушІакІкІнд ашвыб!  
Агъынчылыа йщІнахд арызнагъата,  
Адунейгъи ашкІвокІвабаба ашвыб.

АцІладуква гылаб йаквырщцыта,  
ШкІвокІвасышта ржакІаква пырза.  
ЗакІгъи гъамам ащымтахъа йчвыта —  
Ицрыцрид зымгІва рыкІата-квпса.

Апщдзара нцІра гъамам. СахІатбжакІла  
Амара тшгІащІызхуа йгІанаршвшвушд.  
Тшазамхчахуа йшІу къарумадзакІла —  
Агъынчылыа агъатагъи гІакІашвушд...

Ужвы — йпщдзаб! ЙшкІвокІваб, йцырцрид,  
Цырацыра йкІылкІкІгІнд, йхъырхъырид.

18.01.82.



«УгІвычІвГІвысагІи ухъацІари уымрыдзын,  
ГІвмальянккІта йуыцызд агІвбагыи,  
АгІвбагыи агІвбзиква зымГІва йрыцын,  
РытшГІва йпхаз йгъагымхад зынгыи.

Адгъа йхъшаз йпшдзу адгъагІа дахъид,  
Апсуа йхъшазгыи апсуара нкъвигид —  
Аныгыи арыгыи рхъацІара йазсакъид,  
РгІвычІвГІвысагІа анурквашгыи дыркІкІид.

Уаргыи, сычкІвын, хІабазара уыцызд —  
УгІвычІвГІвысагІи ухъацІари рсогІа,  
Уымш йтыцІыз ащтаквашгыи шІыцызд,  
Уымш йгІаталуаш амарагыи хІгІазд».

Арса йхІвун агвашвхъа йчІваз адада,  
АчкІвынчвашгыи йхъадзгылан бнашІата.

18.01.82.



Ицама, йцама рахІа йбзийыз хІысквшкѡа? . .  
ЙгьІамихуашма хІтшы — пхынцІыгІѡа

зшІаѡ?

ХІхьышвлащдара йгІадхъма хІыцІхчвасыскѡа?  
Пхызта йгІбагІѡаѡахуашма хІаншІаѡ?

ХІынбжъагІвчѡакѡа хІбацкъагѡашв

йгІагылта, —

«Абѡа уней!» — хІѡа йгьІамцІыруашма хІпшы?  
ХІхІабльа ачкІвынчѡавъцкѡагьн тшадхІкІылта  
Архъала хІгъацхъамылхуашма зны?..

ХІашѡабыжъ хІымрыдзуата йхІыргазма?

ХІрылазма хІгІазлыцІыз аугІакѡа?

ХІа хІпшадѡкѡа йгІасуашызгьн гІасма,

ЙгІакѡаѡама хІара хІымш акѡа?..

Ужвыгьн гьныкІ хІызгІайд абар йгІапхъысын,

ХІара хІчкІвынхъа ахІгІаракѡа йгІархъысын.

24.01.82.



Аквтагъ агвапш йгІакІылкІкІад  
апстхІважвІа

Ащымтахъамара — хІпсы зызнацІаз.

Иаргъи йгІахІнахІвд: «Сайщчваквa, сгІажвба!  
Дызда сара сылашара змадзаз?»

«Сара!» — ахІвад адгвы зымгІва рапхъа  
йцІрын.

Алахвыцгъи йгвыргъауа тшарычІвайд.

Ахъыбра йгІацІххвуз ацІашвтшыт ратын —  
Агвыргъаладзгъи шкІвокІвата йгІацІычІвад.

АквтІуквагъи рххабжъы гІадыргахд,  
ГІапынхазшва йхъвшвамшвауа йгІаныкъвахд,  
АшІапхара чІыхврахвыцкІ гІаншахд, —  
Апсабара йгІанайаухд апсыхъва!..

Амарагъи рыцІарыцІа йкІкІид,  
Адгъыл йыкву псшІыц рхъанацІид.

7.02.82.



Сычвгъара, тшабакъаучІвах, тшабаурыдз? —  
ХъапщкІвалдзыта уатахъхади спсы!..  
АтшаныргІалра-тшрыхъгІараква шсаурыз —  
ЗынзаджвыкІгъи йскъвымцІында уа усы!

Уара усы — зны йтынчхауа, зны йчІвгІвасуа,  
СрычвхІваткІыта йгъагъауа зынгъи,  
Аъибльисера скъвызцауа йгІвасгІвасуа,  
Агвымхара гІазымщтиуа са спынгъи!..

Уара уакІвб са шкІвокІварата йсыму,  
СымгІвагъи гІвзабзита йсзырбауа,  
Сымш апынгъи уара уакІвб йшвыму,  
Уара уакІвб са снурквагъи зхчауа...

Сычвгъара, съанызлакІгъи тшумрыдзын, —  
Сыпхың апшта уатахъыб са сыдзын.

9.02.82.





АгІамдара йгІаствалашваз сызшІыцхан  
Сларджыла сджвыквылд хъвыцрала сачквыны...  
ХІ-ИынджыгыгъдзыгІв цІагІвцІинахан-  
йхвыцхан —  
Спнейуаз санйад нагІвейкыткі апны.

Иджасщачван аун сацІгІад сгІашІасын:  
«О Иынджыгыгъ, уа уакІлма ари йзбауа —  
МомкІва дзкъвычІвакІ гІайума йгІвасгІвасуа  
Абыжьгъи адауышгъи рымгІауа?!»

ИгІанахІвад йгІачважван сара сдзыгІвгъи:  
«Шуараб, саща, сдзы этахъу щардаб,  
СшпарыгІвера адгъылгъи  
цІисгъи-хІвыхІвгъи —  
Ишпанасыркъвра хІыцхъаква ръадаб?!..»

Саргъи сгылын псейспадза щамхъала  
СдзыгІвхвыц ба асхІвд, сапшыд аун  
лахъгІала.

15.02.82.



«Хикыт — хива угылаб! Иамагиныйа уцата  
УызтачIвущ аниъара йхъару?!  
РызкъхIазыр уызпшума нартыхвцата?!  
МомкIва йуымма йкъачIваху къару?!

Уынасыпгъи уызлымгушдунейта  
Йтахъванчуа йтахама ЙинджьыгъкIвар?!  
АуецкIысгъи хIара хIкыт унейта  
Убзаза, утхаджъ, — йаргъи аргваныб абар!..» —

Арса ухIвид йгIакIыдухуа угвы йкIыдхыз...  
Саргъи ари йнауасхIвуа угIаздыргIвы:  
Заъара йхъаразлакIгъи са скытхвыц —  
АцкIыс, саща, йгъсымам аргваны.

Скытхвыц амара акIвб сара сзайпхызуа,  
Скытхвыц амыз акIвб сгвы апны йкIъазызуа.

19.02.82.



АбнашкІвокІва сылагыла снейид,  
СабакІид асрычвхІва йгъагъауа,  
Сгвѣлагы агвыгъапщдзаква скІвейид,  
СнарбжысгІарбжысид ацІлаква йкІауа.

Сагъачвагы сгІанарыхвхуа рыла,  
Садгылгы сдыржьюшызшва йрбауа  
Йъасырцауа йнейид йалагыла,  
Сыбнагы сугІахъагы ршвийуа.

Инадыркъвуашын сара сугІа рыхыыз,  
Сыбызшвагы рщаушын йамаркІуа, —  
Дара йрызгІайд адзра рахІа йцІвыхыыз:  
СыбнашкІвокІва йахъватщд рбыжъква...

Саргы ГльинкІа йпхынцІыгІвапщдзаква  
сшІата  
АугІа йсызшшуаз сырзыгІапсгІахд  
ашвата.

20.02.82.



Ихъаду ачІвыйа: мурадшдзакІ

УазІабыргха ауи амурад йукІыз,  
Тшаумырбан ауис нахъысІахъыста —  
Бзи йгъабум ауис нахъысІахъыс.

УбжъанакІыб абзарагъи арычва —  
УымцІакІван!.. Ауасаражвгъи йхІвид:  
Апша йгІасуа амзахвыц арычвид,  
ИацІнахъид амцаду, йщІнажвид.

Имурадшдзу ачІвыйа сара сыхъаз,  
Уысхъадата йабауайа сымш?  
Бзасаран йанакІвызлакІгъи йсыхъуаз,  
Маранурын йызладууыз сымч.

Зхъвшва гІвычІвгІвыс йчвыкъазчІвахуаз  
срыгІвсуан,  
Згвы алашара агвы йыквыз срыгІвзан.

25.02.82.



Аурам сгІаквцІын, — сдагвыркІваб  
ужвыгън, —  
Атды сгІашылд — атынчра, быжъ ъаным...  
Абзазара! Сквшышвла спхъадзарыгън —  
Иджъаспалушд йсызгІамкІуа умакъым.

Срынйалушд йалалхІвачвгІауа хъгІата  
АгІапнн хІызгІазгыз убыгъкъва,  
Исдырбалушд уауыцзынхъагън хІгІата  
Анларыла йхъылацІлаз ухъква,

УшкІвокІвара сгІазлысуапгън щымтакІта  
Сарцалушд сапхъала йшкІвокІварчуа,  
Уара ухацгън тшаргъвгъвалушд шындагта —  
Тшархъауа, тшарауа, йшІымчІвауа...

СгІаршІышвтызшва сджвыквыагуз йсыхъта  
Атолкъвынква, — сгыла снаушнд сыкъта...

28.06.82.



Акыг сгІайхын сымшква срауа сбазид,  
Атобала схъанагылд спсегІара,  
Анасыпгы саргван йнасгІасид,  
Иазшид ауи схъвыщраква рпшгІара.

Абыжьева тшызрыхъарузгы гІанысылхд,  
АпсегІачІевка тшызрыдзуазгы гІаншахд,  
ИгІасасыхыз апщдзараква рнысла  
Саргы уахъчІеа шІыщшІыц адзы сахвахд!

Апшахвитгы сара схъахыла йгІасид, —  
Сайщчваквагы, ауи абжы швшвыргІа!..  
АтобахІгІа тшаласырпан сбазид,  
Тщрыласырпан сбазид са сугІа.

ИгІатшкІарыщІид сымарагы шІыцта  
Сгвыгъаракви сгвыргъаракви йрыцта.

22.08.82.



«Дада йхвыц, учкІвынбта щарда упхыйд,  
Уысквшквагы джъмашІарата тшдыруышвид...  
Ас аншыцу — йгвыргъауа уарпхыйд,  
Йанажвра — йгынцІкІвид ауи йауышву...

Байтамал, йсымандаз ужвы —  
Издыруагы сисчІвыта! — уара уысквшква —  
УахъзаджвыкІла йнасырдзарын Хъвжвы,  
КІакІа йгІасыргылын ацІхчасысква!

Сбазара датшата йхынсырхІврын!  
АнемызшІагы зйан йгІакъвыкъяз тшшыста  
Атшква йрыла хІкІварква рны  
йсырхІврын!.. —  
Байтамал, йсылшадзарыз уыста!..»

ХІанца-лыгажв йажваква срызхъвыцхд,  
Сара йсыгІвсыз асквшквагы гІасыршыцхд.

1.11.82.



Адзын тымцІскІва тшгІахІнардырд агъны:  
Асы гІайд йахъаштылын йшгънымыз.  
Ахъачваквагъи асовхозгвашв апны  
Йгылабта йайчважвид: «Зджъара йшнымыз

ХІыдзын апш — йауан ауи сынчІва!..»  
«Апхынгъи шумырджъарыз аквала —  
АхІацкъъа ахъахъгъи хІшанарыс ачва!..»  
«Амарагъи шмачІмыз — гвыргъахъв  
хІшалаз!..»

«СыцІгІвахаб ухІвумищд ари асы?»  
«ХІагІ, йаргъи. Ауаса уунагІва шбагІва!..»  
«Ласы йшгІай, гІазим-къарим, ласы...»  
«УалахІа, йшгІахІгвыквыл, ахІы, абба —  
хІва!..»

Йчважвуз ныцІхд. Атракторбыжъквагъи  
Йсдырбад гІапынпасазшва саргъи.

8.11.82.





Ареши сурат сымш йабахид зны:  
Ціхъва зымчпуш баракъатра гІасыртуа  
АхуангІважъква архъамгІва йатшны,  
Са ссабихъа йхІвансауагъи зшІыртуа

МышщыбжъанкІ йгІасыхъвлакІкІаб сара...  
Чахъванщырцадушва — ашыхІвгІважъгъи...  
АкІвар ахъала — атракторква рххара...  
АджьугъальабабачкІвын амгІващгъи...

АхуангІважъква рхъахълагъи унаскІа —  
Уыгъзырхъышум ахырбызгърадуква...  
ХІырхъа уара дгъыквубушым пскІа, —  
РцІыхъва абыгъу хІадгъыл акъаруква!..

Сапхъахъыла сшпапшра — сажвра чІваб...  
Сыцтахъла сацапшид: зымгІва шІаб!

16.11.82.



*СыквлагIвча рпныла*

ИагIвсма, йагIвсма хIымшквa зымгIвагьи?  
ХIысквшквa тшалазрычхвхвыруазгьи цама?  
ИгъхIымахымма хIшIарала мгIвагьи  
АгIамтаква йгIайыз ауи рдзама?

ХIыбыхъвквa рпны, хIадгьылдри ахъахъ,  
ИгъгIахIымгIушма бжъыкIгьи — зынла  
йгIдырхуаш?  
Хъшвашвадза хIанйагIвацушма хIхъвахъ —  
Зны йымцаз, зымцабызкъахквa  
хIщгIырхуаз?..

Момо! ХIымца гычвуашым ласы,  
Игъахънапсушым апшачIвыхъ йгIасуа!  
Швзынйаз ахъва — йгIажвгIватIыта швишы! —  
АйачIва апш чIвекI гIалшвтуашд  
йкIазкIазуа!

ХIбзазун хIара! ХIгъамагIщузд зынгьи,  
ИхъвалахIкIуая хIазсакъуа хIпыргъагьи.

13.12.82.



Адзыр ыацаз, адзыр йшвшвуа йъахъысыз  
Аквтагъь агвы йгтаышвштызшва —  
гтаажьгтаажь  
Ахтврапшдзачктынква гтаквнапсад-  
йтанысылд,  
Йгтадырктад йырхъаштылхыз амгтавац.

Ауттагъи ужвы шыцшыц йапшыхид  
Рыла йгтанамктыхуаз амгтавахвыц,  
Ргвы апынгъи лашараквакиташтыхид,  
Шыцта йгтахънарчталымд апша-хыц.

Сгылаб саргъи хтврапшдзала сктывршата:  
Ахъагтаажь, абгъышла, апсалах.  
Ахъвшвамтагъи нурзитвала йчпу чвхъвшата  
Гтеыбыхъвшчгвакитшырхъанарышвд:  
швштаквчтавах!..

Аквагъи — анахъ-анахъ, хъарата,  
Анаарала йхъысхъад йквтайчтата.

12.04.83.



Ціса, ціса, угіай, угіагварал апшціа,  
Уысчвымшван, гьлагвапата угіасшы!  
Уаргьи уцгвыб, уаргьи псы ухъаб са сапшта  
ЙуымаскІайа йызсрхІауа упсы?!

Араъа угіадзынгылызшва угіагварал,  
Уымгівадзашван, уымгіва шхътІу уырба,  
РыцхІарыцхІа тшыдуымкІылуа сгвара —  
Къахвта ухъвмар, ухъапал, укІапа!

Агагівы йрызхъаб ари адунейду,  
Йыгърызхъад хІа йхІапшым агагівы!  
СтдзыжвчкІвынгьи — угвы азгіайуазтын —  
унейта  
Унагівнапшы! Ссатыргьи уаздзыргІвы!

ХІрыздыргІвлаб щымталагьи ацісква...  
Уджвыквылхди? УырхІади?! Ціса, ціса!..

13.04.83.



Акыт угІаталхд. ЙукІыхид амшІа айхи.  
УазыпшгІахид йумаухуаз апатнаджь.  
Анхашаква уызхъкъахызгъи уызгІайхид,  
Анхарагъи уазыкъвълейхид мачІмачІ.

ЛугІагъи — угІанысылта — йгъухъыччум,  
УчІвырхъагъи гъырчпахуам лакъырды,  
Ажвабахква ржьагагІваз гъухъычхуам,  
КІвыкІвата йгъубахуам абыхъвтІы.

Амарагъи псейсна угІанадырхид,  
Ащажь апхъа йгІаунартІид ухъышв.  
Амыз йахъа йуыцыз адзы йырхид —  
ТшгІанаркъвумца Псасаквала йщхъышвтх!..

УгІайхд абар акыт — йткІыйу, йцрийу,  
УугІа рымца йымчвуата йъацІхъыйу.

19.06.83.



49

Са сызрейша пхІвыспакІ дгІамыгІвхъщІид,  
Абарфыма дылата дгІапсегІид.  
Саргы счІвабта сгвышхвауа сазхъвьщид —  
Сара сгвгъи йазгІасыршІыхид гІид:

ЙыбмагІнъйа? БгІайума сахъыла?  
Бгвы йгІапхъапшыз бгъагІвнамщтма сурам?  
Анчва бсызгІалбгІищтызшва хъахъыла —  
Бнур гІаскІьид... Са сазпшрагъи гъмайрам!

Йышсхъазызгъи бдырта бгІаласхама?  
МомкІва йбгІама йнабызгврымуаз снур?  
Згвы стызрыштхыз рапшта бгъымгІасхама?!  
Бгвылагъи йббырдырхъама йсмагІну?..

БагІвсд баргъи сахъылагъи бгІампшуата —  
Йгвжважвауа йахъыкъъаз пхынквашуата.

16.08.83.



Абнайквараква срыквпшид хъвлапны,  
АбыхъвкІьырква йлаццарахаз срыквпшид.  
ЗымгІвадзугъи тшдырпхид са сгвы апны,  
Ихъарадзугъи сырхъыжвжвгІауа  
срыкІвпшшид.

Дгъылый жвгІванди йырбжью ахвакв  
КІьшвракІьшвра йнаурид хъарачІвыла —  
АжвгІванд йыквлызшва йшхІвуазымца  
хІтшква,  
Йырымдырдзаква йыквцІызшва хІчІвыла!

ШыхІвхІаджвдута йгІатгылгІид Атшхъа, —  
Тшынла йларджью, тшарпахвид хъвлапныла.  
Дара йтынчб, йщаккІыб ашІахъа  
АмызшІа йгІатшкІарышвтыз гваныла!..

УзачІвгъисаргванйа, — йгвылымцІыхдзу  
Сара садгъылхвыц, садгъыл йшпдзу!

25.08.83.



СгьамакІуазд. УышпамакІуаш — уазхъвыц:  
ПщынгІважва йахъицахъан ахъацІа,  
Йалйыргун ауысквагъи хъвыцхъвыц,  
ЗымгІва йдыруан — йгІашІарышвта ахъадза!

«ЙамаукІуаш ачІыйа? — йхІвад ауи. —  
ЙамагІныйа йсаухІвуаш угІащаквгылта?  
Къаб йыгъуызгІашІажърым къвыд зынгъи  
ЗымгІвадзугъи аджъамгІат тшадкІылта!

Уыгъзахъвшхушым — щала йаъахІлыб,  
Ауи драсан — йпагъи дапшхушд араса!  
Амара гъмызхушымта — бергълыб...»  
ЙцІыхъвахузгъи йхІвад дгІачважван арса:

«Йутахъутын — тшаквкъа, тшыжвжва,  
угъгы —  
Мыгъщаны, бзи, йацІагІайхид мгъы».

6.09.83.





Аква сызгІайд. Саргыи сазгІайд аква.  
ХІара хІанйан уахъынлата хІацджыквылд.  
«Уней, — ахІвад, — хІырхъажыыл ахваква!»  
Ауи ахІван ацхІа-гыатан йсчыквылд.

Сабацахрыз?! АцІыхъва снагагылд  
Агыатан йуышвуаз тасыркъвалуа...  
Араъапны лашаракІ сгІаннакІылд  
Алаццаратшытраква хънакъьалуа!

Къайдыхв бакІлма? Сара спсы зхъапшваз!  
ХІаджърат-тшыгІв йгІайхуагыи бйызшума?  
ЙгІаныбыжъта ббзазара шашваз —  
Быуахъ-сквшышквва брылата йбыршумма?

Насып йымаб арса йызшшуа!..  
Сацджыквылхд йымгІвайсуаз аквашуа.

24.09.83.



ЗымгІва сырхъаштылхд: тгІачвагы  
вбжъагІвгы.

Заджвгы дгъсызцІгІахуам  
мшкІымзара-мшкІы.

ЗакІгы гыызгІахуам са — швийгы  
хІвахІвгы,  
Срадиуагы сквшыкІ цІидта ашІа шакІы.

Акыт сгІайхын, — «Уъаца угІамихд!» —  
рхІвазшва  
Скыт йазгІайуаз абжъымгІвакІгы штшдрьдз!..  
ЙызпсыцхІудицд щымтахъала гІвазшва  
ХІыбна ахъахъла йгІанакъвуа шІыцшІыц?

МомкІва ауи — ауасазшва йстахъума?  
ГвыкІгы са сгъгІанамгма уахъчІва йшаз?  
СыжвгІвандгы згвы шІыгъыыз пстхІва хъума?  
Сымш йгІайызгы йашІыршшума йцаз?..

ГІвынбжъагІвчва ракІвб са скІазымрышвуа  
гвыла:  
Тшынла — амара, амызгы — уахъынла.

25.09.83.



Щта, дзынхад. Йдрымцырахд ауатра.  
Ащхъаква пшахъшвашвакІ гІархънагид.  
Арахвхчагъи далціхд акъазауатра:  
Архъаква тшдырхвитхын — дашвахІвид!

ХъарачІвыла йкІкІид алагвырчІвымыгъ —  
АкІадза гІанарыкъащид абан.  
Уыквылта йпутшныс угвы йачвымыгъб  
Агъауыж йтІатІу агвабан.

АбначІва — ахІацкъа ахъахъ йгІакІылсыз —  
АгІвы йнатд йгІважъхав ачІвакв,  
Амара агвал тшыцінащд йкІкІауа йгІагылхын  
АугІа йрнахІвид: «Ей, швайгва, швайгва!»

Сара — сырхъа йгІаквызгайа, сыдзын?  
Схъа гІаквызгахд, — саъахымкІва сыдзын.

29.09.83.



Сагъьмалагъи сармалагъи спахъгъи  
Тыдз дыргылыйд йа — йырчпаз йахъпшид.  
ЙатахъымкІва йгъаквырцІарым хъбахъкІгъи —  
ЙаквырцІауа гІважваны йапшид.

ЩапІытагъи сквшызкъ нызцІуаш ахІахъвква  
БыжьцементкІла йдрыбагъьид йшвшвуа,  
Йчврыкъъачврысид ацинкІшкІвокІватдзаквква  
ХъарачІвыла уылаква гІархвуа.

Упшы — йгъмачІым йаквдыргылуа гІвбата.  
Апшвымагъи тшгІауырбушд — днаба:  
ДкІылымшвтхуашшва — адгъыл зны  
йгІагІвпата,  
Дыквызлушшва анцІрала йтдзы йхъарпа!..

Сгылабта снапшыгІапшуа сазхъвыцид:  
ХІтдзы хІырдууид, хІыбызшва хІырхвыцид.

1.10.83.



«Сгвашв пумтшын! УгІагварал тынчта  
сгвашвла,  
Саргван уангІагылзара — усасыб.  
УгІвычІвгІвысызтын — йузыласцІабта сгвы  
ажвла  
Инымшас дунейцІлата йуызсырйыб!

ХІабабарныс гьакІвымма щта хІзыкву  
Ари адуней — хъагьи цІхъвагьи зму?!  
Уара угІайма — уара уакІвб йджвыкву,  
УгІай, саща, — йудыр д саргьи йшсхъазу!

АцІхква схъвыцра рхыхад йгьирхыджьын —  
УапІакІынхІаратагьи йырсыхд!..»  
БышвакІлагьи дгьымчважвезд — аун  
дгьычын,  
Алащцарабзагвала дьгІвзыхд...

Ах, агІвычІвгІвыс, йабадзачвгьа сгвы  
угІасыз, —  
Убжьы акІвызтын щта сара сыцІх  
йамгІасыз?!

1.10.83.



Бзи йызбид са — хытобаква, хкварква  
Амара ангарыцхъмаруа йкклауа,  
Иануызглайуа йкхаву ахабарква,  
Ахвакльышв ахъыквла уандырпшуа.

Угвы апынгыи — лашарата, тыбглата  
Адуней аншыхауа йшабгу,  
Убазарагыи — йганымшаскйва йхъглата  
Гвычлвгвыспщзакй йнурла йанырккйу.

Бзи йызбид са... Ах Йынджыгы — са  
сдзылас,  
Уара уакйвма сара спсы глатазцаз,  
Маранурта йсыцгладрита йсылаз,  
Сапшваккв йымшвысызгыи сзыркйваз?..

Садгыл, садгыл, уахъчйва ушыъу уапшызд —  
Анцйралагыи абари амара уабжазд!

2.10.83.



Заджв дГІаныкъвид алашцара дыла.  
Йыщтакви йхьыртхьыртквн йрадзауа,  
АхІвашІа йсачІуачІуа дашІагыла,  
Йыъугъи йымдыруа дъацауа.

Заджв дГІаныкъвид — йымаз зымГІва  
Йчывыдзын,  
Йынасышгъи тайжъын балчикІвар.  
Сгвыла йзГІид: сахыла дГІамыГІвхъыщын  
Сгвашв йымтІуата дГІатшкІаралд абар.

ДыгъбахІам, дыгъхъылапсам, дыгъгвыжвкІым —  
Гъычра йГІайта йайГІваджъхыз агъыч,  
Исейспадза дГІахъыкІвшид ауи  
стдзыжвчкІвын,  
ДыгъГІашылуам — шарда цІуата йкъычІд...

Ах, уа уакІвма йкъазчІвахуа зласыра,  
СытшГІва йакъвымцІдзахыз ахъазыра?!

5.10.83.



ТдзыкІ сырґвагван — схъа-гІвназґад  
сымшыхуа.

ШунакІ зжын — ауыґьи йтаспуш сауд.  
ЦакІ сырґылын скытыґІвра сырхъвыхуа —  
Анартыхква гІакІылкІкІад, йґІацауцауд.

ДзыхкІ сыртіґын — абжы гІасырґад  
кІвыр-кІвыр — хІва.  
МгІвакІ сырґвґгъвахын — арахвпшдзаква  
нкъвызжъд.

ЙшґІважыркІваз йґІакІылсхґІан  
алакІвыркава —  
СтпбыґшІацІаґІвґьи бзазаракІ гІанышд!

АжвакІ схІван — ахІабля йсщид сразыта.  
АшвакІ схІван — сразыта йаусщд акыт.  
МцакІ аквсцІан са счвкъара апны  
йсхъазыта —  
АнбжыаґІвчва руатыкв апны йакІыд!..

НцІракІ сымабта — йрыстхра стахъыб  
йачІвата  
ХІара хІуґІа — сара йбауа Нчвата.

6.10.83.





ХІгыла хІГІапсарыквынгы — хІчІвауа,  
ХІчІвата хІГІапсарыквынгы хІГІагылуа,  
Ацыраква йГІахІвапсаз гІахІырпшуа,  
Ауаради анхари адхІкІылуа

Нартыхв хІкъвжвид. Арыгы гыуысласым,  
Уымачьхъаква ардинд ауи мшІыта,  
Ауырата йунахІвид ауыс шпсым,  
Иайчыз агІвгы дшГІаквнарчІвуш дхътшыта!..

ХІара — хІГыайчуам, хІара зымГІва  
хІпчарахІб,  
ХІашвагы тшардуунд рыцІарыцІа,  
ХІадгъылгы хІа йхІыкІважваб, хІа йхІахІб,  
ХІьщхъаква йГІарылцІрид хІара хІпхыцІа...

Нартыхв хІкъвжвид. Ауемщтахъ хІымГІва  
хІчпушд;  
Ауемщтахъ хІашва йщтІыхІхыз нахІырдушд!

7.10.83.





ПшразаджвыкІла сгвы хъылкъалд апхІвыспа,  
Заджвы лшыла сзымпшхуата сылкІыд,  
ЗымгІвагы схъыпраштылд сара суысква —  
ЙалалырпІатІад, йалалыргІвгІвыд!

Сгылаб саргы жвагІсквша снартагылхын  
СалазкІыз анурквала скІвырша,  
Сысквшквагы тшдырмачІын-тшадыркІылхын  
Апша штшартх — йшамцІнагах апша!

О, бзачІвыйа?! — сызбылуаш бымцума?  
МомкІва пшракІла йгІасыцбырхъвмарма мцы?  
ЙгІатыгІврыта снурква зтадзуаш бдзума?  
ЙсыцгІацІбщтуашма рахІа йшкІвокІву дзы?..

ЙгІахІвачвад, йгІасайхІвапсад  
Йынджыгыгы, —  
Йышпадырра сызтапшуа агІвадыгыгы?!

13.10.83.



Иалд ауаса. ИагІвсыз амшла угьпхызхуам,  
Амара угъазхъвыцхуам йташваз,  
Иблыз агвыжвкІра ушвокъгъи  
гъазуырхысхуам,  
АжвгІвандхъвшвамгІа угъайшвум йкІашваз.

Иалуаш алд. Йцушыз цад. Агвыргъи  
Арахъваква ннажъын йара шкІылс.  
Асы чІвыуид, алагІвыджква гвыргъид —  
Ауат уара ухъацІазтын йадкІылс!

Амыз гІайын йгІаухъакІкІад мзата,  
НбжъагІвайцІбата йгІаухъагылд анур, —  
Уыла йхъыцІхид уыла йхъызгъи мсата,  
Тынчта упсы йабахид уъану...

Амыз, амза, аячІваква, анурква —  
Угвы шырхвгІа йлашару акъаруква!

16.10.83.



Ашахкѣащѣвагъѣвагъдугъи йбаракъта,  
Ажвгѣвандгѣвыга дблыбылуа дгѣатпшуа,  
Ашыйачѣва гѣакѣнижвазшва дгѣахъта —  
Ахъащнуркѣва дрыла дкѣвашауа

Анахъ-анахъ — ахѣгѣарабырг, Атшхъала,  
Асыртхъа дгѣаквххд акыт зырпшыз атшыгѣв.  
Агвшѣаквагъи йыркѣкѣад ауи рапхъала —  
Ууарадгъи йзыхѣва, ууысаквагъи йзыгѣв!

Сасрыкѣва йакѣвзаб! Хѣызнымѣас насыпта  
Дхѣызгѣайд хѣара йхѣызгѣайгын хабарбзи.  
Ащымтахъапшыхъгъи гѣапынпсыпта  
Йырзыгѣадзад хѣадгъылыщти хѣбзи.

Амара агѣащтигѣв — ауи атшыгѣвгъи  
Йыцгѣашѣыхад хѣкакв ацѣисгъи ахѣвыхѣвгъи.

17.10.83.



Уалгад, ЧкЮтЮа: ауаѣа угъатахъыхым,  
УаныгІвпазгъи йбан ушатахъым  
ХъгІата уара уыхъаз ашвгъи гъхъыхым,  
ТбгІата уара уыхъаз ашвгъи гътІым.

ТшаргІващауа ахъазгІваца йпхъапшид.  
ИзнымкІва уара угІазжъахъаз угвгъи.  
Йагъыыз уысквшкви уара уылахъ абжи  
Ауаѣа йычвд йгІамкІыхуашта зынгъи.

Изатахъыйа йхйу хІхъа зыгІжъахуаш,  
ХІылаква эхъыгІгІвуш-йзнахІыркъвуаш —  
ЙшыгІдыруамца аун амцгъи шщцахуаш,  
ЙштутынчвагІакІу хІызквнагаз акъваш?!

Апахъ сджвылцІид. АцІх йчвцаз тшарауед,  
Сабиладзыта сыйачІва гІакІаукІаумд.

25.10.83.



РахІа йагъу джѣхІвадукІгьи гІасахв  
Скъыччауа-сымшыркѣвауа сгІачІвалта,  
Аныла спшырквын — йгІасхѣахѣвмаруа спшахв,  
Арыла спшырквын — аташварта акІалта

ИсызгІацІгвыргѣауа сымара йтамшвуш —  
Анахъгьи-арахъгьи аѣамкІва сынчвата  
ЙгъсырчІачІушым сылахъ йджѣаущуш,  
ЙгъсызгІаквцІушым снапІсыргвыцІа чІвата.

Сара сгІвычІвгІвысб, сгІазлыцІыз  
гІвычІвгІвысщаб,  
Уара уапшта — гІвычІвгІвысмгваб  
сгІазтыцІыз,  
«Сара сдатшаб!» — скІварыквынгьи —  
уызжѣаб,  
ХІѣанызлакІгьи гІвычІвгІвыс йцІабырг  
хІѣщызд...

Ах, уакъчІва йзачІвгвымхайа ссурат?!  
УгІай, угІагвжважва, йсмайжѣахуаш суарад!

26.10.83.



ПхІвыспаКІ дыхъаз арса рейша йсхІваб —  
Абарыгы гІалсырхІваб айрышта:  
ХъарачІвыла — мгъышта дбабапщзаб.  
АргванчІвыла — дгІауылахид мгъышта!

УацІыхъвангы — йыгыгІасзылкъвкъум сгвы  
Сацталыргы зарлабакІ насахвта,  
«Игъсщтырым!» — хІва быжньыхакІлагы

уквы,

ИахъацІа йузахъацІузтын нахвта!

Иналапид йазыгІакІаз амгыш  
Йхъыччауа йанабара йнапшыта!..  
Ах, са сгвы, йуымгІахуата дауыш  
Зъараны угІарсачІхъайа дзыршыта?!

Шпапхарамыгъб — агвыршикакѳвагы чѳвгъаб,  
Агъагъара шитанхъмарыртата йцкъаб.

27.10.83.





Сбзазара ашы йыъаб дунейпшдзакі —  
Амара ухънараштылуата тшыла,  
Ирылымцлуата упхызква шагІанцІакі,  
УъанызлакІгъи йузынадзауа тшыла,

РахІа йшкІвокІву нурта упахъ йгІакІуа,  
Упахъ йгІакІуа узыршышуа нбжъагІвмцата,  
Угвы аякІажьугъи — угвы щтІнахуа  
унапІы акІуа,  
Агвыгъаквагъи унарбауа уарцата...

Сгъалащцуам йауыру ахабар —  
СымхІвачварныс снадзахъзаб сагІа.  
Сбзазара йадунейпшдзу абар:  
АгІвычІвгІвысква йдуу ргІвычІвгІвысагІа.

АуекІвб сара сымш апсы злату,  
Сапхъалагъи мгІватамамта йщтІу.

28.10.83.



Алашцара йгІайыз тнархъауа,  
Алашара йгІайуашгъи гІазшІнатуа,  
АугІаква мгІва йыкву тшднарбауа,  
ГвыгъапшдзакІгъи йгвымчІву ргвы  
йанатуа,

АйачІваква рацкІыс йбылуа,  
Амызчвгъаргъар ацкІыс йаргваныта,  
Йыздзхуа турыгвапакІгъи ахІвауа,  
Абхъв анапсыргвыцІабырг йаныта.

ЙгІалкІкІнд ауахъ ауасахча йнур —  
ЗлокІра уыхъуа ауасахча йымца.  
Йыздыррда ужвы ауи йчІахІ тану,  
Иъаныкъвауа ауи агІвычІвгІвыс йымадза!..

Абыхъвла спшид: абанахъ-анахъ  
ЙкІкІнд йачІвакІ — йачІвата йызу рагъь.<sup>1</sup>

29.10.83.



Шыцшыц йссырдырхид ауглаква,  
Шыцшыц сгвы таныкъвахид акытгы.  
Аква йасхивид: «Сгвы унырчвгІа!  
УгІаква!» —  
АкваІальальгы ажвгІсандцІгІа  
йгІакІыджъид.

Ащкъаквагы хІпсыкІа йгІабыжькІкІид,  
Гвалата тшгІадраргванид хІахыла,  
ХІгвыгъауа шыцшыц хІабатахъхид,  
ХІабазшыгид хІгІарала, къахыла.

«СггІауымдырхма?» «Уара узачІвызйа?»  
ЙхІвахс!»  
«АзунагІабагІваз, кІласкІ хІацчІвани?!  
АшкІолыжв!.. Ибыжьбахауа акІлас!..  
ХІпшынгы йадхІкІылуан ахІампІалый  
ачІвани!..»

Садгыл сгІанаргылуамца щажы  
Шыцшыц йснардырхид агвы абжы.

29.10.83.





ЙгъгасгвнымгІвыд снапхыйара зачІву,  
Сгвы йгъамдырсд ужвыгъи йышсхъазугъи.  
Схъвыцид: йамагІныйа сыззаджу?  
Дазуда, — схІвид, — сара схъазыра ззугъе?

Анчва, уа уакІлма? ЙгъйакІвым са сынчва!  
СчкІвынагІаква, шва швакІлма щта  
йгІасыхъыз?

Ауатгъи абоуху — йагІвсхъад шардачва,  
Йынджыгъ аквштшара йтаратхъад са  
сыхъаз!

МомкІва, хІара хІыбыхъквa, швара  
ЙнашвыркІкІама хІабадучва рчІвыца?  
Йгъыртахъымзаб сыцІхауква ршвара:  
Алащцара йгІалдзыргІвид уачІвыдза....

Уней, ЧкІотІуа, айачІва хІырпшыб —  
Ауат хІымгІва хІдырбара атахъыб!

9.11.83.



Абыхъвква пессгачѣвхъапшта йгѣархънаган  
Хыжвгѣванд гѣанарылашарауа хѣгѣата  
Пессгагачкѣвынкѣ тшгѣакѣылнарпшид абан —  
Йгѣагвжважввазшва хѣаргѣи хѣшазшшуаз  
агѣата.

Щымтѣпхъадза, амара апхъа,  
Амгѣващшкѣвокѣва гѣалнакъѣид хѣлахъыла,  
Амарагѣи, йгвыргъѣауа ашѣахъа,  
Йгѣаѣид ауи ашкѣвокѣвара йтагыла.

Йацѣапшид алыгажвкѣвагѣи ауи  
Аджвгѣи йхѣвид араса: «Хычкѣвын  
йакѣвхушд...»  
Йрылачважвѣид ажвгѣванѣди йпессгауи...  
«Адуней зымгѣващта ймамырхаквхушд...»

Йцад апессгага, йыларатд апшыхъ  
Йаѣязид алыгажвкѣвагѣи адзыхъ.

9.11.83.



УахъамшкІ ахІа сырымтхызшва нцІрата —  
Алащцара зызну схъышв сапшуа  
Асатырква псы рхъасцІид майрата —  
Сымгвжважвауа, стынчта, салапшуа:

Абари гьсырбазарым сатырта,  
Суысара ашта йтшву гьсырбарым;  
Абари мгІва йыквылыргІад фырта —  
Абазара гІагвылкІкІид амакъым.

Адуней саныквхымгьи — тшамрайджьуа  
Йызнаталуашд абаза руатыкв,  
ДатшаштакІ йаннейрагьи — йамайчуа  
Йынкъвнагушд хІа хІажва, бзиб атІыгв!..

Са уахъчІва Аячва-нхагІвы сигІвызаб,  
Псы зхъасцІауа суысахвыщ сагІвыгаб.

19.11.83.



Бзи йызбиди сыквгылата схІгІара  
Хъвлапынхъата сапшырныс Хабез!  
ИашІсырпшрын ауи амзащарда ркІкІара  
Ацхабазвду йгІатнарчвгІаз абез!

ИашІсырпшрын!.. Ауаса — датшашцдаракІ  
Сгвы гІанаркІкІад! Абар ауи, шваншы:  
Хабез амзаква — семчкІахъагІважъжвпІараб,  
ЙгІадыркъахвид ЙынджыгъдзыгІв атшы!

«Ирымайа, — швхІваб шваргы, — ауат  
марата?  
ДгъуымхІварыма рыжвлагыи кІазпсаз?»  
Аджъауап са йшвызгІасоб майрата:  
АгІвычІвгІвыс! АнхагІвы йгІапсаз...

Даргы абан: гІвычІвгІвыс дахъацалакІгыи  
Йгвыргъауа йшІакІкІид. Йбид йпшлакІгыи.

25.11.83..





УнашпыгIашуа угIагылбта дгIауыртшхъаб  
Уфайда зпщылу, уахъчIвухайыр гIазцIыцIуаш.  
ИухIвауа угвы йштамгъи — уигвалхаб,  
Дазпшыб ужвыгъи йуырбзауа йгIаушIыцIуаш.

Ауемцтахълагъи йгIауыквирывлаб тшыткI,  
РыцIарыцIа угIайбалаб факърата.  
ИузыйыркIькIьныс угвыгъауамца тшыкI —  
ИуымдырдзакIва угIашIыхаб зны тшадата...

ИухIвузтынгъи йуымхIвахын угвы йтам!  
УшIа закI ауырхIвауа, угвы йту датшата —  
Ауаса убзазарныс йхъацIа, саща, йшхъвартам,  
Знымзара-зны ушырлагуш гIатшата!..

Уара угIвычIвгIвысб — йцкъазд, йпшдзазд  
угвы,  
Уачвымшван йгIацIшвтыз абаргвы!

26.11.83.



Заджвгъи дгъсымам адуней апны,  
Сая скІалрыщвхъан ствгъи схъагъи  
анлащцараз;

Саба зынгъа йгъсзыйымчпад гІапны,  
ИгъизымрыцІсд ауи са сымщ йгараз;

Сайщчваквагъи алгъачІ йамцІнапсад,  
Сайхщчваквагъи йджьабакван йамцІыцІквахд.  
Заджв.дгІаншаб — хІва спшшуазымца  
сгІапсад,  
Зыяла тшдрьдзхд мышкІыла йгІайта  
йсыщквас.

Йсымайищд йачІвата сгІазыркІкІуш?  
Сара схакегъи йтайищд гвыгъартата?  
МачІб уахъяІва лашарата сзынйуш,  
Алащцара тшгІаснарбид щардата...

О сынчва, йуымрыквайчІван сдуней, —  
СчкІвынхъа апныла, схІгІара апныла уней!

27.11.83.



Хыквби мгІва. Тшаршыцид адунейгы.  
Бзидэдзагы йнадзид йамыгІдахъаз.  
Атенгъыз атшпырг йгыла йнейид  
Амцагъба — хІа поезд — хІва хІызпхъаз.

Ачва йхъгІу гІайрысасид НикІвала,  
Схъахълагы дгІапыхвид Ермолай...  
Швынкъвызгарын, сыгІвзачваквва, кІвала,  
Швгвала йгъасымрычпарызд къвалгІай!

Швнур гІасыхъд. «Уней, — ахІвад, —  
хІа хІышкъа!  
ИгІауыршхъад йуаргвану Апсны!»  
Хіцид хІаргы, хІымгІвайсид  
хІкІылчІврын хІыщхъа,  
ХІгвы йадырхид атенгъыз атшы...

Угыл, НикІвала! Ермолай, угІакІныпа, —  
ИгІатыгІгахуашд атенгъыз анышквва!

28.11.83.



УымгъынцІкІван, укІвыкІваншдзаква  
умрыхІан,  
АхІат апны йкъомчІвахын узгІва,  
МгІвада йгІайыз ахвыцмыцра умрыхІгІан,  
ИхІацІомцІан уазсакъчвата угвыргІва.

Ухъвы узыфид тынчта, ухъвы узыхид,  
Уназыххъа йгІасуаркІвид уща,  
Уыщажь уызнарышдзид уара усыха,  
Уыхагъи йгъарыдзуам хакъазща!

АгІвычІвгІвыс хъазыракІгъи дгъарартуам,  
Иартмакъгъи гъымцырахум зынгъи —  
ЦхІагъаласта йанлацу йнартра,  
Йуатра — мхы данылу ансимшгъи.

Анхара — абар уа уыхъвшв анцІрала,  
Уаргъи гІвычІвгІвыс уихъымшван нхарала!

3.12.83.



*Апсыуаква рпныла*

Заманцарда хІбжъысд, — зны йтыртыруа,  
Зны ймачвысуа, хІгвалаква хъвыркІылд;  
ЙшгІайызгъи йангІайызгъи хІымдыруа  
Ащхъадуква гІайын йгІахІбжъагылд.

ШвгъызгІампшыхд шваргъи хІара хІахъыла,  
ХІбжъы швхънараштылхд атенгъыз абжъы;  
ХІаргъи псейспа хІхъарахун лахъыла,  
Датшахун хІа хІыбыгІв, хІара хІжъы;

ХІытшгІвамцаква ркІкІара гъабамбахуазд,  
КІыдакІыда хІхъвыцраква дырпхун...  
Ауаса — хІылгІваква йахъвладрыхІун  
хІбахъва:  
АщхъахІгІаква рхъахъла ауат анійун!

Арыла — тшцгІнахуан Апсны йшкІеокІву  
алгІва,  
Абазашта алгІвагъи — аныла йгІахъалуан  
йалгІвыруа!

*7.12.83. СогІвым.*



Атобаду, ХІатыкъ йытоба, АчвчІварта,  
Асинхъвахъва, Адзыкъапщ, АбначІвры,  
Абжъараду, СалтанцІа, АдзкІатштшарта  
ТахІвикІвар, ГамазикІвар — датшагъи  
кІвары!..

Арат зымгІва хІара хІкыт йапщылаб,  
ХІугІа ракІвб хъыз рызтта йынзырхаз,  
Йгъахъазбжым — аугІа ртурых йабжылаб,  
АуекІвб даргъи рыхъызква згІанхаз...

Саргъи йстахъыб — ауи сара сазхъвыцид:  
Тобадута йа дзкІатштшартата скІкІауа  
ХІугІа ргвы сызтамлыргъи — сырчвымдзуа  
ХІатыкъ йытобата мгІватшшыкІ сгІарынйауа

Ртурых агІвына апны зджъара сгІагылныс...  
Суыса, зъара ухътайа ауи уапылныс?!

13.12.83.



Арса рхївид майрата саньркіра:  
«Щардачва уахъчважвгїнд абзїбара!  
Иьгумищд йазумхївахьас кїара,  
Иалумищд ауепш ажва хїпсабара?!»

Ужвы уара уахьыдзад угїврагьи,  
Уысквшквашагьи йкїадырпїлахьад  
быгъьщарда...

Атынчра йат къальамла уа угїврагьи —  
Инейыргїад ауи алашақїварта...»

«Ей, швашїас! — схївад схъыччауа.  
— Шьшгїабга!

Шьгвжважвачвата йсыквшвымцїан  
ахїацкъья!  
Са уахъчїва акївб сдзыхьшкївокївагьи  
ангїакїкїа,  
Сшыйачївагьи йблыбылуа йангїацкъья!..»

«Длагахад», — хїва йскъвыцїхид кїара  
зхїваз...  
Саргьи йджьасщид амызшїа йгїакїкїаз!

17.12.83.



СчкІвынхъа зпщылаз абыхъвква  
сгІарыкІвшун,  
Срабадырхуа срылан тшсыркъвауа,  
Азджъара — сшгІаныкъвузымца йсыквшун,  
Азджъарагыи — йсыквхъвлун самдауа...

Иамзымдайа хІшыпІаква счкІвынхвыцта  
ХІгІарагыи цІоларагыи самкІуа!  
Стан араъа схІвычачкІвынгыи сыцта  
Ашваквва йсызгІайуаз ахъсырцуа.

Ауесхъан са ауиъара схІван ашвата,  
Абыхъкввагыи сашвала йзжвагван —  
Ужвы пшыхъчкІвынкІ ангІацІсра  
йгІархІата  
СчкІвынхъабыжъла йгІахІвачвид Гвагван!

ХІадггыл акІвб хІанаъамгыи  
хІгІазхъвыцхуаш...  
ХІрыуамхаргІад задггыл зны йзчвыдзуаш!

19.12.83.





Адгъыл шкІвокІваб, ажвгІванд чІыхвб  
хайырта,  
ХІыштагъи уархІвапсауата йтынчб;  
ХІкытчкІвынгъи йазухІваб: насыпйирта!  
ХІымарагъи — хІара йкІыдхІцІаз  
джынджъб!..

Ауи — тшыла! Хъвлапыхъа угІапшыхта —  
Амыз гІайып тшыквнархІад Бабыгв, —  
Ицрыцыруа, йпшвырхъыччауа, йлыхшІыхта,  
ЙахІвауазшва: «Сзымгылхуа сшкІабыгв!»

ЙызрыгІапса ачІвийищд амыз-шІыкъапщ?..  
А-а, йыздырхд — сыггІващум таманам:  
АлбыргІан рахыла хІамам ыгъабщд, —  
ХІымыздугъи гІайхид ахІамам!..

Йхъвлад ужвы. Гъагъата ймызчвкІаркІарб:  
Тшызджвджваз амыз йгІанаркІкІид акІвар!

20.12.83.



Агъны йашымтаб, мышгІважвихпа  
ахъыщІхъад;  
Йумырджъушта сбзигъи гІакІашвшвахъад;  
Щарда цІуата апхарагъи мыгІвхъыщІхъад,  
Ахътарагъи акъвытхІараква акІхъад.

СангІаджвылцІра щымтадза сгІагылта —  
Ажъащтаква сышв апахъгъи йзбид!  
ЙгІайузаб гвыпкъахвта тшадыркІылта —  
Йышсхъазу анырдырра! Йджъасщид.

Анаъапынгъи ацІисчкІвынква  
гъвычІгъвычІид,  
РыгІвара-шыгІвгІвыраква йгІартшид,  
Зджъара закІ гІарауид, закІ гІаргъычид —  
Чара этахъу анагъагІв дырчвид...

Са сгІвычІвгІвысб, ауат зымгІва срызхъвыщид,  
Псы зхъу зымгІва йрылдзгІауа сархвыщид.

23.12.83.



СкытлагІвчва чва гІаргхид, ачва анырхид;  
Дасу йауа ачвайщид йхъа:  
Аджв дтракторхид, йгІвыджъхауа дуандырхид,  
ИхыгІвхауа — укъазу гыгІамдзасдта утхъа!

«Анаджъа, стхъауамцарагы — пашт — хІва  
Срылапиди сипсата быжьба!

Игънамхъадзахма?! Швъабыгъь гырфум  
скваштка...»

«Йауид, ГІва, йыгІбид хІаргы, йыгІба...»

Атракторкви амашинакви гъашІасуам,  
ТшыуандыркІгъя гІарылагІващид зны.  
Арт амшква рпны ащхъаквагы

гъкІазкІазуам:  
Чвата йгІаквырпсазшва йубид агъны...

Хъвлапынхъахад. Акытуарджъакъква  
йдрыббуа  
АлгІвашквагы тшхъаркІылыйд йацлыбуа.

23.12.83.



Сышта, садгыл, сабачваквa рчывыла,  
Исымазйа уа уацкыс аргваны?  
ГвычІвгІвыснур гІазкІылначвуз гвырчвыла  
Лнсиуахъ снагылуан угваны.

Сбзазара йштшырбайагам йыззыпшгІаз,  
Сджыш сырчвыб — хІва спазымхъвыц  
зынгъи, —

Уара уакІвын йстахъыз, сыззыбжаз,  
Сгвы йтаныкъвуз гІапынгъи дзынгъи.

Исылымшаз, — йсылшарныс йджвыквыз, —  
СатныуымцІан сыхъыз хъугІвауа:  
Саныъахым — унапсыргвыцІа сыквызд  
Нурцкъахвыцта ушІачвкІ гІасыркІкІауа...

ПссгІачІвквкІ нархъыпссгІнд атыдздуква —  
Уара упныла йнейхуадзсщид скъырльуква.

*10.01.84. Москва, 81  
ачымазагІвтара.*



Дуащацрихид дыцІуымхуашта уыла,  
ДуызгІашылыйд, духъгвыргІвид, дгІаупшид...  
ШыцІатагъи уъагалакІгъи уылахъ —  
УазымпщдзакІва ауепш гІвычІвгІвыскІ  
дгІаншид.

ДгъгІаншагІвацум — нчвацІабыргыкІ  
дгІайцтгІйыгІвб,  
Бзирата йыгъу дырхІвачІвгІвыб ауи,  
Йнурла йгІайырпхахид угвы йдийуа,  
Нур аунацтуа йджвыквылхид угвгъи...

Вадим Рябов аугІа ргвы йырбзиуан —  
Пщдзатагъи йырбзихун аугІа ргвы,  
АгІвычІвгІвыс згвы швызгъи йгвы сасихуан,  
Гвалата дгІашІыштхуан абаргвы...

Йыквымзарквын адуней угІабзи —  
Ауи йгъамырпхушызд марагъи.

22.01.84. Москва, 81  
ачымазагІетара.



Сауцтх, ахІакъым! АрбзихагІв, суыхІвид,  
сауцтх!

Иубума йшыъу сгвы акІардиограмма?  
Ауи ахыгІа ашвъабгъы апны йгІасаудщ —  
Бзибзи уапшыс, йачІвата йгъалыргамма:

Иачпид ауи хІыщхъаква рсурат,  
РхІгІараква йкІкІауа йгІадзхъанаргыдыйд!  
Уаргыи йгъукъажарым сара смурат,  
Ауи уапшыб йцкъу упсылый угвыдый!..

ХІыщхъаква — абар йъалу спсы,  
Сымш йцаз, йгІайуаш сымш уачІвыла,  
ИсазхІвуа са: «АхІгІараквала упшы»; —  
Сара сисадгъыл, сара садгъыл, счІвыла!..

ИчвапщзакІ сара ауи Апсадгъыл сятын —  
спщгІих!..

Сицтих, ахІакъым! АрбзихагІв, суыхІвид,  
спщтих!

4.06.84. Черкьескъала



Адуней алахІвачвид. Гапныб!  
Иґабадзаухд ацІараква йдауышваз.  
Адзын ахъаныла йцІыруа йуышвуаз  
ГІайхд ужвы — ахаквгъи дара йршыб.

ГІвкъанджъакІгъи накъахІ ргІвра  
рґахъыбта —  
АйфандыкІ йзышгІума?! — йкІватІид;  
ДатшагІвбагъи хІайтхІва гІвара рчшд:  
Иадзхъагыла къвыра ргид тыдэхъыбта.

О, араъа бжыта йгадзауа!  
О, араъа псыта йґапІатІаудзаз!  
АцІлаквагъи гІвзата зыла йраудзаз —  
ЦІлакІгъи ушанымІахра йгадзауа...

Аґапын! Йуымадзу макъымта!  
УахъчІва уыбна сылцІхнысгъи гъстахъымта!

13.04.84.



Гъынбжьагъчва — рхъид  
(йъзхъауа аугъа ракъб) —  
Абна йцад-йа. Абната йъацаз  
Ирымдырдзакъва йачвыдэд-йа. Зымгъва  
дагъб,  
Цъхъва амамкъва йлацдараб йъзлашваз...

Иъадзаныкъвах сидырхума ауат?!  
Заманцардакъ цыта йананйах —  
Игъабамдырд! Ршвокъквашгъи гъатырхъвад;  
Иашахыд! — удата йалыргакъ!..

Ауасабыргъ гъхъызнымъумищд хъаргъи,  
Дгъхъбжьымдэгъумищд зны йацхъымаз нчвакъ!  
Мшахъамшацъхъва хъананйарагъи —  
Тшгъгъацтънамхуашмищтъ хъбжьара  
лгъвакъвайчъвакъ!?

Уачвыдзырныс майраб мгъвата узкву, —  
Уабайауныс акъб саца, йбаргву.

2.06.84.





«ИамагІныйа араъанны хІызщІу?  
ИамагІныйа хІгвжважвауа хІызгІацІал?» —  
Абараса йхъа даэцІгІахид ЧквтІу,  
АэцІгІара дамрычвуа йгвытшыны йгІаслыйд.

Асквшка йцаз йгІарылггІид аджъауап,  
ИрыцгІамгІвайсид ауи асквшка йгІайуа:  
ИхІыжвылуа хІхъачІвыраква хІрайгІайуа  
ТшхІырбзихата йрчвыгІгІвырныс хІа  
хІкьтац.

Ауи акьтац гІвычІвгІвыс йангІахъитІра  
Абарат йрапшу ажва гІанихуа:  
«Уысхвъщмыцла тшмыгІвхъумцан уара —  
Жвларауысызд уара укІвдыр угІатызхуа.

Ауесхъая акІвб йанбзихуш уара угвгъи,  
ГІвыта ужъа амузыпхъадзуш уаргъи».

4.06.84. Черкьескъала  
ачымазагІетара.



Асквшка цад йажвылын хІычахІвыча,  
Рыщтахьлагъи — саба гІадырчгІвацад...  
РахІа йцкьу анурквала тшгІагІвыча,  
Сымара, — хІа хІыдзын амшгъи гІадзад.

ХІчкІвынраквагъи псейспамцара

йхІкъвыцІхид,

Йыладзхид йджвыквылхыз апстхІваш.

ХІыщтахьла хІацапшидта — хІазхъвыцхид:

ЙгъхІымчпад закІгъи йхІыздыргІва йамуаш.

Гвымхара хІгвы йштамыз аугІа йрдырид,

Бзирата хІызхымдзазгъи ргвынгІвид.

АпстхІва йгІалпшуа хІымызгъи гІатыртырид,

ЙгІалпшхъадза лашаракІ гІанаркІид...

ХІыдзынцІлагъи марахъапц гІашІыхІхид,

ХІа хІгвы апынгъи ашвашІыц гІашІыхид!

10.06.84.

*Мшыркъварасонет*

ДчмазагІвхад, азгІва дакІын дарыхъвад,  
ДызгІацампшхуа дырнацад Бабыгв,  
Дрылнацад КвачхІабля, Псыж-Дарыкъвакт,  
Щардазджъара дгвырымуга дшкІанарбыгв.

Ай, закІыта йгвымханта, йайшанта —  
МызкъяуымкІ ацІисхъа дтанацад!..  
Аджв д-Йуанта, азаджвгъи д-Айсанта  
ГІв-МухІамадчва гІайын йкъвырцад!

Азаджв гвырла, йгІвыджъхауагъи  
хІврахъвшвла  
Йъадпалуаш амаухуата йдырдыхд!  
ЩапІы адраухд абзазарашІыц ажвла,  
Йымш йхвтыкъвуз алагъи хъыртІыхд!..

Архъа дхъалхд ахъацІа дабгазгІвада, —  
Ауепшта ауи саргъи сйынйахб зхІвада!

27.02.84.



Асы гІасид... ЙгьскъычІуам зынзаджвыкІгьи  
Абараса сгвыргъауа йсхІварныс:  
Асы гІасид!.. Йгъаъахым хІвынчІвыкІгьи!  
Адуней йамнакъашид асыс —

ЙшкІвокІвата, йлашарата, йпшката,  
Йъаквпауа рызнацла йаркІкІауа;  
Апсахъвагьи йкІанархвхвиди пшдзата  
АкІата-барфыма йаквыгІвгІуа.

ЗымгІва тацаб ацІлаква унарпшыхта —  
Йутахъдзугьи гІарылдата йнадыл!  
УжвыбырдзакІ йгІайуашд гІапынпшыхта  
АсрычвхІваласгьи ахъвдашкІвокІва ргыл!..

ЙгІасид асы. ЙгІакІатІгІид бамбита.  
Ауи саргьи сайгвыргъыд сабита!

26.03.84. Москва.



Сара сгвапква, гвалата йхъгІу сгвапква,  
Дзгара йгІайыз ахІвссачкІвынква рапш  
ТшгІаташвпсад апсыхІвайачІвагвакІва —  
АйачІвара ййыбаз шгІашвырхъапц!

АларгІвыджква йыгъахым швгІарцхІазшва —  
ШвхъагъажьшкІвокІвагІважъта  
швгІасшІакІкІнд,  
Сгвалый сари тшгІахІбжъакІнызхІаз  
цхІазшва —  
ШвыжвгІвандхъвшвамгІа ахъакІгъи сгвы  
гІанакІнд!

Шва швуарадка хІврапщдзакІгъи  
йазамхІвуш —  
ЙгІатдыржвугІнд сара спсыхІва-кІвар...  
ГІвычІвгІвыспщдзакІгъи са дсызгІаквылд  
амгІва,  
ЙачІванурта йсызгІадзид йхабар...

Сара сгвапква, снатапшид швахъыла, —  
Сара зынгъи сгърыцхІамызд лахъыла!

31.03.84.



АмцахІваца йапшыз ачарахса  
ДаквчІвата дгІагварапсгІид ауи,  
Апрагылчва йкІылыйжван ртІахса —  
АтыдзшкІвокІва йырчвнайцылд йтшгъи.

ИнапІы ркІын, тшгІайыкІвдыршад ахъацІа,  
Иаквнагузгъи гІапырщылд йтшы, —  
ИгІатигад! Йдуугъи йызхъацІа,  
РахІа йбагъу къалагъи пйыртшы!..

Иаргъи дгваршвтид хІаракІыта йыма  
Абазанадылраква рбаракъ...  
Инауыркъвын, ахъацІа, ауи абарфыма,  
УъагалакІгъи уыхъыз апш уазсакъ!..

ДпсгІид ауи хІугІа йырхІваз ашвата,  
ТшагІвычид хІадгъылгъи тацанадылрайшвата.

25.04.84.



ЙкЫлхІвачваб — хІва гьшвасхІвуам  
сара сбжыы, —  
Бжъыта йыгу цІанакІуа, йарычвуа,  
Ашваквa срызгылыздхІва щажыы —  
Щардачван сгІазкЫлсуаз сгвыла йскъычвуа.

«Орфей йапш йсызмхІваргыя уарад —  
ЙсызгІамыршыхаргыя ахІахъквa  
анцІрала йычвыз —  
ГвквaкІ сыршыхаб, — схІвун. — Агвквa  
хІтахъыб, ауат  
Ашвата йрхІвахб хІара хІтурых йачвыдзыз...

Сцун саргыя стагыла сара скъыж,  
ТшгъачвпхъасымкІуазд сара йсзалхыз  
стамхІа,  
Датшзаджвы йгыисмыркІуазд скІыжкІыж —  
Са йсымахын ауыс йщтІысхыз амгІа...

ШвъабыгъкъвакІ схІарыфквала йхъызгІвад,  
Сашва йсхІвазгыя хІыбызшвала йсхІвад.

6.05.84.



ИалачІарагад ацІла нартыхвчІыта, —  
Ахъазшнейуаз сылапш йгІанакІыз,  
Ихъашарагад алащара йхчІыта, —  
СкъальамшкІвокІва зхъыста йгІахънатІыз.

Сымарагы тшамчцаргад мзыта,  
Сымызгы кІкІарагад йшымзу,  
Сымшгы гІанымхарагад йахъазыта —  
Швабыжта йгъмайрам йанухъазу.

Ицкъазларгад адзшкІвокІвагы са сылагъ,  
Йпшдзазларгад йрейшу са смакъым.  
УарбапхынцІыгІва снамтуазтын са сылахъ —  
КъанджъапхынцІыгІва саквпшнысгы  
йгъстахъым!

АугІагы йрхІварагад: «Ауи дбзазад  
ИугІа рыхъаз: йашвала дабазаб!»

15.05.84.





АкІватангы йыма дубушд ащхъва,  
ИыгІвзазлушд ахчагалабагы,  
Ушнейуамцара кяхвта уйынийушд ащхъа,  
Иыдубалуашд уыста жвабагы!

Гапынхазтын — ацІлаква гІайыркъагІушд,  
ШкІвокІвасышта йрыпшдзушд адуней,  
ИгІадзынхазтын — архъаква

гІайырбагІвушд, —  
УынхагІвыб, тшгІащтІыхта, хІайда, уней!

АчкІвынчвагы ахІбажва — хІва

йшйымхІва —

Иатахъу йанатахъу йдйыргІушд.

Иашвагы гъахъаштылуашым йымгІва —  
Иыбызшвала хІгІата йгІайыргушд...

Абараса сгвы хъикъьалыйд скытлагІв, —  
ГІвзата дсыма саргы гІвада скІыдлыйд.

27.05.84.



ДгъагІшагІвымызд. ДхъацІан. ДчвагъвагІвын.  
Йыуахъицти йымши апищылуа  
Йкъыж дтагылан, зуыс зымрычвуаз дгІвын,  
ЙгІайхъакІкІун ашыйачІва йгІагылуа.

Адгъыл йыгІвнапІыкІ йрыздыргІвуаз  
Йагъьмала йгІацтІалуан тшаквнартшуамца.  
ЙгІвычкІ рпынцІа йгІакІылнагуз агІваз  
ПстхІватшытта йахъынхІалуан абыхъв  
амдзакІ.

Адуней йарала апсы тан,  
Анасыпгъи псыпкъвгун йарала.  
АмгІвакв йгІайыдгылуаз щардан,  
Адгъылкв йырхІвапсун йынхарала...

Схвыцижътара йсыцб ари асурат,  
Йсыцбазид ари Ашва, ари Ауарад!

28.05.84.



ЗакІы йазыгвжважвид, йзыгвжважвид  
заджвы,  
Ауат гІарбид, даргы зджъакІ рбахид,  
«ИщтыхІхында, — рхІвид, — тшага йа  
хъвынчІвы».  
ДзамгІвакІ апны рпсып ладзыкІ арбахид;

Ищтацид йгІапхъапшуа чмазагІвыкІ,  
Идрылашарид гвыкІгы зымч мхъахуа,  
ТшгъйыгІвнадыргум зджъара йкІахІаз  
гІвыкІ —  
ЙзыгІвид ауи йгъяз ахышІ йхъахуа;

АцІабырггы йшырдыруа йгъкъарчІвахуам,  
КІымыжвшыц гъахындырхІалуам амцгы,  
АдзынпынцІа йнарпта чва гыркуам,  
Адзынбнагвгы йгъацІырхъийуам амцагы...—

ШвгъерыгІапсахуам: пшдзата йбзазид скыт.  
Ауи апшдзара саргы схънакъьалд, сакІыд!

31.05.84.



УъадзачкІвыну убзазара атдзы хъыб,  
УгІвыра ахъапщгъи уамайчуата йгІацІхла,  
УчкІвынхъа апны йлауцІара атахъыб  
Уажвынтахъа йгІаухъагылхуаш ацІла.

Угвы йаумырхІван сахъидзахб — хІва  
уачІвы —  
УачІвы уара уызхъыдзахуашйа рыуа?!  
ТшазнакІкІыбта йуыгІвсыз апсарчІвы  
Уара утамакъ йгІакІылахахб йуыуа.

АчкІвынхъа амгІва ауыразшва йуымбан —  
УнадашгІацапшынцІкІа уназыххъаква  
рызнацхид;  
Асквшква йуыгІвпсгІузгъи — абан, абан,  
абан  
Рлаба рыцІарыс уара унахъ йгІанацхид...

Йгъахчам сара йузыстахъу, йгъбагІвчам —  
ЙуыцгІадзныргыл агІвычІвгІвысра йрджам.

1.06.84.



«Арахъ угІай» зхІвауа зымгІвагъи адгъылта,  
Рынамысгъи рбзыпхагъи рхчауа,  
Рылахъ уахъчІва йрзалнахыз адгъылта  
Алашара йхвыщым надмыркъвуа,

РахІбахъшвашва йборчквашагъи йдырдырхуа;  
РайцІбаблыбыл йымцагъи гІашІаркІуа,  
Акъамагъи йъатахъу йгІатырхуа,  
АкІыжкІыжгъи йъатахъу йршІаркІуа,

Амц йжъагу гІвыджъ рбжъара йбжъамкІва,  
Рджып апхъа йдыргылуа ругІа руыс,  
Ркърар зпшырту агІвычІвгІвысгъи джъамкІва,  
Хвы йымата йгІарыдгылыз гІвычІвгІвыс...—

Абараса йгвыгъид сара сымшква,  
СымгІвалагъи йсыхъид йласымкІва.

21.07.84.



Иунапѣцѣх акъальам, айшва йыквѣа,  
Иумрыгвжважван, йамхѣвуш аумырхѣван,  
Загѣа йнамдзас ажвагы джвыквца, —  
Мчылашѣхрата уыцѣла умыргѣван,

Уашва йгѣайуашгы бжыдѣа йгѣанумжын,  
Иумырѣйбан йгѣагвыгъаз учас,  
Уымш апсышгы псыцѣлара гѣанумцтын;  
Уишѣамшын йымгва чвызшва йымчас;

Игѣакѣкѣид умхѣван йгѣамкѣкѣас, апстхѣва  
йылу;  
Дузумыршын зынгы — уыззымцуш;  
Йхънумырхѣвын тшыгѣврадѣагы удзылу,  
Иазумыргвыгъан аугѣа йуымлагуш...

Заджвгы йгъйасхѣвуам ари — схѣа  
йасхѣвхид,  
Зны йспапѣцѣцѣыз ажва — уахъчѣва  
сгвы йасхид.

21.07.84.



ДгІайд ахъацІа акІвалдзы дтархъата,  
ИарманацІла йымата анапрагІв,  
АмасхІалгъи кІышвдза йкІкІауа йхъата, —  
РахІа ймчхъугъи дыцІайыргвас агІв!

ИагъьманацІла йщтІихд апыкв цахІвцахІвуа  
АшІахІвапс — йшнейуа хкъвлачкІ зуру!..  
Ей агъа! Щамхъаша угылта уахІва —  
УамхІвазтын йдыр уара узапшру!

Игъаъам афыр йыхъазла йамуашта  
РахІа йдуу уыскІгъи — йгІайырба!  
ЖвакъарукІла йщтІихуашд Абазашта,  
ЖванапІыкІла дахъуашд аугІа рпа!.. —

Зынла сыла дгІацІагылд араса  
ХІлокІ йгІалцІта йгІайыз афыркІьаса.

22.07.84.



Бзира ухузтын — угІапынмарахъгІата,  
АчІчыраква гІауырхысуа-йагІвужвжвауа,  
Упшаквагы — айгІайрабаракъхІгІата  
Ибрыбыруа, закІгы йачвымшвауа!

Бзира ухузтын — ашуара йгІагвыквсыз квата  
УизыгІадзауа адэба йакІыз агІвы,  
ГІвычІвгІвыс дзымжъуш, йачІвата йцкьу  
айгвата  
Иуыдырбалуа йпшдзу уысагвныргІвы!

Бзира ухузтын — атшгІва йбылуа мцата  
Игвы уыршышуа уаргван йнаскІаз,  
Дуынийапхъадза — зынгы йтамчвуа цата  
ДгІауырщасуа агІвычІвгІвыс йпскІаз...

Бзира ухузтын — уащтахымпшхуа убзира...—  
АбарекІвб йгІауацІхІвачвауа сжыра.

22.07.84.





Сгвы йту сара йсхІвахрагъи атахъызаб —  
Ихыста йгІагІвымжваскІва сгвы йщаккІым...  
Угылта угІанапшыгІапш — сабихъызаб  
ХІара хІдуней ауацІала ща зквым.

Зъаращайа йдрычІвауа йажвылта  
Згвалаква абарлашвыз аугІаква?!  
Анладзыта угІамйума угІакІнылта  
Амцаблыра зрычвуаш, о аква!..

ИгІаугвынгІвныс ауиъара йзбаргвыйа  
ГІвычІвГІвыс йацкІыс йызму шыгъам хвы?!  
Садгылшндзагъи араса йзлахъаквыйа? —  
Ща гІацрыхъуа йгІайд амарахвы:

ДунейшІачвкІ хъарата зджъара йблыйд, —  
СытшгІвагъи мцаблыразшва йназбид.

25.07.84.



Айхахар йазыгІвид апшыгІвча,  
Йчважвакъяуа йгІакІвдыршид ауарба:  
«ИзагІвмакъяа, о сара сынчва!  
Уырта йчІвугъи — уапшырныс угІарпа!..»

«Ашыквду гъма?!» «Алаква швырпшыс!..»  
«Жьорадута йуыманда апхъынцІыгІва!..»  
«Анахъгъи-арахъгъи гыгъамта — швыршІыс!..»  
«Абнаква йгІарпшуазарын бжынцІы —  
хІва!..»

«КІафкІазцхъаква йрыпамаб ауи...»  
«Гымалайгъи йыџаб, йшызгІазла...»  
«ХІайда, утазд — уапшы йауи-йамуи!..»  
«Айхагъи ура гвытшпыла угІасла!..»

ЙгІакІвдыршан йашІамсуа йхІвачвакъяд...  
Нара нашхыйата ажвгІавандчІыхвла йпшид.

27.07.84.



Акыт абзазагІв, адынхалыгІв адгьыл —  
Дыквызлушд йхъарчпаз адуней.  
АгІапынгьы йыгвлакІ йапшта днадгылб,  
ШкІвокІвата йгІайпылб асатаней.

Йтдзы йщыхб, йрыбагъаб йхъышвква,  
ЧІвымыгъ алайцаб дасакъдзауа.  
ДгъгІапсарым — йызгІайыргІад асквшышвква  
АзакІы азакІы ащхъеа тнажвауа!

АгІатша йзгІакъагІаб хъарачІвыла,  
ХъгІата йпынцІа йгІатанарысб афгІвы.  
Къыжкъыж йызгІагвыргъаби ачІвыла,  
АцІлаквa йзгІапхъапшби ауи агІвы...

Арса хІхІваб: хІгвы ъадзарпху марала —  
Адуней щаквгылазлушд йарала!

7.09.84.



СымгІвайсуан са. Апхъапхъа са йсхъазын,  
ЗакІгъи гыгъам аргван са сымгІвайсра!  
УадыргІвана — зынла йгІгалаххын  
СгІакІвдыршад: агвщтІыхра, агвыжвкІра,  
айсра.

Агвыргъъара, агвалдзгІара, апсра,  
Ахъаштылхра, агІагвалашвахра, агвасра,  
Агвпххылра ашІара, ахъвыцпраква ражвра,  
Апылра йпшдзу, йнашхыйу анадасра...

Йсщардан пхны, йсщардан сара гъны,  
Снейуан атолкъвынхІгІаквагъи срыла —  
Зны схъашвалауа, сгІабгъашвахуа зны;  
Сшнейуазымца — йкІыладзхд авларыла,

Схъазы сгІанхад йатаркІвахгъи сара!.. —  
АгІвы йзхъицІаз арекІвмищд бзазара!

3.10.84.



«Ей амара! УгІаншас, угІакІкІас,

угІасхъадзгыле!

Ей ацкъаква! ШвГІамГІвайсе арахъ съану!

Ей анасып! Сара сгъаласгъи ухъа адкІылс.

Ан рахІа йпшдзугъи — сара сакІвбщд дзану!

Ей ацЛаква! Сара йстахъыб — швГІакъаГІас!

АхІврапшдзаква! Сшвызпшиди —

швГІафГІвырчыс!

Ахъшвашвара хІара йтахІцІаби агІас,

Агвыргъара хІара йхІыркІкІаби аныс!

СдзыхъшкІвокІвагъи, сыбыхъв апны

угІацІкъяс,

АгІвы йгвы уырбзиуа угІахІвачвас!

Анурквасъи, алащцара швГІацкІлассе —

Тшазамгайхуа щтахъла йнашвырчІвас!..»

Арса бжыкІ гІасгвыквГІвид ахъахъыла...

Уара уакІлма йчважвауа, са сылахъ?

3.10.84.



АхІвссахьапщква хІрыщтахьпшид ужвыгы,  
АжвахІвейква рыщтахІхІвид мадза!  
ИхІхъазхарыгы — хІхъа хІазгъид:

«УхъвжвыкІы

Удатшахи — щта йалыргах уца!

Ужвы акІвдзушума уара удзыхь ангиацІкьъа,  
Атобаква йангІарылхІва утшхъа,  
Утшы ащамзагы аныквнаргыл ахІацІкьъа?!  
Иныжь-йныжь, уашІас-уашІас, утхъа!..»

Арса хІхІвидта хІджвыквылхид хІацампшхуа,  
ЗакІзымбата хІыквылхид аурам.  
ХІыксылхыздхІва — йхІыквырхыз антамшква  
ХІхъахъла йгІанагІвгІагІвид, йгъхъарам!

ХІшцумцагы — хІатарынйахид хІшахъла  
АхІвссахьапщква, — абыхъвгы уайхсх  
квтІагъла!

5.10.84.



Алыгажкквкв йдрыщІсын рцІахьпыкккв —  
АжвакквкІ гІаршІыхІвачвад абар;  
Ражваккв сара квашуата йшсыкккв:  
«Бисмил-лахІ, ал-лохума-акьбар!..»

ИащтагІарщтід — щарда рхІвад гІарышла,  
КІыркІырлашта йгІаршІыгІвгІвыд ауат,  
ЙгІаршІыгІвгІвызгы йнадзахьазшва рыба  
Сара сгвы йгІазхьымсыз йснарбад,

Сазнархьвыщд сгІарыднаргылын арса:  
«ИамагІныя рыбаызшва зрымуа,  
Иызлабзааз ражваккв йрыгьрасуа —  
ГІвымабызшва гІарахвта этшадырщуа?!»

ИамагІныз зымдыруз хІмуазингы  
ЗакІы дгІапхьун йымамкІва пєннгы.

5.10.84.



«АквІагъ ачва йгІатышвтыз апш йцкъата,  
ЙалакІаукІауа адзыхъ йгІацІкъяз апш  
Маранурта йщгІых укъальам-гъата  
Абзи ахъаз — йыгъамкІва гІапхъапш.

ЙахІвачІвгІвызд уара ууарад ацІабырг —  
Абыжъгъи йымгІвайсуа йхъахъла йрга,  
Уажва йрайшу апшдзара йзабаркІ,  
АгІвычІвгІвысра мзата йазыркІа.

УызпшІагылуаш адуней йгъамачІым,  
УызхъгвыргІвуш ащардаб адуней,  
Уажвагъи магІны амамкІва йуымсачІын,  
Цартадъа йазнумжъын асатей...»

СгІанаршІыхад ари абжъы йгІасгвыквгІвыз...  
СуапІа арышлад ауахъ адз йгІасыквхІвыз.

7.11.84.





ХІатшыкІ сыціалд — гІальаматгы  
сшаквшва,  
ЧкІвынхъапшыхъкІгы шгІадсыл са  
сгвытшы:  
ХІ-Къайдыхв акІвар ахІатшдуква рны  
акІвшва —  
ХІаджьбакыргы рціыхъвала дтагыла, —  
акІвшва —  
АхІатшкІныхІа, АчарахІатшы!

ЙахычІвагІгауа йгІацІагІвгІвуавшва  
агварта,  
Рапхъа сгыла снейуазшва саргы,  
ЙгІазгІауазшва рахІа йшдзу хабарта  
Гъарпагъаджъта йгІацІгІгауа рбыжыгы,

ХІаджьбакыргы рціыхъвала дтагыла, —  
«Аджьмаквагы ныціалма? — хІва дцірид. —  
Йныціалызтын — угІайх-угІайх арыла!  
Зджъара утадырпаб!» — хІвагы дгвыргІвид...

Сара псейсна Нарцана ахІатшква срыцісид,  
АтшышцагІвчвагы сгвыргІвасахъуа  
срыдзхъсид.

9.11.84.



Спсы йадырид: шарда мѣуата сывкѣѣхуашд,  
Йгьсхъарымчпад ари адуней саргы,  
Квагы сывкѣвушд, шкѣвокѣвата сгы  
сывксхуашд,  
Йсхъигѣахуашд сызгѣалымшхуа хѣврагы.

Аугѣаква, са йсхѣвушыз закѣзаджвыкѣын:  
Заджв йыхъазгы гвымха штамыз сгвы.  
Цѣабыргыб, йсылымкѣкѣасгы джвыквын,  
Цѣабыргыб, йсыман хѣальбаргвы.

Чкѣвыншала швгвы сасызтынгы кѣларан —  
Сшвыхѣвахид квырмышла: йсызшвыргѣвах.  
Сгвы апны швара йшвыкѣасчѣвахуаз  
кѣкѣларан —  
Ауи атѣакѣв швара швуаткв йшвхѣвах.

Суысаква швызнызжъид, йшвымрыдзын,  
Ауат швара швгвыргъарагы рыцын.

*11.11.84. Нарцана  
ачымазагѣетара.*

*Мшыркъвараснет*

Ауасахча йымани хлакъаракІ,  
Ахпагы гІасауищтди зышла,  
Сдирыжвжвади, сдирыхІахІди йахъаракІ,  
Сдирыфди йгІастнымхахуа сара жвла!

Абзира тшыжвцІд, агвымхарагы тшыжвылд,  
Ачвкъъара адзхъа йщтІыцІд акъазауат!  
«ШвныцІ!» шрымдыр, «ШвашІас!» шрымдыр—  
йгІасыжвылд

Апчва йбалахІчвгъа гІазквицІаз ауат!..  
Ауахъ сгъзымчвхуазд: сгІвылакІ

хъызгІварыквын —

Йгъгъуа спахъ йгІагылуан алаква,  
СгІакІвзыршуз абацкъаблынква йгІарыгвун,  
«УхІфушд, — рхІвун, — угІакІыта уалагва!..»

Ауасахчакъахвгъи апахъ днайгІайуан...

Ауи сызнид... Па дшйауыз йасхІвныс

сгІайуан!

5.12.84.



*Ахъазыра асонет*

Иызхъазу дажвыпхъадза днакъевид,  
ИыцІхква йрылахІидта йымшква йрылдэгІид,  
Ирайшу цІлакІгъи рылахымкІва йхъевид  
Зны йцІлауатраз, псейсна рщанІы рыцІхІид;

ЙымшкІи йымшкІи шигауа гъапшым:

Иацы згІваквайчІвакІ, уахъчІва

квейчІвазгІвакІ йцрыхъид;

Амш йзгІайуагъи дзыргвыргъауа гъымшым:

МшкІы ацкІыс мшкІы дпудтагъи дгІашІыхид...

Иабацах йпещ тзырчвгІауа йгІайззуз —

АхІвра йылапІлахд йгІашІырымхдзахыз

къвыдта!

Ауесхъан анбжъагІвчва мшыркъварата

йрхІвуз —

Итамакъ йыквб ужвы багІдзаракІ зымбаз

къвыгта...

Иажвра йхъадзгылаб азгІваквагъи

ацырхвхва...

Иабадзапщдзаз ачкІвынхъа адзырхвхва!

7.12.84.



АчІвыйа йсхІвуш? СгІабзаад саргы  
йшсылшуз —  
Сакъыль йшгІанагуаз, сгвы йшахІвуз.  
Сымшква нурта йсыларцІазгы шсылкІкІлуш  
АкІвын сара сыцІхквагы йржахІвуз.

Йуныкъвагаб — хІва са йгІасыртыз тшыта  
Амлыкь-питанын — уахъзымрысуа зпрычв!  
Ауи збжъанцІыкІа — йцаз зъарайа сквшыта,  
СкІылнагайа йсымгІвам зъаранырчв!..

ЙылгІва срычвб — хІва сгынзымхъвыцд  
гІвычІвгІвыскІгы —  
ДбазаргІад абазара згвы йту!  
ГвлахІаразд схІвид абзи йаздышуа йуысгы,  
Лашаразд схІвид агІвы йапхъала йщІу!..

УакъвымцІын, сымч, ацІабырг зхъзу амца —  
ЙацІхъий-йырду даркІвалта\*)  
йуыркІкауамца!

9.12.84.

---

\*) Д а р к І в а л — анчващардадин агІан амца  
Анчва — АфахІ — йымцахъада.



*ГыырбзихагIвчва рыхъазла*

Ибжачвуаз хIымца — йахъуа

тшгIацIнахъийхуан,

ХIгвы бжазтынгы — ауыспшдзаквала йбжан..

Акъала апны Къвыльбакъ Иналь хIйырбзихун,

Акыт апны Айсан ДжъагIфар дгIахIхъпшуан.

РнапIы зхъысуаз хIара хIгвы сасийхуан,

ИгIахIшIасуазгы абазара йапшан...

Акъала апны Къвыльбакъ Иналь хIйырбзихун,

Акыт апны Айсан ДжъагIфар дгIахIхъпшуан.

ХIыгIапын йгIайхыз — амца арцихуан,

АгIвычIвгIвыс йнур апныла йпшуан...

Акъала апны Къвыльбакъ Иналь хIйырбзихун,

Акыт апны Айсан ДжъагIфар дгIахIхъпшуан...

Шыц — хIва сгыпшгIум — арекIвб саргы

йшвызсрыхъыз:

Бзила йрхIвахид бзира зхабаз рыхъыз.

14.12.84.



ЙзымдырдзакІва йызхъязыкІхаз партта  
Сыквгылаб са ЖаквакІвар ахъа;  
ЗквчІарапшкаква тшырхъазырпаз къвартта  
Анахъ йнаурид УрышвихъымгІва-щхъа;

Араъагъи йгІапсаз швараххвыта  
АкІадза йашІагылаб цІлатапкъыкІ;  
ДзшкІвокІвахвыцкІгъи Багъдад йгІатыргаз  
мхвыта  
Йшнейуа йңатапІлыйд агІвадыгъ-къыкъ;

АцІарахва йачвгІардаз апоуцІагІвгъи  
ЙагІвнашад йбжъалын ЖаквакІвар;  
ТшбыгбзикІла йрхыз кІадзаб  
ажвгІавандцахІвцахІвгъи —  
Амарагъи ахънышвтуа йшгІакІаркІар!

УдзыргІвы: йатахъым быжъгъи гьугІушым...  
Садгъыл, садгъыл, сгвы зынгъи  
йгъуынчвгІушым!

5.01.86.





Сгвы стамакъ йкЫлагыла сбазун,  
СгІарымбаскІва сгвыгъаквагъи рхІун,  
Сгвыргъара йгІагІващазгъя — тшаразун,  
Сынасын йцахуагъи гІачвхІун...

О, уабазарыцхІу уанызгІвадам —  
Дгъуымахым нбжъагІегъи гъахІыльгъи:  
Уымшквагъи ацтацауата зхІвада —  
Угвы ахац апшта йшІчІвиди зымгІвагъя...

УацІыхъвангъи — йсайырדзаху ачІвыйа! —  
Ухъвыцра гъацрахІвахым амш йцаз,  
Ухъвыцра ншгІид: уачІвы-йа ауи, уачІвы-йа,  
Апсы гІахъанацІахид йкІандзаз!..

Абазара! ЙзачІвгъихъгІайа уыцта, —  
Стагыла сцид: уачІвы, уачІвацта, ауыцта...

23.12.85.



УгІвычІвГІвысума? УгІвычІвГІвысызтыя —  
Уара ушГІвычІвГІвысу дыр.  
Абзия уари шваГІвысызтын —  
Иацарпах ууандыр!

ИыршІыцх уара уазыпшГІлата  
ИухъышсгІуз хІаракІы —  
Абзира анур... Уазыбжата  
Ари уа угвы йтакІы, —

Иыгъуайжъушым кърарыдата  
Арт ажваква зынгы,  
Уаргы угынхушым рыдата  
Уа уагъачва рпынгы.

Саргы снауыцылб сажвала... —  
Щардаб ауи! Угвжважвала!

6.02.86.



ИшвхІвас швгІапшыта: дшдзахара  
этахъымда —  
ХІгІата йзыкІуа тшпыхІва зквым йхъа,  
Йымшквагьи аугІа йргІауа макъымта,  
Адуней аргвыргъауа йчІвырхъа?

ИшвхІвас швгІагылта: гвыцкъара  
зымхІвайсда  
ЗбазарамгІвальцІыртаква ршны,  
ЗымгІвалагьи напІламцыра ймгІвайсда,  
Пшдзата згвы йтамкъагІада гІапны?!

ИшвхІвас швгІапІаста: збазара зымбахда  
РахІа йдуу азагахІгІаква йрта:  
ИгІатудама ууысквагьи анбахта,  
Йазуырцама ажвлараду рта?!

Унейпхъадзагьи уазцІгІараква дужид,  
УыйачІва йгІаухъанакъвызгьи щтІухид.

6.02.86.



Уаргъи, саща, ушдзахара утахъыб,  
Уыхъызшдзагъи гара утахъыб хІгІата.  
АуекІвызтын — уамагІщауа ута хъыб  
ГІвычІвГІвысрала, лашарала утырчвгІата.

Иуымазд уа пхынцІыгІватагъи учІахІ —  
Ауи уара уачвнахчалушд апІайра...  
ХІгІата йпсегІауа — апшдзараква драхІб,  
АугІа рхІвахІврагъи — йбзазара йабайараб.

Уынамысгъи щрыкъкІла йнауыркъвын,  
УымгІвагъи угІакъвымцІын уара дзакІла,  
Ульальахата уажвагъи уымтІын  
ТатартІупта тшгІазчнауа мадзакІла.

УахъчІва йуасхІвуа сажвагъи хъацІа, —  
МышкІы ауи гІаупыракІкІлахб хъгІадза.

11.02.86.



**ХІажваква сырчважвара стахъын**  
**Сгвы йшту апшта: мчыта, кьахвта, дута,**  
*Сахътных* **апны йсымхІвауа сахъын —**  
**Дасу йаму цІасымкІуа кьарута;**

*Андакыщти жвгІвандакы* **аласмыргІвгІвауа,**  
*Ауапчавггы* **сымрайшысуа уапчакета... —**  
**Щарда стахъын. Щардаб йгІасгвнымгІвауа,**  
**Ажващарда срылахъынхІвид дагвта;**

**Рейшата йгьсызгІалакьум атшбыг —**  
**ИалазгвычІид ахІвраду йсымсымуа!..**  
**НцІрата йсыму хІажваква сырлыгб —**  
**СрахІхара стахъыздхІва нцІрата йсыму...**

**ХІажваква сгьарычвуами рдауыш...**  
**О хІыбызшва! Йузычпид са квырмыш!**

19.02.86.





ЗызаджвыкІгъи са йгъзымдырд мгІвада,  
Сымш лашаран, сыжвгІвандакьгъи цкъан...  
УадыргІвана схъа наркъвы йсырхІвада:  
«СызгІваданда — силыгтагъи цгъан!»

АзгІвамыжда, уабагІацІшвтхыз шитанта, —  
Зышла угІатшкІаралди сара сгвашв?!  
«Ай, нурхвыцкІгъи сара схакв йтанда!..  
АнбжъагІвчва зны йсаргваныз, сгІагвашвт!» —

Абараса гвылагъи сшарыцІыр,  
Сышкъанаршшыл, сыгъгъишцІанаршшы.  
Ицун агІамта. Скъахвхун рыцІарыцІа.  
ИчІыхвхун схІаджв йгылаз йахъырбжы...

СыщІлаква мацІмачІымца йбгъыыршвшвахид.  
Суысква збахид. СбазарапсарчІвква сшвахид.

15.06.86.



ИумхІвалан зынги уара йуымдыруа,  
Ууыс зламги йаломцІан ууыс,  
Амцги тшауымрыщдан утыртыруа —  
АгІвычІвгІвыс йгвапу дужьарныс.

Тшджвыквцата, тшыргІващата, уырхІата —  
Хъа ахъомцІан йзхъамызлушги хъа,  
Унурква зрыдзхуаш дунеймлыкв уырхІата —  
ИаломырцІатІан уара учІвырхъа!

ЙгІакІвырлушд уа уаргван ащтанчІвыта  
Ацныхчылра — агІвычІвгІвыс йагъа, —  
ЙгІауымщтйын, — анамыс уачІвыта! —  
УгІвычІвгІвысагІа йрейшула йыргъгъа!

Апщдзарагги утдзы йазычна хъыбта...  
УгІвычІвгІвысхарныс закІыта са йстахъыбта!

23.06.86.





АгвгІапххылраччахъва тшауыржъата  
УамцІамсын уынцІра йуымкІыс аклыб, —  
УадыргІвана хчарта змаухыз жъата  
УыцІамххын апхъа узыйаз акыб.

Апшалашв акІвб закІгъи зымбауата  
Гвыла йасуа абыхъв! Апшалашв, —  
Йызжвжвауа йжвжвачІвымыз ачвамбата,  
Йызпсауа йпсачІвымыз архъамашв.

Апшалашв акІвб йацрапаз йнейта  
АчвахІаджв — йтынчыз атІамаз,  
АцІыгъыгъьраква зрыхъынхІвыз дунейта —  
ЙнаквпагІаквпаз апшакъватІамаз!..

Схъа йазысхІвахд арат асатырква, —  
Уаргъи, хІаща, ушфигІымбарым дырква!

29.06.86.



УашIашварыгъи йгвапам уысбаргвы,  
Унадзарыгъи учIара абла уцата —  
АгIыгчIвгIыс щашв таумырчIван йгвы,  
Пшыхъ тарыс анкIыкIах апш йцкъата.

Абзазарагъи тшрыгIврата йуымбан —  
Дасу йтшы дшазагауа дцауата,  
ЙгIаушIакIкIаз закI ахъазгъи утампан  
Амаша йгIаушырашваз майрата.

Укшы уапхъала — ухъвыц, ухъвыц, ухъвыц,  
ЛгIва умырчын угIачIвалта ухъагIвацала,  
АквтIагъь агвгъи быжъны йгIалх ахъвыц,  
Ахвыцмыцпраквaгъи угвы йтсачIгIа мцала...

ЙуасхIвуагъи аумыргахын апшамкIчIвы —  
Зджъара йутахъхаб, зджъара уанйахб уачIвы.

28.07.86.



Ахъвлапыхъа нанаухвд атынчра:  
АугІа цахид; пшвымахид атшква;  
Адзыгъагъара — АдзыгІвбжъайачІва  
аджынджъра —  
Ихъыччауа йгъахъгахуам абыжъева.

Илыцгъагъауа лІалтакІабарина  
Лан йльщылхъвшвид анхІвыспачкІвын  
хІврахъвшвы;  
ХъвлагІанцІакІ йдрыгІапсаз ахрина  
Тынчта йгыла тшашцахид ужвы.

Ани амара-пыргъа уахъчІва хІуыс  
ахъвы алаб —  
Рейша йхІхІвабта: йшгІаквымха псарчІвы!  
Ина, бгвжважва, ауи апыргъа хъвалакІ —  
Бадгъыл атшгІва мхъыхырныс уачІвы!..

Шсейспадза сгІакІылсхид саргъи мгІващкІла...  
Сбзазара, убжахад уаргъи быгъыгІважъкІла.

23.08.86.



Иамаукїд, йхътїтагы йгъузыкївум —  
Абышвала усанкъвакъвра утахъыб.  
Угвыла ныжъта — ушїалагы угъызныхївум!..  
Ма, саща, йнахвта ари такъыш:

Аджьма зынгы йгъуасахушым — хїакъта,  
Ажыхъчїваршгы йгъузыхъацїушым пша,  
Амш йцаз гъуызгїагхуашым угїажъта,  
Аборагы йгъузытакїуашым пша!..

Хїыбышва шыгїдырызгы арса акївла  
Сгвы йахївид. Уазхъвыцла уаргы тїакїв:  
Уа йшуызгїайыз — йгїайылцїта акївзаб агвла,  
Са йшсызгїайыз — ан йгїалылкїкїгїата акївб...

Адзи амци зынгы йгъаргванымызд.  
Агъынцїыхъва гънымызб, май гїапнымызб.

25.08.86.



ЗакІгъи гъшвасхІвуам — мельуангъи  
зкъгъи тенгъызгъи,  
Ауат зынгъи са йгъхъатасымкІйд,  
Сбазара апны чва зхъам зымгІва  
накрыскІйд,  
ЙгІасахвид скыт — зынгъи сгвы йтымцІуа  
скыт.

КъалагІвыма. Къалацри йатаркІвах.  
Агвалаква гвышдута тшазыркІкІйд,  
Саргъи йсыхъид, стадыршид акІварква...  
Уабыгу, скыт, — са сани саби ркыт?

МшакъамшацІыхъва, сылахъ, скыт сазыгах,  
Ауаъа зны са сымцахвыц акІйд,  
Хъшвашвадза сакъвумхын ауи акІыкІах —  
Йшшдзу са скыт, са схъа змырпудуаш скыт...

Уаргъи ауекІвазб, сынбжъагІв, ушархъвыцуа  
Укыт-унур, уантамгъи угвы штшархвыцуа?

29.09.86.



Агвымхаква срынйахьад саргьи,  
Сгвы абылхьад йзнымкІва ражвауаугьи,  
Йысымфхуата хьгІата йшвхьаз заргьи —  
СгІанаршвхьад йщтІырхыз атриуаугьи.

АгІвгвымхаква угварагьи пхьыржвушд,  
АдгьылтшыткІгьи уамаркІуашд йадгьлта,  
УынцІра угвы йгІанамгуаш  
гІаухьныркъушд, —  
Агвымха йымахб гвымха бастадкІылта!

Укъванчаб — хІва тшизынархата йахІвс —  
АхІвса гІауылыршвтб дшкъванчугьи  
шидыруа!  
ДашІалуашд хьала ацІабырг йцкьу ахІванс,  
Тшайрыхъватшуашд адзымц йгІайщтийыз  
дыруа!..

Дгьлагамзарызд «уамгІамс йыт» зхІваз:  
ИакІвзарын «агвымха йчІвы тызхІваз!»

30.09.86.

*Йуан Глалыса йызцауато*

СуыхІвид, саца, уыцкыра уымрыдзын,  
ТшапшумчІвын йымцырахаз аца,  
Йнаумыркъвын уапхъала йыгу уыдзын —  
Ауехъазла уахъчІва уапхъала уца.

Уапхъала уца — АцІабырг уахІвачІвгІвыта!  
Уапхъала уца — уарыхъвашагІвта амц!  
Уапхъала уца — зугІа йырмайжъаз гІвыта!  
УцапІтышипхъадза йгІацІчІваргІад замзамдз!

АхІахъв йщгІугыи — хІыбызшвала йрчважва,  
РыкІ йрыхву ажва гІау, упшгІа!  
Ан лкІыкІах йапшызд ура уажва —  
АгІвычІвгІвыс йзауцтызд анурхІгІа...

УадыргІвана хІгІвыджъ хІанйахб гІвагванацІ,  
ХІашваквагыи ацыхІхІвахб уадыргІвана!

9.10.86.



ХІврапшдза змата йгІайуа апхІвыспагвакІва,  
БыйачІва йгІасыхъвлакІкІаз сшарлашв!..  
БгІайымшшума хъгІата, бараскІвакІва,  
Ари апсычвгъа йгылу — ари алажв!

ДнабшІапшид пхащарагъи йымдырхуа,  
Йысквшкѡа зымгІва йрыдзын — днапшІабшид,  
Йгвгъи агІвызаб атшымбжъас йфырхуа:  
Агъврахва йнапІыцІнарцуа йкІвашид!

ДазбырхІвапсахд бара-пхІвыспа йнейыз  
Бзазарата йымаз йдзынкІуа:  
Йыгъазмищд ауи йанидунейыз,  
ЙызгІагылмищд йыйачІва кІкІауа?..

ХІврапшдза змата йцаз апхІвыспагвакІва,  
Сышнабыщтахъпш йгІазгынцкІъара  
швхІакІва!

17.10.86..





Анчва йапш сара уара йуызэхъасцун,  
Амара йгІагылуаз уашІсырпшуан,  
Чвщырата йгІахІбжъахъынхІвуазгъи  
пхъасцун,  
Ухъшвашварагъи сымцахъв йансыршуан.

Саргван дгъызгІамскІахуазд узырджъазгъи,  
Агартагъи гъйымдырхуазд йымш йхъвлаз!  
ЗажвакІынхІарала угІазырчазгъи —  
Уышв дгІажъвымцІскІва йчвыдзхуан  
сышв ьалаз!..

Чынрала йутйыхыз хІа хІынбжъагІвра  
ХІададжъадыта йгъгІамсхумищд ухъышв?!  
Дызда йхъазуырцІахуаш уажва-жъахІвра —  
Уара уншамцы щардагІвы йшырхъышвт!..

Сгвы йтасхІвахид: думбан заджвгъи  
Нчвата —  
Унур йтйыхуашд аштан дйайчвата.

18.10.86.



Акыт сГайын агвлачва сГарыкІвшид,  
Салалыйд йгвыргъяхъву рхабар,  
СГайра йпшдзугъи марахъГата йрыквшид,  
ЙахІбадзугъи тынчта йхІвид абар:

«АГІвычІвГІвысгъи — заъара дажврыгъи! —  
Базарала йгвы зынгъи йшымчІва...  
Уара учКІвынгвщаб, уара убзаза ужвыгъи,  
Апхъапсера, бзи, сара йситд Анчва!..

Бзира кІара хІзыхчазтын — йшвымазд,  
Швхъа йапшврыхъва, йыламдзд швыхъва  
йхъыз,  
ХІугІа рыхъыз анамыс швапшвымазд, —  
АуекІвын хІара йхІыхъвадаз, йхІбгъыз...»

Акыт, акыт! ХІакъымта сГауырбзихид,  
Сара сымш анурквагъи адІухъихид.

1.11.86.

*ЙгІахъынхІвыхыз дзынмшхъгІа*

АмарачкІвын адгъылду арбахид,  
Анларыла йгІалнарчид агІваз.  
АпсегІачІвквагъи ргвыргъъараква рбахид,  
ЙгІахъыртГыхид рылачкІвынква йхъгІваз.

Арахвквагъи рхІвыртаква йрызгІайхид,  
ХъгІата йгІадхъид амлышв йрызшшыз.  
ЙъакІвызлакІгъи апшдзараква айгІайхид,  
Анасын гІашГыхахид йымшыз.

Апсабара йчІыдару ачвымыгъб,  
Ауаса уахъчІва — йныхІварныс йквыд!  
Йгвыргъъабта йгІашвтыб алагвырчІвымыгъ,  
Йгвыгъабта йгІакъагІаб ахІамшвкІвытІ!..

Йпшдзаб амш йгвану гІвычІвгІвысгвыта —  
Йггыъам уызмайгІайра уысбаргвыта!

4.11.86.

*Пхынщымтахва*

Адуней псы глахъалд. ЙгІашІыхад  
Йычваз зымгІвагъи;  
ЙгІапІатІауд, йгІапІсыд, йгІахІвапсад  
КІваргъи, дзгъи, мгІвагъи.

Йацы ашуара йаршыз хІаквта  
Абыхъвкъапщ гымхъысд;  
Амарагъи анур-мачквала  
АчхъатІашквта йрхъысд.

Саргъи сыквгылаб акІышвхъа,  
Адуней сапшид,  
Йызбауа зымгІва йгІасархІвид:  
БзирадзакІ уызпшид!..

Сгвы наузыпшгІид, сыгІвза, сыгІвза, —  
Уара уакІвма пшата йсыгІвсуа?!

11.11.86.



АзгІвагы уыргІачІварквын — тшаргІачІвид,  
Иджьауцарыквын — тиджъанащид йаргы:  
«ЙгІасшІакІла-йа — аквпІигъвишти  
амхІачІви!

СгІацІартшла-йа ускъвымцІуата зынгы!

ИрахІвла-йа — йухътысхуа узынйалакІгы,  
Ауатгы уара уапшта сджьадырща!..  
Саргы усчпаб-йа — йухъырымщІахуа  
лакІгы!

МачІмачІымца йуыцІызжвгІаб-йа — уща!..

Тшаутырквын — йабоу азгІва адкІыс гвымха?!  
АдкІыс агІвы йгъйымам агъачвгъа!..  
Уара — уагвтасс! Уара ауи уахІаквымхас!  
Уара — уайгІайс ауи алактачвкъа!..»

Арса йкІвуи алыгажв йсызгІайыз, —  
СгІанаршыцуан йажвахъгІа йайгІайыз.

11.11.86.



АгІвычІвгІвыс йшпайтахъу, саща,  
ДъацалакІгъи хъацІари акъылы!  
Ауатдъа — йыгъуымам уа къазща,  
Йгъуымам уа цІагылыищти уакъылы;

МагІны змам закІ ахъаз угІапхашущд,  
Уаргван йгъгІаскІушым магІны змугъи,  
ЙымцхІвагІву дымгІапсауа угІайжъущд,  
Йъайтахъу уазигущд йхІайльугъи;

Абзи тшучвирыхъарущд уара,  
Агвымха тшгІаузираргвануашд майрата;  
Мара шыгъу ахъаштылхуашд уынцІра,  
Амыз уыла йгІацІалуашд марата....

Акъылы ахъацІари — ауат рыжвла  
Угвы апны йлацІа ушчкІвыныркІву,  
рнур ыжвла.

14.11.86.



Адз гІахІвыд, йарышлад адз зымгІва:  
Ауахъ ауандыр йгІацІырщтыз ачквва,  
Рисып йгІатышвтуа йгІалггІауа ржахІва;  
АкытдзакІа йгІаргыз ачвахІаджвквва;

Адз йдзанаршлан абан йкІкІид  
Акыт зцІачІву ахваду адзамгІва;  
Адз йгІахІвыз йарышлазшва йубид  
Атдзы йгІаджвылцІыз алыгажвчкІвын  
йамхІва.

Ашахвла йпшид йгІашІыхаз сара сгвгъи,  
Схъвыцпракввагъи йгвжважвауа йажвыслыйд:  
Адз гъакІвыммищд йызрышлаз са схъагъи,  
Сахъуа сызкву сымгІва йамажвысгъи?..

Адз гыгънымта — гъназырхъвыщгаб адз...  
Упшыс, — йабоуху: анурквва рыкІва йштадз!

19.11.86.



СоГІвым апны амыз апстхІва йґІалцІид,  
Атенгыыз йазаунацтид анур,  
Алашара ймачІыркІвазгы йґІацлыїд,  
Апщдзара йазхІид гІвычІвгІвыс дъану.

Ахъвлапынгы унанауахвид тынчта,  
Угвыгъа хъпшылыїд атенгыыз-амшын,  
Ахъвыцрахъанта — йуыхъвдымцІуазгы  
псынчта —  
Чвквырпахвыцта йыдзид зынла йптшын.

АмызшкІвокІва ажвгІвандла йґІахъалыїд,  
РыцІарыцІа йдухид адуней.  
Уара угвы мамырта йтынчб уахъала.  
Апхъала апшта угыквхым асатей...

Насып йымаб алашара ззыбаз:  
УахъчІва дахІыб агІвы йацы ййыбаз!

21.11.86.





Амарагъи пшдзата, тынчта йкІнылыйд,  
Уыла ачвудзид амараташварта...  
ЖвгІвандицти адгъылый тшадыркІылыйд  
НакъахІцкъала зыхъыз гуш хабарта.

Амарагъи пшдзата, тынчта йкІнылыйд,  
Уыла ачвудзид амараташварта...  
Сара сгвгъи анчвасуратква гІанылыйд,  
РыцІарыцІа сакъвыргид ашварта.

Амарагъи пшдзата, тынчта йкІнылыйд,  
Уыла ачвудзид амараташварта...  
Ахъвлапыхъа йгвапугъи сапылыйд  
УачІвы йгІайуаш гІаузырбуш ажварта...

Амарагъи пшдзата, тынчта йкІнылыйд,  
Сара сгвгъи анчвасуратква гІанылыйд.

2.12.86.



Агъны гІаталд. ЙгІакІанарпІлад асы.  
ЙквайчІваз зымгІва арышкІвокІвад хайырта.  
Уыла эквшвазгъи йалашвид упсы, —  
УазымпшгІахын, ей, анасыпйырта!

АцхІашвцІыхъва гІакІанархвхвад йашІрышх  
АкІасшкІвокІва зхъанацІаз ахъыбра...  
Саргъи йздырхид, арса йгъпшдзамызд  
цІышх —  
СынчІва уыла ачвудзид агъынхъыбра!

АпхІвыскІ апхІвыскІ йлалхІвид:  
«Ант бырпшыс —  
Ауат ацхІашвцІыхъваква шауыру,  
АуекІвызтын — базпшы гІапынайшыс...»  
АугІа зынгъи йгъырхІварым йымцыру...

Агъны гІаталд. АсрычвхІва-ларджъ  
щамхысд.  
АшкІвокІварагъи гІапынчІчІрата йхысд.

28.01.87.



ИамагІынгъныйа?! СрычвхІвахабта зны —  
Иачпаб адунейгъи хъахъцІахыта.  
Зынгъи тшгІанарыхъгІахбта — гІапны!  
ИгІаушІахъмарб, йгІауылактакІкІаб хыта!

НажгІвыршІыдза лапштагъи йгІапшвыб —  
АшвцІымцІым — хІва йацІнахб улымхІа  
ацІгІва,  
Ухышвквaгъи йгІаркІыднарчІвалб ашвыб, —  
ХІайда, уаргъи угІахъта ухъамы гІацІхІва!..

Ахъамы ушашІумца — тшгІахънапсахб,  
ГІапындзата тшгІаунарбахб йатаркІвах!  
МышкІы апынгъи гІважваны тшапсахб!  
Иара уншыхта — агъынчыльа таркІваб!..

ЙшалхІмыргахуа, нбжъагІв, йншаквауа:  
Асгъи гІасуа, аквагъи гІаквауа?!

28.01.87.





Афтобус хІазпшуан. Гъни гІапни йырбжъаран.  
Акыт хІтыцІын акъала хІцауан.  
«ГІамтас ари ауазма — чвзабабжъаран!»  
АхІбачваква азгъуан амазахІван.

ЛыгажвкІ дчІван, тутынлгІватагъи  
йхъычуаз —  
РхъамцалгІвата йуитыргІад Анчва!  
ПхІвыснаскІахъакІгъи длайсуан лхІа  
йхъыччуз:  
«АгІвыгатапшгІвы — гвымхахид лчва!..»

ХъацІашвпІакІгъи лыла дхъылын хъыцта —  
КІасквайчІвакІ йлайъазун йпсы:  
«Бымш базхъвыщ, бзи, йыъахым бикъвыцІта.  
Абза йпны дыгъбзазахуам апсы...»

АгІвычІвгІвысква... ЙъацалакІгъи йрыцта  
Йрыцыргид рбзазараква шІыцта.

24.02.87.



Съадзатаз йтІатІапшдзан апсыхІва,  
Стыячын са джъанат агвы сташва,  
Сара йсыгІвзан Анчва йхІвыр — апслыхІва,  
Сара йсхІвун сгваташва нурашва...

АхІгІарабырг саягІахъашвал сгІахъта  
Ауаъа йсызпшуа йыквчІваз апшамкІчІвы —  
Сара йшсайгвам гІаснардыруа хІакъта —  
Зынла йгІасшІасд, схъанацІад ачІвы!

СынкъвнахІвад саланагван лашыта,  
СхъыннархІвыд джъагърута сгІанакІын,  
Салапажъжъвад са шитансасыта,  
СцІыхъеа йгІатахад ауи йгІапкІын!..

Саргъи сныкъвид йызбауа пхызхъгІата —  
АпсыхІвапшдза снур антаз тыбгІата.

8.03.87.



Абадраджъузгъи гІайын тшгІахІнардырид:  
Къвзанала йгІахІхъанахвид асы,  
Царатагъи хІхъыбква рпны йтыртырид.  
ХІгІанарыхъид рахІа йпху амсы;

ХІчватара йласхазлагъи хІхънарпшылыйд,  
ХІыцІнагармищд хІацІымхъуата хІхъа?  
ХІрызнарсакъид хІара хІчІахъви хІшылымй:  
«Анчва йхІвузтын хІгъагІшарым хІашхъа!..»

Йгъагъасид, йгъгъид агъны апакІьаса,  
Сабата йхІхънарычид асхъваша, —  
ХІыквнацІарын зымгІвагъи асақІаса,  
ХІарыцшарын, хІарыбжарын анша!..

Ауаса — йжвгІума? — агъны ашвшвра  
йцІакІыта  
ЦисбыжъкъахвчкІвынкІ гІалггІид —  
гІацІынбжыта!

14.03.87.



ГІапынцІыхъаб. Аташварта йыквчвад  
Иалажжыз анурква, йалашшваз;  
МцакъапщычкІвынкІ атоба ахъахъ  
йыквчІвад —  
ИГІацыршвазшва амара йташваз;

АлГІвачкІвынгъи хъвлапынхъапстхІвахвыцта  
Атоба тшГІахъщтІнахГІид йдзыргІвуа...  
УГІай, саща, атшрыцІырра уакъвыцта —  
Арса хабаргвапаквакІ хІырхІва:

ХІбзазара апны йыъазгъи ГІапкыта,  
Анасын йзрышщдзузгъи хІтыдзра,  
Рхъата хІъадалакІгъи хІара йхІпныта —  
ХІшыквбаГІвуз йГІахІыдымсылуа дзра!..

УГІай, саща, уГІачІвал арахъ  
тшГІархъйата, —  
ХІйацы хІырбах хІуахъчІва ГІащтІызхуа  
рхъата!

30.04.87.





Сара сажвуд-сажвуд, ба бшІаркІваб —  
Йгъадгылуам хІынасьшква, йныжь!  
ЙдырхІва датшазджьара бхабарква,  
Бмакъымква датшакъвабыз йгІаныщт.

Ддатшаб йзрышщдзуш бара бымгІва,  
Мадзата бнурквагьи зыркІкІуш...  
Саргьи снабыщтахьчІвыуа сшбымхІва,  
Йшсмырта сбыжьгьи — ахъазигуш.

Абазара аины йшцуш ауекІвзаб:  
ЙгьгІашІамылуашзаб къвуд акъаб,  
Ба бымгІва йшІугьи датшапха аквзаб,  
ХІаргьи тшхІбмыржяхын, йнахъаб...

БцІсид — бахьысгІвацид ачІвыла, —  
Саргьи блсегІауазшва йзбид суачІвыла!

30.04.87.



ДзынцІыхевтаркІваб. АцІхгьн чвцад  
зынчІвхІвата.

ЧващанІыкІ тшартынчхид ала йшыз.  
Ахъвыжьгьн йъзагаІву ЙынджьыгъчвхІвата  
Тынчта йддрисид айхагвашкьва йшыз.

АйачІвацахІвцахІкьва йауыз дэхІвыта  
АжвгІванд-цІла йгІашІышвтид закІзакІы.  
Амза йкІкІлахыз ацІхгьн хъынзырхІвыта —  
Иайгвгъзааб, йздыруада, закІы.

АуасарымгІва — йырчвгІайыз гъауызта —  
ИагІвнакъидта йалсид ажвгІвандгвы,  
Амыз-чарахсагьн рчвылалын айрышта —  
ИылтхаджьгІид ауаъа ахъагвы акьы!..

Сыкьгылата Айсан Маща ЙхІгІара  
Квырмыш азысчид скыт ацкьара, ахъгІара.

28.07.87.



АцІлашІа йГІақъаГІаз — сгвы хънакъъалыйд,  
АхІврашІа йГІахІвапсаз — снур акІид,  
АмызшІа йГІагылыз — схақв йГІаталыйд,  
АшахшІа йГІаспылыз — сгвашв аркІид.

АмГІвашІа сызшІызтыз — сгвала йашваб,  
АбыхъвшІа сызшІысыз — сымч йагІвоуб,  
АжвашІа йГІасшІыцІыз — сыгІвза йажваб,  
АшвашІа йГІайшІыцыз — сымш йапоуб.

АдрашІа йГІачважваз — сгвыгъа йагІвзаб,  
АквашІа йГІагвжважваз — ста йанурб,  
АдзыхъшІа йГІакІылжваз — сгвыргъа  
йагІвсаб,  
АпшыхъшІа йГІакІылшвшваз — уачІвкъаруб...

Сгвы йпшГІауа йаныхІваби ашІара —  
Ауи йгъГІанарыкІьуми датшара!

30.06.88.



*Анбжъагів йажва*

«АкъахІп йлызхъауымцІан зынгы —  
Уара упны дшгІащтІалуаз апш майрата  
ДйыкІвалуашд ауи датшазаджвгы,  
Дгъалуашым уа уыхъазгы марата!

Йылтиуашд унурквагы зымгІва,  
Датшаджъара йлгвычІахуашд хІвынчІвыла,  
Ушгвыгъауамца: «Сгвакъвпра  
шылзымгІва!..» —  
Угвы щтІылхуашд заджв йпны хъвынчІвыла!..

Ажваква йгІауалхІвуаз кІынхІаран —  
ЙкІылхгІахъан йлымахмыз намыста!  
Абораква ауи лыхъазла мхІаран,  
ИангІаджвылцІхра, — дгърымхъадзахуазд  
пхІвыста...

АуекІвб, саща. Йакъвумыршын угвы.  
Ларгван ушымцахуашлагы уквы».

14.07.88.



АгъынчІвыхъ акыт зынла йгІаталын —  
Дгъылгъи жвгІвандгъи зымгІва шаркъаца!  
Ахвамыхвгвыш ахъта йаднацалын  
Иаднарщцылд — хъылпакІгъи нархъаца!

Абыхъвкъапщ йгІашІыхІвачвгІид асрычвхІва,  
АкІадза йгІашІчважвгІид апшачІвыхъ,  
АгІвадыгъ йгІатуыугІид: «У-уашІас-с...  
с-срычв!» — хІва,  
АбначІвры йгІакІылнарблыгъид: чвыхъ-хъ!..

КъанджъаквакІ акІварцІола йгІатышвтын —  
Иалашвад йкІылшвшвгІуз ахІауа;  
АпоупынцІа йгылаз ачва ахъышвтын —  
ЙгІабгъачархид ачвафгІвы архІауа!..

Апхын аквта араса йгІацІалд сыла...  
Сара сгъынгъи гІадзушзаб ужвласыла.

20.07.88.



Сгвыгъара пхынцІыгІвата йашу,  
Сгвыргъара пхынцІыхъвата йагвалу, —  
Ами, Ами, — сбазара йдатшу,  
Сара спхызгы ршІыхагата йалу!

Йбрылашун, йбрычвцуан сара сымш,  
Гвыргъахъв гІабгуан, зынгы йсхъыбштуан  
алгъачІ,  
ЙсызгІабхъвыцуан ахачІвква йласым,  
Сгвы снабырдзун, адунейнурква сзалбхуан!..

Йгъйылшушым гІвычІвгІвысгы ба ббара,  
Йгъйылшушым заджвгы ба бпныла днейгъ!..  
Ами, Ами, — са бгІасхъвыцд бара!  
Ами, Ами, — бгыквым адунейгъ!..

Йыквызд ари сгвала йашвахаз,  
АгІвычІвгІвысгвква йрызцара зтахъхаз!

24.07.88.



**Ибдыркума: зны сбышхьун Анчва йпхІа —  
хІа,**

**Сымарагъи гІацІуан бара бгвпы?..**

**Сымшыркъвун уацІыхъван: «БгІахІа,  
бгІахІа!**

**БгІамхІвакІа йгъназрауашым напІы!»**

**БгІамхІвазтын — хІа хІынчвагъи бгъипхІахым,**

**Баргвангъи сгънаскІахуашым саргъи!..**

**Ицад ауатква... БбыжгІваца гыызгІахуам.**

**СыкІа йгІаталшва йыгъаб апсрагъи...**

**СыгІваза, сыгІваза! Бпахъ щамхъаша сгылта —**

**Уахъгъи тшынгъи сахІварныс схІазырб!**

**Ибтахъдзу сзыха! Къаба ахІахъвгъи скІылда!**

**Сбкъаб! Сблшаб! Сбмачвысраб! СбымгІваб!**

**Сбдзырб!.**

**ХІшымгІвайсуамца йалахІыррычІвах хІыщта—**

**Ба бкІважващта, сыгІваза, са сахІыщта!**

30.07.88.



Адгыл-мгІвайсыгІв адзынбайажв ачквынб,  
ЙхІакъид ауи, хъгІатагъи тшаргъьид;  
АжвгІванд йлашараказгъи квачкІвынкІ  
ТшщаквызкІыз акІвар йтанахъид.

Йылагылаб ачвахІаджквва тынчта  
ЙачІвадза йгІақІылшвшваз адзынхІвра;  
АгІвыбыхъвкІгъи ханихъвшвамгІа псынчта  
ЙырхъакІныхІаб гІвычвдукІ рапш дара.

АлбыргІан — хІва зыхъыз зыргаз абна  
Апхынра гъакъвнащтуам хІчІвылашІачв;  
Аквацсгъя — йцумца йнадзан абла, —  
АшІапхара йхъыччауа йшашІачв!..

ПшдзаракІ хІызгІаныкъвид адзын йацта —  
ХІыпхынмшквва йгІадыркІкІаз рызнацта.

17.09.88.





Сылсуан агвадзхырта щымтахъата,  
ИхIаркIвун хъгIата йрхыз агвадз афгIвы...  
ХIчкIвынхъаткIыла, — анахъ-анахъ  
утхъата, —  
Ибжы гIасгвыквгIвуан са йсахIбаз агIвы:

«Ей ахъацIа! Ахъта тшаумырщуата, —  
ИкIыта йаларыхъванчс агъьадза!  
УадыргIвана, хIайда, умагIщауата  
ИгIашIахIвас акврыква багъьадза!

УадыргIвана йгIаларгылс абжынква —  
Йуачважвауа анахъ ушхъару,  
ИшаджъханцIкIьягъь — йткIвычвгIа,  
йахъырбжымкIва!  
ХIаргъь хIгвыла йхIныхIвауа укъару!..»

Снейуан са сырпыцкIласуа  
ашыхIвкыжкIва...  
Спсы йабун срынйушызшва сбжынкIышкIва!..

22.09.88.



АпыхІвхІаджкѡа йызбара збаэ тшгІважѡта  
Ачѡагъѡарта йгІалхІѡид йдзыргІѡуа;  
Акъанджъакѡа ркІѡымгъаракѡагъи гІѡажѡта  
АдзынхІѡракѡа йрылапсаб йхІѡуа.

Анахъ-анахъ АхѡакъалагІѡыркѡа  
Сыкъта йгылд апсыхІѡаду йташѡуа;  
АлбыргІан йгѡану ахІѡсеахІѡыркѡа  
ЙгІадырчѡажѡид Ахсауыт йашѡуа...

ЙамхъацІыр д акІѡыкІѡагъи быжъѡума —  
ЙцІанакІѡа йахъшѡаз абыжъгъычрах...  
Ари дзѡума момкІѡа йкІѡасу пхѡума —  
УхъацІазтын уцата йалыргах!..

Саргъи сазпшид: нуркѡакІ зыѡла йгІахъѡта —  
СкІѡышѡхъа бгІадыргылуашъѡшѡа пхъѡта...

25.09.88.



Арбаква йаквдрыдзцауа йшыртид,  
Азакы ацкыс азакы джъащахъваб;  
Амызбжагы псейспадза йратид, —  
Сараш амцтахъ айшва йгIаквхаз чIахъваб.

АйачIваква — йгIаквыгIвгIыыз ладзыб  
ЗагIа йалгаз ауахъжвгIванд адзамгIва;  
Абани йгIашIыхаз сара йстдзыб,  
Сара йсызпшид ани йгIакIкIаз амгIва.

УгIалад, АмшшIыц! Уылиха рауд аугIа,  
Гвицхъадза йазынадзад унурква!  
Йыгъамызд хIдуней аины къаугIа,  
ЙайгIайларгIад йлашару акъаруква!..

ХIыщхъаквагы йшгылаз йшдырша!..  
Ауахъ йаанаIыцIхIади ачхъвша!

19.11.88.



Асы ашасын — йгІалагад апша, —  
ЖыйпельуанкІ йджвыквжъызшва  
йгърычвхІва!

АжвгІвандзартаквагъи зынла йшпшша,  
АдгъылкІадзаквагъи йшгІагыл рычІвгІва!

СрычвхІвагад — йшвшвид, йжвжвид, йгъгъид,  
Адунейгъи аргълыйд хъалагвыла!  
ШитангвышкІ зны йчІвыуид, зынгъи йгъид,  
Зынгъи йхъыччид рыладзцхІашквва хъгыла!..

Лачви лагви рбжъара — хІымш шгІахъвап!  
Апшагъи гъзашІасхуам йхъыввалын,  
Асипсаквагъи гІаланарчІвид хъварпкъварп, —  
УгІа ъаным атобашкІвокІва йхъалын!..

Йубид уаргъи — укІылпшуа ухъышвхъвахъва —  
Ари аумура йамчпушызшва цІхъва.

22.12.88.



Акъанджъаква зынгъи йумбаскIва йжвIата  
АхIвымпылахахаква йрхъачIваб,  
АпсыхIвагъи, — йгIацIцIуашд шваргъи  
йжвбата, —  
АцIахъы шкIвокIваб, ахъахъы квайчIваб.

Асы йгIасызгъи, — «Ужвы йшвтахъу  
швчпах», — хIва  
Тынчдза йцIаб уахъымсырквын йдзыргIвуа;  
Амашинаква йгIарыцIблыгъауа абахква  
АмгIва йгIаквшвид йрымахымкIва хIва.

Лпыкккввагъи апшхан аквIу ачIвынчIвагIа  
ПхIвысжвымпIыгвчкIвынкI дгIайед далагва;  
Инадзан абан аламатшачIвагIа —  
Иабанкъвцид йдзышыз алаквa...

ИтыцIид агъынпынцIагъи ласыта, —  
ХIхъыбра тшгIахъыннархIалыздхIва  
дзачкIварашвыта.

27.12.88.



СгъуысагІвхымма?! Асатырмаджъанква  
ГъсыздзыргІвыхуам, тшыквырпсид аурам,  
ЙгъсыцыркІхуам йкъяхвыз афырджъанква, —  
Ауи агІамта йагІвсызгъи шхъарам!

Ицид абан — йскъвыцІид сара, йскъвыцІид,  
ИшкІвокІву дзарахІвычата йтыгІврид,  
Саргъи счІабта срыцтахьпшуамца схъвыцид,  
Асатырнашхыйаквагъи згІвид...

ИамыгІдазаб хІымгІваква ймайрамыз,  
ХІылахъ йласымыз, анбжъагІв ЧквтІу...  
Ауаса — йыгъаб ГІальиса-марамыз,  
Мыхц Къарим йуысара йцаквкІу!..

ХІыцІлагъи датшабызшва гъахІвушым,  
Абазашта ъадзанугъи йгъгІвушым!

11.12.88.



ХІанйад хІара пхныта, хІадагІвача,  
ХІыцІанацан аква йквуз зджъара.  
Башын бара тшыззыщтІымххуаз ача,  
Са — суарбажвын, — йахъырцаз зчара!

ИсгваладзамкІва бгІацІанаган сыла —  
РыцІарыцІа йбзыхъстІуан са сгвы амгІващ...  
АжвгІвандгъи гІаптшуашын ужвласыла:  
ХІхъахъла тшгІанарыжвпІун аквагІважъ...

Бари сари хІылаква йазазхІвапсаз  
ГІвмачвысрашІакІта йсачІуа йаквмачвысд,  
ХІгвыгъарагъи — йхІзымкъажауа  
йхІвапсхаз! —  
Цыта кІварлащцаракІ йхІчвтахысд!..

Ауижътара схъахъла йангІамачвысра —  
БгІайуадзсщидта сгІалкъыид ачвасысра!

20.12.88.



ЙгІакІасид асычкІвын, йгІакІасид,  
АжвгІвандларджь йхъыччауа йгІакІнылыйд,  
ЙсыгІвхъмаргІауа къахвта са йгІаспшид,  
Адгъыл алактачкІвынгъи йгІанылыйд.

ЙгІакІасид асычкІвын, йгІакІасид,  
Адуней арышкІвокІвид гъагъата;  
НчвашдзакІ дгІайын — ари анасып шгІасит:  
\* Ціхъва амамкІва, йлашарадута, йцкъата.

ЙгІакІасид асычкІвын, йгІакІасид;  
ХІмызуасахча\* йуасахІвыча йсата  
ЙгІайыртІгІуазшва, — хъылништи кІаси  
ЙгІархъатІгІид йузымпхъадзеш ласата!..

ЙгІакІасид асычкІвын, йгІакІасид,  
Са сдунейгъи рыцІарыцІа йкІкІид.

10.01.89..

---

\* Амыз зсурат ану ауасахча.







«Швабыждзата сбыразб, швабыждзата —  
Иагладзата хIшамхъаквбрыдз уахъчIва!..  
БъанызлакIгъи снагIвуан чкIвынайdzата,  
ИасхIвуа схъа: «Иауума щта уахъшва?!»

БщанIква рпакъ йнащтIасцIун схъа  
йсчIвыхмыз,  
ИыласцIун — хъапщдзызшва! — ба  
бхIвынчIвы,  
Абари сгвгъи — зынзаджвыкIгъи  
йчIвыхъмыз! —  
Аща гIацрыхъуа йнахъазгвун бхъвынчIвы!..

Бгвашв снамгылхуа са факърата скIылхуа,  
Сгвы тшарбцIуа самшыхуа бара бхъышв,  
СгIабымжъахуа, сымшгъи тшаднамкIылхуа, —  
Иараби, йабадзабзита бсхъышвт!..» —

Арса йхIвауа ацIлахIгIаква дрыщIсуан..  
Заргван днадзуз ацIараква тшдрьдзуан.

10.05.89.



«Упад ужвыгы?! ЙалагІвгІвыб ууысква —  
ИугвнымгІвуа йалухи йалаупси...

ИуымдырдзакІва урыквхъчІваб арт  
апхІвысква...»

«Бзи дызбид, ларгыи сылбахид бзи...»

«Сара щта?! Апша сгІагІвнанарышвма?!  
ИгъузакІвацІарым апси абзи!..

Удзышуатагыи дэквцІикІ са йгъусымрыжвма?!»  
«Бзи дызбид, ларгыи сылбахид бзи...»

«А йацІазкІыта-йацІазбгъацаз ахъацІа, —  
Игътынчуашым ауаъапны угви-упси!..

Убзазара угъампшыхумищд ахъадза?!»  
«Бзи дызбид, ларгыи сылбахид бзи...»

СзыгІвсуаз хъышвкІ йгІакІылнапсад  
аратква, —

ИщаквнакІын сгвы йтжвугІуз ауарадква.

7.06.89.



Амш йгІайыз ала гІахънатІид...  
Алахвыц акІъакІъарала йнагІвид:  
АкІвыкІвагъи акыб апны йшІнатид —  
Абзазара шхъгІаркІвугъи гІахІнахІвид.

Йджъанащид акъанджъагъра закІы —  
ЙхІвачвакъид ахІацІлабаба йыквчІва;  
Абжъас-хтышвтгъи жъума закІ шакІы,  
Ахвагагъи ахвахІгІара йшыквчва.

АшахвцІиска гІасайгвыргъид сара —  
Гвласайырта саргван ауат гІайын;  
Ауарбагъи йарауид апсгІара —  
АхІгІараква зымгІвагъи йрайгІайын.

Апхыннурква йрылшвтид ахІвыхІвгІважъ...  
Снейид псейспа, йсыхъид ащхъамгІващ.

18.06.89.







«Уара йуашу — акъала йтачІвата  
Тынчдза йбазид йамгауа гвыргІва,  
Рщейгыи шкІвокІвата рщейыжвгаквпІи  
йтачвата,  
Акыт апны йнамгІвгІамгІвуа йаквыргІва!..

ЙамагІныйищд — асфальтцкъа кІаурышвта  
АхІвынчІвы уызгІалал ухъазы?!  
Араъа уа йуызпшумищд анкІарышвта,  
Араъа уа йуызхъйумищд анрызкы?!

ЙыгІасгвынгІвуам уынкъвызцауа,  
уыздзышуа,  
Ари адуней ахъахъгыи йутахъу!..  
Сатанаупшхидта — угыгъам уа  
тшуыркъвышуа,  
Угыиашым аламгылара зщамхъу...»

Арса гІасайхІвын агІвза — саргыи счІвабта —  
ЙыгъсызгІауам йыстуашгыи джъауапта!

9.09.89.



ХІа хІымщтахьгъи амара гІапхушд,  
ХІа хІымщтахьгъи йгІасуашд апшачІвыхьква,  
Уахъа апш уахъыкІ заджвы йбыжьгъи гушд,  
Ахваквaгъи йгІарыквылуашд асыхьква;

Заджвгъи араса гІарайхІвуашд аугІаква:  
«ИанакІвызлакІгъи бзи швызбуни хъгІата!..  
Аквагъи, уашІамсуата угІаква,  
Апшагъи, угІахъвмарла уара хІгІата!..

ЦІхъва амчпаргІад абазара зынгъи  
Ари адгъыл ахъахъ — амарапха ацІахъ!..  
Срызхъвыцид ауат ажваквa саргъи, —  
Уаргъи, саща, йлашару сгвы йазхъацІа...

Амыз гІайын — йгІахъакІкІид акыт...  
Сыгвла Хзыргъи йымзаква гІайыркІыд.

15.09.89.





Тшзыртынчуаз ачваквагъи гъчІвахым.  
Ахвабна йгІалпшхъад ахІвакwa.  
Октйабр амызгъи гъйачІвахым  
ДзыпгІважъб. ЙгІвахид ахІвракwa.

ДгІанькъевид — дсакъта — ашварацыгІв,  
Ауи дгІакІылсид Абнагвашв...  
АлачкІвын, ажъадугъи уацыгІв, —  
АшварахІвычагъи, йгІагвашвт!..

ЙгІабльйд-йгІасачІид аджышІапхара,  
ЙаргІвад ауи цІлагъи хІврагъи.  
АшІышлагъи — дцауазшва пхарра —  
ЙыгъшІчІвум цІыргІвыкІ йхІвхІварагъи...

АпсыхІва йхъгылаб йсымсымуа  
Ануркwa... Снейид апххъа сыма.

4.10.89.





Архъа йгылу ачвахІаджъква, — спшидта, —  
РыцІарыцІа йцІагъахид абан...  
Адз йгІахІвхъазгъи йгъазарщасум хвитта  
АдзынхІвра йудзышву агвабан.

Апхынхъа сьарзыпшгІуз апатнаджъква —  
КъвыраквакІ наубагІвацид ужвы...  
Раса йазыпшгІид ауасахчагвначІква, —  
Ихъвлахъад, саща, уцахта ухъвцІа, ужвы!

Саргъи псейспа стысид акІварцІачкІвын:  
Анаъа — хІа, араъагъи — зары;  
ИгІасшІагвыргъид амыгърычкъа —  
пшдзачкІвын,  
Амыгърейква сыхъид: ей, укІвры...

ИгІайхъад адз. ИгІасхъад адзынпшыхъква...  
Схъвыцрагъи сарцид: уншыхъква, уншыхъква...

10.10.89.



«Уампшхан, сычкІвын, гвы этахым араса!..  
ИамагІныйа — уымхІван — ари алыгажв  
дызуу?!»

АугІа уызлугы йдумырхІван арса:  
«Зыуа дзагъата — загъа дызуу!..»

УйангІалх уащагы — ауи дайцІбабта!  
ГІвычІвгІвыс йызрауа ажва йызгІау!..  
ИгъархІвуами йаухІвыз ура ажвабапта  
Агваны йгылата йызхІвауа «гІау»!

Аща дгъуызгІалрихуашым уан уахъчІва  
дчІвата!..  
Дутахъума ащайцІба — уащахІбапшдзаха!..  
Ажвацкъа ууыргІушма — йырга уажва  
хьпчІвата!..  
Асхъа уазпшума — йуымтйын уа дэцаха!..»

Акыт арыдзыргІвуан ахІба йбжъагажва —  
Ахшам аршахвуан агвлапшдза йажва.

25.12.89.



Уызчымыгъхаз агъычъгъыс йны  
Унымсылхын тшырбзагвата, тшырдагвта:  
Ауаъашны уа йгъуымахым гъашны,  
Ауаъашны дхвыта атшы даквта

Дгъашщъгугахуашд уымальяикъщдза,  
Унурквгъы лашцарахушд йуымбахуа.  
Удуней ашны йуымахымкъва пщъа  
Агвы угъаквхушд угвы аладзквгъы  
мбахуа.

Йыгъазгъы гъуызгъагхуашым ура —  
Уазцарыгъы йшата йа йхъвлата,  
Лачвгъала йгъаупшуашд уанабара,  
Йгъагъгъуашд ауи угъазымдырхыз лата...

Йсызпщид саргъы йарауасабырг, —  
Сазыпщгъаргъы йсмаухуа ажвасабырк!

4.01.90.

*Суламита Фридбург лпыла*

Йбдырхума, — Литинститут ачырка, —  
ХІантадацуз хІлитщаквгыла уысбаргвы?  
Пастернак йанхІчвидзаз йсатырка,  
Пастернак йанхІчвыхъараз йгвы?

ЙанхъахІымцІуз ауысара мцы ахІвата,  
АуысагІвгъи мцы йхІвата йанхъахІымцІуз?  
ХІхъвыцпраквэгъи шахъала йшІахІвата  
ХІлекцнаква йхъшвашвахаз хІанцуз?

О, ауесхъан хІгвы былуани мцата!  
ХІгвыгъаква тшгІвачІведта тшгІацгІыржвун,  
ХІшахъшІаква гІахІзылпхун хІа мадзата,  
ГІвычІвгІвысшвагадула зымгІва хІшвун!..

Твербульвар ахъвыщырта-тыбгІарта  
ГъакІыммнищд йпычІву  
хІ-ГІвычІвгІвысхІгІарта?

10.02.90.





Сыла йгІацІалыйд, йгІацІалыйд сыла:  
ДжынквайчІвала тшарчвиди хІа хІкІвар.  
Йыртахъыйа? Йазпсиди ажъпсыла!  
Йыртахъыйа? ЙгІарыдал атшкІвар!

Йыртахъыйа? Датша йыртахъыйа?  
ЙыртахъымкІва?! АцІабырг рызгІад —  
Мцыта йрчпушд! Ауидъа ргвы зхъыйа?!  
Рпыц шырхуазгъи сарабырг йызгІад!

УгІа гърымам, йгърымами чІвыла,  
ЙрымадзахымкІва йзлычвгІаз — бызшва!  
АквайчІвара нкъвыргиди хъвынчІвыла, —  
Ей ашкІвокІвара, ушаза, ушва!..

ДжынквайчІвала тшдмырчвыскІва  
акІварква —  
ЙыгІвуа йжвбжъа, ркІварра рхъшвраштыл  
атшкІварква!

17.02.90.





Заджвгъи йгъйымдыруазд . Йгъигъамдырд  
ицІракІгъи —  
Ажваражваскъша «кІамунизм» — хІва  
йзпхъуз,  
ХыгІвычІвгІвысгъи дахъуа дъацалакІгъи  
Данйун аун ажва — абльышквасгъи  
йрбыгъыгъыуз!

Сасра дцума — йыцягун дампышхуа,  
Йгъы йтамыздхІва багъята йкІва йтан!  
Данчвагъвауа, данапхъауа, данпышхуа —  
НапІлачпаранурта йхъахъ йрттан!..

Ужвы — йгъазахым! Ужвы — йкІашвахд  
аун ажва,  
Эмигрантта гІвымакъралькІла йхъысхд,  
Ахъызмцгъи натрысІатрысд, йангвжважва —  
Иабацахрыз?! — сабячырпІита йхъысхд!..

Ауаса аун зджъара тшаннаргІалд сабынта:  
ХІгазетзаджвыкІ йахъынхІалд гъабынта!

17.02.90.



«Мцы эхІвауа, — рхІвун, — хъала даквпущд  
амца!..

Амц йачвшвун, йачвгылуан амц хъара!..  
Ужвы — ркъраргън рынамысгън амца —  
Амц дырчид, йачІархІид азхъара!..

Уйыргвыгъаб — зынла йхъаштылхбта  
ушйыргвыгъаз —  
ХІаульыята уйыдгылшва дгІаупшыб!  
Уара упныла йгвжважварамшыз, йгвыхъыз —  
Иара йыхъаз ахъазйагІвсыз мшыб!..

Аун йапшу — хІбзазара рнапІыцаб,  
ХІчарх йахъартахъула йхъындырхІвид?!  
Ауат ражва йрхІвазгън — хІара йхІпхыцаб!..  
Дара — мцы рхІвид! ЙгІапхъампшуата мцы  
рхІвид!..♦

Арса йхІвун агвашвхъа йчІваз ахъаца!..  
ХІзамангън, уымхъвашаскІва аун йызхъаца!

18.02.90.



УѣацалакІ рыцІагІакІ уашІашвид,  
УѣацалакІ йакІвымкІ уара йуызниид;  
Уымш йпшказ йпшкахымкІва йдыршвид,  
УыцІх йхѣгІаз йхѣгІахымкІва йдырдиид;

АмцІвара йарыхІгІаз ахІамач  
ЙтанакІид угвыгѣа рыцІарыцІа;  
Алаба йарыхІаз ахІамач —  
Йыдзид ащапІкъакѣажвдуква йрыцІа;

Апшагѣи гІахѣадзасид уара ухѣышв,  
Агѣырдыгѣи гІахѣынхІалыйд уара учІвыца;  
Абызаларыхѣванчгѣи шухѣышвт...  
Ай, йчхІа, йчхІа уара уачІвыдза!

Уымарашдза гІакІылкІкІгІахуашд уачІвы —  
Адунейгѣи аргвыргѣахуашд уа учІвы!

19.03.90.



«Момо, зынги сгъаѣахІльымызд аркъа,  
Йыгъсымыжвуазд. Зынла сгІалнарчуан:  
Схъамылуашта схъанацылуан аркъа,  
Сыгътампшуашта станаршшуан ачуан,

Пшвымата сигвыквнарысуан асас,  
Апшвыма дснарбуни сассасы, —  
Сабацахуаз, сыгІвза, сара йъасаз?!  
Иабадзцахуаз, сыгІвза, сара спсы?!

Счвыгъхун сара! Сщамакъхун! СахІмыкъхун!  
Йчквасызгун сдунейхвыщгы чІвгІвала!..  
СгІакІвзыршуз сгъагъарагы дыкъпсыкъхун,  
Санцахуазгы йшсмаухуаз са мгІвала...

Момо, саща, сара зынги йшсзымыжв!..  
Иаргы сакъвыщІхд! ЙгІашпсасыргъвгъвахд  
сымышв!..»

3.05.90.



АгІашІасырта сгылан, СлавтпхІакІгъи  
ДгІайын дгІагылд... Ах, ауи дшшдзаа!  
Анургъи гІакІкІад. ЙгІахІбжъагвыргъад  
цхІакІгъи —  
ХыгІыгвыкІ ракІвб ауи ацхІагъи гІахъызцІаз!..

Абараъа гвымкІ дгІаншад йздыруаз —  
Иажваквaгъи гІаджвыквылд йгІашвшын!  
Йыгъйымбузд — йабаъаз?! — сгвы  
йтыртыруаз!  
ДгІахІбжъахад — цхІашвыта дгІахІбжъашвын!..

Амш йцазгъи, йсыквуымцІан йсыквым —  
Сгвала зынгъи йгъчыкъмызд, йхІгІадзан!..  
АславтпхІагъи, — дъадзахІвачвуз  
сыгвым! —  
Тролейбусума закІы дщтІнахд йгІадзан...

Саргъи йшвасхІвид сазгІашыкъта дара:  
Агвымшвшвра сачврыхІид ауижътара!

14.06.90.



Сыквгылан акъышвхъара хазента...  
СпгІанаркІа, — йзымдыруа йамагІну, —  
Гвыгъала йзыршІыцыз са сфазенда  
АхІвараква йрыцтагІвуаз анур:

ЛыпкъчкІвынгъи тшалнаххъата  
ухънакъвалуа,  
ГІвмарашІакІ йгІадрыхІгауа лгвытшы,  
Дызбауа агъагъарагъи псы гІахъалуа,  
Тшацначшауа йпхынцІыгІвапшдзу лнапІы, —

АкІварчкІвынла йталырххуан ахІвыска,  
Дзаргванхуз акыбква тшцаквыркІуан...  
Ах, закІыта дхъгІантаз ауи апхІвыспа,  
Ах, закІыта дацчпантаз ашан!

ЙхІвапсаз сыла дгІацІалызма — дыдэхди?!..  
Ай, щардала йлайпхызлушзаб сыцІхгъи!..

26.08.90.



Йгыъахым бзибарагы насыпгы,  
Амшква йкъахвыз щарда цуата йцад,  
Ащымтахъа йглаунащтуаз апсыпгы  
НашхъвахъвакI — йглащыгIвылуа — йадзад.

Тшамлыкьта йглаухъыкIвгыъашид агвыгъа —  
Йгъахъашвум йайшысхаз уара укъврыкъъв,  
Щардахад йглауайбаныз агвыхъква,  
ИашвыгIвзид агъаба уа угванчрыкъъв...

УацIыхъвангы ахIвра йхIгIу уазыпшгIид,  
АргIына йауыругы щтIауцIид;  
Заджв йыхъазгы закIы тшазурыбжид,  
Амц удзид, ацIабырггы хъауцIид...

Уымарагы рыцIарыцIа йгIацIид,  
Уынасыпгы рыцIарыцIа йгIацIыйд.

8.09.90.



Агъны абжы тшарычвыгъуа-тшарыббуа  
ЙгІадкшалд съшв, йгІакІыдкшалд сара  
схъшв,

ЙахІвад асгъи сабата йарыббуа:  
«Ей! Сара быжкІышвхъакІгъи  
сшгІархъышвт!

УгІасырбцІыбта — уышсчпара цхІашвыта!  
Штшувымгайхра, ушзамхъвахра ухъагъи!  
Саннаугвыквсера — утдзаквлагъи  
сгІашвшвыта! —  
Гвабанышвта йшхъвалсхІвара ухъвади!

Йшусерыбылхра уахъчІва узквчІваз урымдза!  
Апша шнатсыруура уара ухІакв!  
Йшухъсраштылра уани уаби рымца!..  
ХІара хІакІвб зымч дуу, хІара хІакІвб!..»

АрбачкІвынгъи ачва йгІалшІтид цІагІвдза —  
ЙахІвауазшва: «Ей ачІвыхъыжв, тшагІвца!»

14.10.90.





Стдзы ъадзасчпуз — суысарагы тхъад:  
Исымзарарханыс, йсыквнамхныс сзамангы,  
Агвы йгІатыщІдзауата йатахъхад —  
ИсыкІныс сджяхІвагы йснапІыщІымшвтныс  
ссамангы!

ЩымтакІ йскъвыщІын йазцад ацІис  
йпсегІуз —  
ЩымтакІ йсызгІайхныс цІисашвата;  
ЙазцадІ алагвырчІвымыгъ акъагІара  
йашпсегІуз —  
Зны спяхъ йгІакІкІахныс  
лагвырчІвымыгъайшвата!

Ирызцад ауи йгІахъыччуз ахІвраквa —  
ИрыцгІагылхныс спяхъ кІапІиначкІвынта;  
Ирыларатд акыт агІахІвраквa —  
Зны стдзы гІанаркъахвхныс ахІакв  
йгІакІапахыз чгвынта!..

Иаргы сыздзыргІвид: йазысчшнд ауи тдзы —  
СнапІквa чвырцды, снапІквaгы тырцды!

27.10.90.



Данхыргялхд ужвыгы хIа хIахщакI,  
Тынчта йлхIраухд Анчва йлзалыйхыз  
лчIвылахъв,  
Ишвыд цхIашвыта ужвыгы хIара хIщакI,  
Аладзхъантагы йгIананаркъвыд хIылахъв.

АцIлаквагы йкIадыршвшун рбгыы  
Аладз апшта, тынчта, пшката, хъгIата;  
Апшавыц, датшазджьарала угъы,  
Датшазджьарала убаракъква гIанкъвга  
хIгIата...

Тынчын йаргы апсабара йпшказ,  
Йгвапан ауи йхийаз сабигвыта,  
Днанадасхуан агIвычIвгIвыс йпшдзаз,  
Йарымайрун йыгъазгы баргвыта...

ЗакI нсцIыта рнацIы сыквымхныс сугIа, —  
Тамамта йсхIвабта, йшстахъымыз ауи хIа.

29.10.90.



Ныха, йшкыгычІ арт абызква рфакърара!  
Руаура! Рмарарычъра! Рмызфара!  
Сату рчпиди раба йрызнижъыз акърарла?!  
Ах, йатахъдзани ршыккква хъырффара!

Къазма угІатыцІта угІайынцІкІъа  
Дарыкъвакт —  
Уафтобус тигІатазрышвыз ачвынцІы  
Пыльхаб! Иа — домбейхаб! Амч дарыхъваб!..  
Уаргы — уахъ! УахъщардакІ ачвынцІы!\*

ИгыачвнумцІыд — уйапшб йайшысхаз зымгІва,  
ИуызгІакІылсб айшараква зымгІва...  
(Дызда, саща, абараткга ззымхІва,  
Дызда, саща, арт ажвакка зымхІва?!)

Ствы акъвщд уахъчІва —  
абызбыжъгІвынчІвыра  
Сшнейуаз схъахъш... Ах, сара суачІвыра!..

29.10.90.

---

\* ) Уачвбсаза.



Бзиб, саща, убззарныс пшдзата,  
Гвыгъара гѳвната утыдэра:  
Игѳацѳбрыргыи уыуахъ пшадзата —  
Игъамам гвы зщарду ута дэра!

Бзиб, саща, уакъыль аквшвата  
Укъвшва ацхъвуцѳарныс атгѳачва:  
Убззара гвахъваб ашвата,  
Дуыгѳвзаб Йдуу Анчва.

Бзиб, саща, угѳапхъарныс уылахъ,  
Бзиб, йанудыруа упша ахв:  
Йыгъата учвщыраква уылагъь,  
Уыгѳвадахъ йыгъата ушахв.

Бзиб, саща, убззарныс тынчта,  
Айачѳвахвыцквашагы уджынджъта!

11.11.90.



СылгІва акІвымкІва закІгы йгырычещуам  
ажвІванд,  
Саргы мамырта амышкъвараква зблыйд.  
Иазшата йшхъа хІара хІдзынцІыхъва ажв  
гІван!  
АгІамта ашны ари ашцзара збалыйд.

АкІадзагы пхыта угвы хънакъалуа  
ИгІашІакІахд алагвырчІвымыгъква  
ршыргъац.

ГІвкъанджъажвкІгы —  
йадыхылуа-йадкъалуа —  
ИдзыргІвуа йахъшсгІнд йгІайачІвахаз  
агвадз.

Анахъ-анахъ — ашІапхараду уашІалта —  
КъвашмадзачкІвынкІ алгІвачІыхв арчид;  
Тшаквырцсашва ахІврашІа гІаршІалта —  
АмышвхъгІаду ауасахІвыча арчид...

ЗымгІва тынчракІ гІархІвид, зымгІва  
хъгІаракІ, —  
Рыла пхызта йыцІсызшва йахъаракІ.

16.11.90.



МачІмачІымца йгІайид агъынгы,  
МачІмачІымца афыгІквa гІанарыхІид.  
Абар ахъта йгІашІыхъыз уахъчІвагы  
АцІараква йылачвыз гІанарыхІид.

АшвцІ абыгъквa гъаунаштуам абан,  
Апшахъшвашва йацхъвмарид ахъхъа —  
хІва;

Мадзамадза агъны йгІайуа абан  
АбыхъвхІвыхІв йашІанарыхсхд агвхахІва.

АджьсажвпІа ашІапхарахъгІаква зкІыз  
Ахътара хабаргы йамбауата  
ЙшІрыкъашцгІа йгІаршІхъыччгІид  
хъашцла йхърыс, —  
Агъны убахб араъа йампІауата!..

Адзынблын тшызрыбагъуызгы  
шшІыщІ!..

Псейспадза йхІызгІайид гІамташІыц.

21.11.90.



*АрбзихагIвчабергьыльква Йуан МухIамади  
Айсан МухIамади йрыцауата*

«XI-МухIамадкава ракIвб сара сгIазхчущ...!  
ЙгIажвд ауат, швгIарыпхъа швгIаласхата...  
Дара цхабта, — йгыгъамта йджъаушущ, —  
ШбыркIынхал агIвыджьгъи швласахата...»

Хъвшыта йрымаб ахъешкьва зымгIава  
рыхъвш,

Зынгъи заджвгъи дызмайгIайуаш дгылта;  
Ауи рывнахнысгъи йчIвыхъыз пшагъи

шрыквпш,

Рхъышкьвагъи шарыкаца йхъвнакIылта, —

Даргъи швата шрыкькIла йшгIатымхъа,  
Йшдымрыдз рыхъвшгъи — дута

йдрыпшдээз загIа...

ЙшваскIвб ауи швазпшызтынгъи уахъа:

Ауи йахъызб, сайщча, гIвычIөгIвысагIа...»

Арса йхIвун ачымазагIв сзынйаз...

Саргъи сгIадыркIкIахуан амшква йцаз.

6.12.90.



Атобагы йаунащид хвага,  
ЙахIвид ауыгы адуней йшыкву,  
Ихвыщызтынгы йаму ахв ага —  
ЙышщанIу, йышкIу,  
йышхIу-йышхIыкву,

Амарагы хIгIата йшгIанакIуа,  
АмызхIащгы шгIаквнархIвмаруа  
хIгIата,  
ЙышазпхIампшуа ажвгIванд аракIва,  
АцкIыс дугы шыадзам уацIгIата!

Уачважвадза — йыдзхуанд аджIауап,  
ЙгIачванащум уара уажва йцIсызгы,  
АпхынпынцIа — йыквчIваб ауапIуапI,  
АгынпынцIа — йыквхIвмарб асы  
йсызгы...

Атобахвыц сывгылаб уахIчIва...  
АгвыгIвмыгIвра йасхIвб: ауахI учIва!

24.12.90.





Акъанджъаква гIашIалын чIваквайчIвата  
Идрылащцарад ацIлахIаракIы;  
Атобахвыцквa йтынчу рщaцIквa йчIвата  
Асипсаквa йрхIвид: «АхIгIара кIы!»

Иымшыркъвид асипсахвыцквa цкъата,  
Идрылашарид агIвычIвгIвыс йгвгIы!  
АжвгIвандхIгIагIы аптаквала\* йцIкъата  
Тшырхъанарпад цIгIвацIолагIы квгIы.

ХътаракI ыъаб. АгIамта гьсабырхым.  
Абыхъквa йгIаркIыллшвшвад апшаква.  
АгIыны амгIвагIы тшдрыхъгIауа йгъапырахым  
Адзыннурквa — апхарабжаквa...

Щта, гъынхад — йгIайын хIазымшщдзакIва...  
Абакъ йгIацIпшид йпхдзыхIваз абельдзагва.

26.12.90.

---

\*) А п т а — пстхIва.



ЛыкIасчкIвынгъи йгвыргъауа йылхършвт, —  
Хъара йлымгауата, лыхъвда йтата, —  
ДкIылпшуани афтобусхвыц ахъышв  
Зыла йсгвапхаз ауи апхIвыспатIатIа.

ЛчIваца, лпшыца йгIанахIвун зымгIва:  
«Ей, сгIагватс! Са йсаншу дгъуымбарыма?!  
СгIазымбазгъи, ныха, йшырзымгIва:  
ЙшайгIваджъхуаз уацIыхъван ргвы  
рымахъ!..»

Щабыргдзан ауыгъи — йхъауымцIуш  
Шаламыз щта схъалыйдта-сгIалбгIахид!  
Дгъаъамызд — ушпгIата! — лпы йнадзуш —  
Сгвы йахIвун ауаса, ужвжвы йзгIахид!..

Ай, барамш! БатагIакIкIахд уахъчIва —  
Йбрыгъажъд сапхъалагъи ахъчIва.

25.01.91.



АваркIоманква, — насып змам аугIа, —  
РшIахъаквагъи зальмагIакIла йыркъвчыта,  
ИгIарцыршIлауа агвымха, акъаугIа,  
ИазышшIауазшва йрымамыз ахъвчыда,

Змыла угвы йгIанадрыгуа аквыджьмачга,  
ЗакIы... закIы... закIзаджвыкI йазхъвыцуа,  
АжвакI гIаршIыцIыргъи — анцIра  
йамбаскIва джькIа,  
Издгылуа дыршвауа, йдыргвыргъяуа  
йгIазкъвыщIуа,

Ангъи абагъи ащагъи ахщагъи  
(РацкIыс датша йыгъахуда жьрата?!)  
МцкIыла йршшуа, рынамысщцагъи  
Аща гIабжьыхъуа йрхъадзгыла жьората —

Аурам йбжьаб (йырзухIвушIа аунхIа?!)  
АваркIоманква — пхашара змам аугIа!

12.03.91.



ИшГІамачвыс, йшГІакІылхысГІа,  
йшГІапшывы,  
Апшагы шГІахІылагыагы бахта,  
Бахта хІара йГІахІысыз хІшГІанаршвы —  
Зынла хІтанарышвызшва анбахта...

ГІвпстхІваквайЧІвакІ шажвхъпал-йшаквырщы,  
ДасузлакІгы штшапхъадзах ахІыла;  
АжвГІвандсГІагы алахъ аквырщы  
Амызчвада шхІызГІанаркІкІах агІыла...

Адрагы штшарыхъарах мачІмачІ,  
ХІаргван йшГІанамщти йхъантаз квакІгы;  
ШтшГІанарыцкых ажвГІванд ахІамач,  
Исейспадза йшГІаныкъвах угІаквакІгы...

Ауи йапщдаб сбзаара саргы:  
Сымгвыгъумца — йсаухид са заргы!

2.05.91.



БзазагакІгъи сьмамкІва спгІанха...  
СуысагІвб схІвун, агІвырагІацІштра  
сайгвгъун, —  
Ма, йабоу! — азаман гІасайгвауан,  
Сьмарагъи йгвыргъауа йшгІамиха:

Анасып йгІасзыпшгІузгъи шгІамдза.  
СъацалакІгъи тшгІаспшІадрьшвуан амцква,  
АщтанчІвыта сьмгІва йгІаквкшун амцаква —  
СьтшгІва шамыршышуаз датшамца.

ЙгІамачвысуан — гвыхъта спны йгІадзун,  
ЙгІасуан агъ — йгІасыквпІлун сара хъыхъта,  
Счхъа йгІахъамлыз — аугІа йрпхъадзун  
йхъыхътата,  
Спслачваква ртарала — амшІбгІаква дэцун...

Анчва сйайгвгъид — дшыгъуги хъасцІид,  
Саргъи сгъчІвам — сашІамсуа  
снькъввид-сцид.

6.07.91



Угвы тшарбціуа ажвахъвахъва угІарыквын —  
Йъатахъымла йдумырган уыр хъвыц,  
Чгвымта уара йгІаупшуагъи  
тшдумрыкІвкІвын —  
«Радгъылхъапщгъи» рытта ауахъ уыркъвыщІ!

Э цах упны, укыт уталх хайырта —  
Уани уаби рчІвылахъвпщза ъану,  
Уа усабихъа агвыргъяраква рйырта,  
Уара учкІвынхъа агвыгъяраква рнур;

Уан дъауыпхъуз уыхъыз хъгІата йлхІвата,  
АтгІачвайыба йъашвыржвыуаз зкыр,  
Уахщагъи лнапІпшкала ухъабчва лхІвата  
Псартла йъалырхвыщуаз уыбракІыр...

ЙумыркІасан, уаздзыргІвы угвы йхътІу...  
Ах, зъарайа угІващараква, ЧквтІу?!..

6.07.91.





АлокIквa зГIвид, — шцдзaб рдзыхъ ануыжвуа,  
ЭыршIакIы уаныргауа ухъаптшы:  
Луысара уантшыжвнацIауа ууышвуа,  
Апрозара уантшыжвнаххуа атшы!

Упвы данГIашылуа нажГIвыршIыдза —  
УыгвлатажвкI йГIалыркъацазшва уышв!  
Айвыжвгъи йанйаухIвуа угвашвхъа дшIыцIа:  
«Ай атIашвду, йахъъасхIвазла ууышв!..»

АжьачкIын гIауачважвауа йанГIайуа,  
Мцагара ЙачIваджьргIа уанцауа,  
Аткъваквa йГIапкIызгъи уанрайГIайуа,  
Амадзаквa урыла уандзауа!..

УахъчIва сара шцдзата срылаб хIлокIквa —  
ЙГIамыздидта хпсыхIвакI йырту хI-Локтквa!

6.12.91.





ТракторкІ бжъыд йгІахъанапсалуа сы,  
АурамшкІвокІва йбжъанархъвмаруа  
срычвхІва.

Адгъыл йашвыб йшкІвокІвасышу асы;  
Абна йтынчу псейспа йгІахІвид:  
«Срычв», — хІва.

Ахвыцхвыцква цахиди рпынква,  
Апхъартагъи рыцтахъшид хъарала;  
ЙгІакІаначвид хъгІата гІапынква  
КъанджъалтдзаквкІгъи — тшгІазырпхаз  
марала.

АжвгІвандчІыхвла ухъапшылта — гІапыны!..  
ГъыншкІвокІвасыш — адгъылла  
уцгІапшыхта!..  
АуекІвб уахъчІва йшыгъу хІара хІпны!..  
ИхъомцІузтынгъи — тшгІатанарга пшыхта!..

АхІахъв йыцІпссгІахд йылачвыз атІы..  
Агъынчыльажв ала шгІахънатІы!

18.01.92.





Дашшуан хъацІакІ — згІвра йнейхъаз бзита:  
«Ныха схІваб абзазара хІшажвы!  
Цгвыжвта хІгІанашыгІапш-хІгІашІарбзидта —  
ТшцІахІыртшыхид! Уасхта хІшша жвы!

ФачІвы гыгъам. Зышла йыдэд ачгІвыча,  
КъьатІамазхад йылачвыз аурам.  
АрыцхІаква ныкъвид хІвычахІвыча.  
ХІымш гымшыхым, хІыцІх гыганым-гъурам...

СабихІваща йсхІвидта: баъбаъ пада! —  
ХІайщчва рчІвыла йсхІвахидта: кІлапад!  
ХІбзазауазшва хІыгъаб пхІада-пада —  
АрыцхІари амыгІвари ацкІлапад!..»

ЛыгажвдзакІ дгІайыдгылд: «Ччахъва,  
йууайа?  
ХъацІадуки — йара узымпхащауайа?!»

1.03.92.



АгІапынпша сгвыргъауа сарпшид —  
Ауи йгъснатхуам гыларта йа чІварта!  
Уахъа пычІвта спшуазшвагъи сарпшид  
Сгвы йацрийу хІымараташварта.

Ах, йабадзахъвлапынхъапшдзадзу! —  
Сбзаянда ухІвид са зынги сымпсуата!..  
Дсаухырмишд гІвза уара уапш Дзадзу, —  
Сыквылхрын мгІва са закІги сампшуата!..

ИгІанаршІыхид ахъелапынхъа йцаз,  
МараташвартахъгІакІта ужвыги йагІвсыз  
Убзазара апны йачІвахвыцта йдзаз,  
Зынги гІапынпшата ауи йагІвзаз...

АгІапынпша!.. Ей амгІвахъара,  
КІаран уамыздушмишд сызхъара?!

11.03.92.



Апшдзара ахъаз пшдзата хІгвашь тІыб хІа,  
Йгъымгъым — хІврапшдзаб йгІазыркІкІаз  
хІпсабара!..

Йсымаби ауепш саргъи гвтыбгІа —  
Йызташвуш хІугІа йрызхъуш бзибара!

АбазакІгъи дгъйыджІылам агъыч!  
Дгъычызтын — йдыр: ауи дгъабазам!  
СгъгІващум! Сымш йахыхан-йшахыджъ  
Саща йнурква — са сыхъазла йпасам!

СпгІарылцІ саргъи йгвыцкъу аугІахъа —  
Зынгъи заджвгъи йззимхІваз: «Тшваб, ай,  
рышта!..»  
ХІытшгІва йгІатшыгІвкІкІахд ауи уахъа, —  
Ауи уахъа йатасхІвахид айрышта!..

СымгІва сыквгылд. Амара сазцид...  
ХІугІа ражва шдухушгъи хъасцІид!

25.03.92.



ХІбзазара апны йнымшауайа схІвид уыста!  
Ачвгъагъи шыгу, — зинала йауыз!  
Уышщдза дйызцазтын заджвы уара дуыгІвста  
Йыгъбергъыльдзамзаб йгІаздахІвыз ауыс...

ЙтыщІб ачІащыгІвара щымтахъапстІата,  
Лдзыхъгъи хъващхабта — лхъазы дгІахъахаб...  
Уара угІалгвалашеахб лымш апсы тата,  
Уара уызхъвыщрагъи лыщІх йахъахаб!

ДгІайхуазтын уаргван лапхъалагъи дпшыта —  
Дуышщдзан апхъалагъи! — лыщхъала ухъыск!  
(ФиннуарадхвыцкІ са сгвы зхвгІаз  
йашІырпшыта  
Ажвазва сымхъахІвад — топлагъи ухыск!)

Сгвыгъади, сгвышхвади — агІапын гІайын,  
Апщдзари апшкари гІайд йгІасайгІайын!

31.03.92.



Анчва дхІызгІайхд. ДгІахъынхІвыхд Анчва.  
ХІаргъя хІйыдгылхд — дхІылахымкІва нчвада.  
Амаджъанра йыъаз агвы анчІва —  
Йыдзхд шитанта!.. КІкІаххІалъаль зчвада

ХІа дхІыуата ауат асквшква збаз?!  
Ахъахъыла хІхъампшылуата хІбзасун.  
ЦыдзамакІран хІа хІуатыкв абаз.  
ХІхъвыщраква йуымдырхуата йхІырзасун.

Йгыъгахмызди хІымш анны Нчватдзы —  
Мыцтдзын хІара йхІымазгъи Нчватдзыта.  
ХІыщхъаква йгІаргвыщІкъуыз хІара хІдзы  
ХІгвашвла йагІвкъуыз хІгвара эшвахуаш  
дзыта...

Анчва хІгъйымшвйысызд.

ДхІызыгІахъынхІвыхд Анчва...

ХІыгІамта хайырхушзаб сынчІва!

5.04.92.



Схъышв апахъ — аурам аныла ухъыста —  
ИкІыдхІвалабта хІыгвлачваквара  
КвпІимцыражвчкІвынкІ арблыгъид:

йкъызкъызта

КІара антаз агахузаби гвла.

Иджъанащид алачкІвын: арса йшпаца?!  
Иазнани йбылкъабылкъуыз фачІвы?!  
Ужвы абар — йшырпххауапш абаца! —  
Итырбзакъащвцаб, йылаб ахІвынчІвы!..

...Снейуамцара схъвыцтраквкІ амлыкъид —  
ИГІанакІидта йкъятІамазу ахІа:  
ХІымшмцыраквагъи лакІ йарблыгъид  
Иамбауа квпІимцыражвчкІвынкІ ахІа!..

Цда гъдыршыхуам, йгъыгъахыми къдзыра...  
Алахвыц йарблыгъид аквпІимцыра.

5.04.92.





Архъагвы йгІакъагІад акаштанква, —  
Згвы йгІанагда араъа йлазціаныс?!  
Йныкъвид ауат рыціахъ акъваштанаква —  
ХІврачкІвынквакІ гІараута йлардзаныс!

Йгылан рхъатыдэшкІвокІвачкІвынкІ апхъала  
Араъапны — йахъызта рхъастан.  
Ауесхъан, саща, «Аджымса апхъа — ала»  
АнырхІвуз азамангвауа хІтан.

Уаціхъвангъи гвлашарадзакІ дгІаншади —  
Артацілаква хІпны ймачІыз лазціарыз!..  
Абар уахъчІза — йшаркІкІади, хІгІата йшади  
АкІвар апны, — щарда, щарда нызцірыз!..

Дгыгъахым ауат лазціаз ахъаціа...  
Зынгъи йымдзуа апшдзара йазхъаціа!

24.05.92.



Псейспа снейид архъамгѣва стагыла.  
Цѣскавакѣ хъвмарид къахвта. Гѣвба йнадзид.  
Иджъасщауа сырпшид ауат сада гыла:  
Ацѣскѣ ацѣскѣ хъгѣакѣ ашѣанацѣид!

Йашѣанацѣид йашѣагъвычѣгъвычѣуа пшката,  
Гвыргъабыжькѣ ашвата йкѣанаргѣвгѣуа.  
Ахъгѣарагъи ахъырызна апш йркѣкѣлата  
Псы рхъанацѣушд йаргвану зымгѣва:

Ахѣврапшдзаква рыцѣагъи йгѣагвыргъушд,  
Ахѣврапшкаква йгвыргъауа йгѣайуашд,  
Атѣупквагъи йгѣвахѣвауа йгѣагвыгъушд,  
Ажвумпквагъи йхѣвапсауа йауашд...

Сшнейуамцара арса схѣвид сгваташва:  
«Анчва йныхѣвад Абзазара Ашва!»

3.06.92.



Араъа зны кыт ыъан, угІа бзасун,  
Амшгъи ахъазигъгІамиуазд ахакв.  
АгІащынгъи йгвыргъауа тшарпасун,  
Адзынгъи йаркъахвуан ауашвагв.

АтшыгІвкІышвква гІацІшвтуан анларыла,  
Акъвабызгъи быжьхъатакІла йгун,  
Иатахъыз азабун аугІа рыла,  
АугІа рхъышвгъи йшатахъыз йкІкІун.

РахІба дрыма, райцІбагъи дырдыруа,  
Заджвы йпахъгъи йнадмыркъвуата рхъа.  
Йбзасун акыт йымшвауа-ймтыртыруа,  
Йрымата чвахырта, хІвырта, рхъа...

Кыт гыгъахым. Мыгъйыртахад гъагъата...  
АшІытІ йгІацІшвтд йжъагацаз агъата.

16.08.92.



Уайгвыргъяс адзычкІвын йгІакІажжыз —  
ШкІвокІвасышта йгІацІкъяз абыхъвчІвыца,  
НхагІвамайчта зыщтрачкІвынгыи зжыз,  
Иылапаз йгІашІыхаз абначвыцІа!

Уайгвыргъяс ацІисчкІвын йгІахІвачваз —  
Абна нурта йылазпсаз згъвычІгъвычІра, —  
Угвы апынгыи агвыжкІра ахІва йчваз,  
Иызтахъыз уа уышщдзараква згъычра!

Уайгвыргъяс агвыгъара узырчвыз,  
Уылашара наузырбаз хъарала,  
Ачкъъарагыи, — уа йацы узырчІвыз! —  
ДзынбыгъыгІважъта йзрыдзуа мшыркъварала!..

Абна сылаб, — йахъызб: *АлбыргІан...*  
(ИзачІвгъирифмабзийа: *йгІалбыргІан?!)*

9.09.92.



Иакъвыжвжвата йхъылапсаб асомква...

Ахча, саща, йгъамахым хвткъвым...

Ельцин, Ельцин, йухІваквуау гІасомхІвкІва —

Иахъумгума хІызгауа ари акъвым?!

Ахква зымгІва йрылахІади швныла!

КІапІикІахвыцкІ йапсамыз асарныкъ

СомкІхад! ХсомкІхад!.. Йшпыъущд швара

швныла?

ХІа хІшны уазцІгІаб — уыквшваб азаргъныгы!

Йнейпхъадзагы — йайчвахид, йгъагъьхум.

Йгвжвейыз аугІа цІисгІвара йтащщид.

ЙгІахІылагъагъаз бзазара — хІва йгъапхъум, —

Абыхъв напІы ахъымсуата йгІащщид...

ХІабацауа? ХІахъпацауа? ХІызхІвада?!

КІаразын хІанйушмищд хІымшэгІвада?!

23.11.92.



Абна сГалалд... Асы йандзу штата!..  
Ари, Анчва йдырбта, квыджьмащтаб...  
ЗакІгьи араъа йнатакІврьд йщГата...  
ЦЛащанІхъсакІгьи цЛащанІыкІ йщГаб...

АкІармаъарамаква йГІанхазгьи  
Мыхвкъапщыта йахъвдаб акІарма..  
АхІаду — ашЫтІра апны йзхъазхазгьи —  
ИгъазахІвахуам: «Иуыстид кІара, ма!..»

Арасаква закІзакІы йлагылаб —  
Йладрысызшва асипса закІзакІы...  
АшІапхарабхъвкІынХІарагьи йкІылаб  
ЦІисума, швырхвыщума закІы...

АбнауацІа йыъадзугьи сыта!..  
Абна байаб, — сныкъвид йсхъазыта.

11.02.93.



Акъанджъахъатоп ацІла йшгІахъачІва,  
Акъанджъахъатоп афачІвы йшазыпшгІа!  
Акъанджъахъатоп шгвыжвкІ-йшгІахъачІва:  
ЙшійымхІва заджвгъи: «Йшуыст, сара  
штшазсрыбжа...»

Ауи йхІвата йышгІакІайымрышв  
ЙушІаукІуаш, зынла узымцІасуаш  
хъгІаракІ!..  
Ныха скІваб йгІалумырцрыквын рышв! —  
Йгърымдырума хъатоп шчгаз йахъаракІ?!

Дара ачІвыйа?! Нехабар дара! —  
Рымгва йазнапІ, йатшпыб ахІакв апххъа!..  
Ай, ауат стагыланда ртара —  
Агваны йпсегІауа шсырчарыз апхъапхъа!..

Акъанджъахъатоп чІвад-йчІван йпсегІахд,  
АсрычвхІва апны — абыжъгъи гъзымгІахд.

11.02.93.

*АсуратчагІв Агача МухІамад йызцауата*

ХІынасышгъи гъадхІвалам ачІвыла!  
Угвы уымрыдзын — дьгъаркІваб Анчва!  
Урышв йхІваща: хІыгърымчпад мачвыла!  
ХъвыкІгъи хІыквшваб — дара рымгва анчвра!

Агъынгъи — тшарауыздхІва — цІхъва айауид:  
ЗакІгъи гъыквым адуней цІхъва змам!  
ЙырхІвахъади щта: йпшгІауа — йгІайауид?!  
УпшгІа-уазыпшгІа — йгІау, саща, цІгІва  
зціам!

Тшаумырган абзазара йгІапшыхвым,  
Анасыш йгІаршІыхам тшаумырган!  
Ауат зымгІва хІынчвагІвчІвецкІ йшрыхвым —  
ХІыцІхауква ршны йыхІхІвалаб аган!..

Уари сари йхІапшума згвы зрыдзуаш?! —  
ХІара хІрыуаб Анчва йгара зрыцІсуаш!

18.02.93.





Идыр, агвымха дуыпчагІвханыс гвымхаб:  
Уахъайдаб йгІамшыхас акъазмых!  
ДъауазлакІгъи — АлбыргІанхаб, Гвымхаб:  
Заджв дгІарыхъвла, уцата гІвыджъ амых!

Асы йгІакІапшваз рыквайчІва, уазчважва,  
ЧІвгІванла уапшІагыл агІапыншыхъ!  
Кытта йыгъу зымгІвагъи йрайчвазшва —  
Укыт рджях, лацІыхъвала уапшых!..

Гвымха йаргван йумган, саща, ууатра:  
Дйапшб агвымха напа змам агъыч,  
Йтазлаб уара ухаки акъазауатра —  
Йухъирапштылб уара ухар, ухыджъ!..

Иа сынчвата Йдуу, угІахІаквымха:  
Хъара дхІчвыргыл хъара зму агвымха!

9.03.93.



АгІвычІвгІвыс. Абзазара йгІашІыхаз.  
Анасыш. Агвыргъара йгІакІкІаз.  
АгІапын. Агвышхвара йгІапшыхвыз.  
Абыжъква — йакврыдзцата йгІагаз.

АгІамта. АцІараква йгъвычІгъвычІыз.  
Абнаква. Гъагъата йгІахІвачваз.  
АкъагІамта. Ачвараква згъычыз.  
Абыхъква. АшІыхара зынчваз.

Ащхъаква. Агвыгъараква зпщылаз.  
Ащтаква. АзхъацІараква зквыз.  
Ашваква. АхъацІараква збжъылаз.  
АмгІваква. Аныкъвараква згвыз...

Анасыш. Агвыргъара йгІаскІъаз.  
Анамыс. Агвыгъара йгІапскІъаз.

11.04.93.



**Хыбызшва — сара сзымрычвуа схвырта,  
Хяжваква — сара сызшызтуа сца...  
О агІамта! Спахь угІатгылгІа фырта —  
Саргы асабихвыцкѣва рапшта сжъа:**

**ЙгІасакІв уара — хыбызшва йнымшаскІва  
Йшдухуш, штшауацІнахуаш, йшшцІзахуш,  
Сызшшуа атшыгІвгы — щымтадзата,  
ймшаскІва  
Амца йшІрыкжъа сара сгвашв дшгІадзуш,**

**ЙышгІасайхІвуаш рахІа йхабарбзийу:  
«Хыбызшвагы агІапын шгІадза,  
Ауи йшачІву хІкъагІара йацІхъийу,  
Хяжваква штшгІархІвынчІауа мшигІадза!...»**

**Йыгъсхъадзушым сара ауи жьарата, —  
Йаншуарачвгъу йгІасхъадзгыллушд жьората!**

15.04.93.



СуысагІвума? СуысагІвызшва счпаб!  
Ауаса — сгьацшам ахырзаман йгІайыз!..  
Арса скІвид: «СгІачІвабтагы сджьабаб, —  
УшпапшІагыла агІамта йайгІайыз?!»

СбагІвча ауацІагІвахын сыдзхъа йщІаб!  
Сажвагы йунахІвб уара йгІачыбта:  
Асатырква йазната схъа йтаб,  
Ауаса — мцыраб йсыму зымгІва джьыпта!..

СгІаткІваквагы сстольквашагы жвагваб,  
Ауаса — ауат йгырылагвщам тичІвыкІгы:  
Йызтахъудищд асатырква ргвап?!\* —  
Заджвгы йгытахъымызд зынзаджвыкІгы!..

КІоммерция, бизнес, кІоммерсант...  
Апщзараква згуш ахырзаман.

22.04.93.

---

\* Г в а п — йажвыз абазажваб: ромашка.



Ахантыдзка дьргылыйд анларыла  
Актоммерсантквa, абизнесменгIалчквa...  
Ухъагъи убахид — урыцахъуазшва урыла:  
ТыкIва, МыкIва, Дер, Платонов, Чквa!

Ауаса хIшны агIвгIвы арыцIагIа шъыцIа:  
АйхIара дшазышнгIауа йуахъхъас,  
Йышйымдырхуа «йуандыр ангIаквсыз  
йыцIа»,  
Йышихъаштылх «йыжвгъамыда анхъаз!..»

Уымшван, ЧквIу! ИгъгIанхIыршарым  
ссайырта,  
ИгъагхIырхарым хIбзазара гIапны:  
Ахантыдзка хIа йхIыргылб сайырта  
ХIуысара йгIачвыцIлашаз апны!..

Абзазара йгIанахIвахб хIызпсазгъв:  
АугIа рчIвы щтIызхызгъи аугIа рчIвы  
кIазпсазгъи.

18.05.93.



ИыхІшвымрркІасан ацІабырг азхъвыщра,  
ИыхІшвмыррпасан амц ахІвара;  
ИхІылхІшвмырршан агІвычІвгІвысагІа  
азкъвыцІра,  
Ачвалатшычпара зпщылу ахІвхІвара.

ХІугІахъазтын — хІшвырбзаза угІахъата:  
ИыхІшвмыррыдзын Анчва йхІитыз Апха...  
Ачвгъа апхъала дуцтима угІатхъата —  
Абарауесхъан быжьчІвылакІ шупха!

ХІшвмырршын лахъвахъвала бызшвакІгъи,  
ИыхІшвмыррытшван хІдунейгъи йтыбгІу.  
ИыхІшвмыррпудын хІзыршІыхуш  
ашвакІгъи, —  
ИыхІхъхІшвмырраштылын, сайщчва, хІшугІу!..

Насып йымаб йыззыбауа зшахвгъи,  
ЗдухІа адкІыс йцтІызымхуа зшша ахвгъи.

18.07.93.



Игъудырдушым этшларджь гIарылкъъаз  
уымш

ИгIадахIвуаш: барамшгъи съабынIуш,  
Гвыгъа зщарду хIбзазара йауым  
Бара бнурква йыдзыз гъаIанаркIкIуш!

Апсабара йамаби къару  
Анчва йгIайтын, — марахъаб, гIапныб!  
Йшшаудырра щта йаргвану, йхъару, —  
Анасышгъи гъадзагIайуа зныб!

ИгIадIнапыб, йгIачвыщIкIкIаб, йгIалашаб,  
ИгIабадзауб, йгIашIыхаб, йгIабзагылб,  
Амцаквагъи дута йгIалашваб,  
АтшгIваквагъи ахътаква хъвыркIылб...

Баргъи саргъи атурыхква хIхIаб,  
АхIгIарагъи хIрыхIгIауа хIнахIвхIаб!

25.10.93.



Саца, саца, щардагІвы йртахъб —  
Уларджъ йшнейуа-йшнейуамца  
йшыквхъысныс,  
ЙгІацІкІязызыныс уара уцІисгъи рхъыб,  
Уара укврысгъи ртшыщтала йахъысныс...

Йджъауымщан! Дызмамда щта  
джъагІвагІв?! —  
ДжъагІвагІв дгъйымам асаби кІкІа йацу!..  
АнахъгъычІв — уынха-уынцІы, уча-ухІвахІв!  
ЦкІлапш дуауашд, — зыхІат йагу-йацу!..

Анчва йгъйыымтд уара йшуитыз апи —  
ДгІауыцкІлапшуашд, дгІауыцкІласуашд  
мадзата!..

Адныхчылра рыцІарадуб швабыж:  
АгІвычІвгІвыс дарыгІапкІнд ладзата!..

Сара — суызгылыйд абараса схІвидта:  
Уара — убзаза! Дута, пшдзата, хвитта!

2.11.93.





ПхIвыспачкIвынкI сылбанда сара бзи, —  
ДсыллсгIауа, слымбакIвагъи дамуата,  
ДъанызлакIгъи срыллымхуа лгви-лпси,  
АгIамта йхIбжъахъвмаруагъи дамкIуата!

Суусаквагъи лгвацIгIва йнадзауа,  
Сажваквагъи лъхъыркIуа майрата,  
СбыжъгIваца лгIарыгъи — лгвы хъдзауа,  
Сыхъызгъи ла лыхъазла ймарата!

Лашваквагъи йрылата суарад,  
Лажваквагъи йрылымцIуа смакъымкIва,  
Пхызлагъи йгIалдыруа са смурад,  
Стжъвымгъи рагъьта йыгъу зымгIва  
аткъвымкIва!..

Саргъи — йасырхIвид сыгвкъьатIамаз:  
Ансиуахъ йылзысшарын намаз!

10.11.93.



Анчва йситыз сара йнспіра стахъѳ  
Къахвта, пшдзата — снамдзауата сыбла!..  
Арса схівагъи ауашын: ста хъѳ,  
Абазара, рахІа йхІгІу насышла!

ГІвычІвГІвысчкІвын сгъицнымхчылд са  
зынгъи!  
Сгвы гІауыргъгъарыквын — сгвы йгІатчвауа.  
анурква  
УгІадырлашѳб уымсакъырквын уаргъи!..  
ЙрызсырхІун абазаракъаруква.

ИгІасынхазшва збид ауи сара  
Ибаргвыз ссабихъала, сысквшквала  
ймайрамыз.  
АчІвийа, саца, ажвла акІапсара?! —  
АтшыгІвра адІагахра акІвб йызпщылу  
амарамыз...

Уазыразхаб, саца, Анчва йшикъыз,—  
Йгъйымбасд гІвычІвГІвыс базаракъызкъыз!

23.11.93.



Штшдыртшхъвауа тшдыртшхъвид  
акІандидатква —  
Адуней гІатадырчІвата рхІвид дара!  
ХЫла йгІацІайырКІкІнд дасузлакІгын  
«йъадатква»,  
Ичва дтыщІнд, дгътагылахым йтара!..

Аджв йхІвид: «Сара швара швсырбзасушд  
Анаса, араса, арахъараса, — йжвпІаб!..»  
Аджв йхІвид: «Сара швара швсыръзасушд  
Анаса, араса, арахъараса, — йжвбаб!..»

Аджв йхІвидта: «Швылпха сауд анцІарала!  
Бзи швызбушд!.. УахъчІвала — бзи сыжвба!..»  
Аджв йхІвидта: «Сыхъыз анцІарала  
Шба шванкъвакъв — йазачхІаб  
ашвъабыгъъжвпІа!..»

Йыгъабшд арыбаквакІ: йгІакІылаххта  
ашв йтІу —  
ЗакІ рфарныс ахъаз! — мцкІыла  
йшІтуата, ЧквтІу?!..

4.12.93.



ПсимлахІ-йалахІ, йхІыквырша хайырла!  
ЙалахІ, адунейгы хІгвы анырчвІа!  
ХІаргы хІхча агІвы йызкву пха йырла!  
АгІарчв гІа, ауепшта анырчв гІа!

ХІайщчвакгагы рынасып хѣахычІвта  
АчвгѣахагІв йгвымха йарайгІай,  
Агыгмыгражв агвы йтугы пхычвта —  
ХѣвшвамгІанурта хІа хІ-Апсны уазгІай!

ПсимлахІ-йалахІ, апшдзараква хІзыхча,  
Алащдара йащдтих йхѣвахѣву!  
Абзи йтахѣу — дайгвыргѣахуа йзыха!  
Йырджѣу рджѣзд, йыртшхѣвазд, сынчва,  
йыртшхѣву!

АугІа йрыхѣвдых ахѣантара, апсынчра!..  
УыцІхква бзихад, адуней атынчра!

5.12.93.



Сбызнейызшва, сбаргванхазшва йббад —  
Мышкы ауаса сгацалд бара была,  
Баргьи бнагІвгІагІвд, баргьи йхъабцІадзад, —  
Была йыцІкІазаз бкыхызшва бнапыла!

ЙгІахІалъабальыкъхад бара бгвгья,  
ЙбымхІвуш бнархІвад, барцад бара  
бъамцушыз,  
Бкъвыта ба бапшІахд ауысбаргвгья,  
Агвы йбчвгІаквылд бгвацІгІва апны  
йбдзушыз!..

БымгвыргІван, спсы йапшу, бымгвыргІван!  
Сара йбасхІвди ауи йаму хъвшвыта:  
Бысзымхъвыцын, сыхъызгьи бымхІван! —  
Была сыцІцІхуашд саргьи пшата сшвшвыта!..

Тыячта Анчва бйырбзазад! Са йгъстахъым  
ЙцІзыуа йгарныс бымшшІаква рмакъым.

11.12.93.



Дынкъвшвцид ауысагІв — йнашвахвын  
закІзакІчІвгІван,  
АджьагІвагІвчва, ацныхчылыгІвчва-амайччва!  
Шва швбызкІлыйтІра йшахъзугы  
зынчІехІван —  
Швгъгылуам-швгъчІвум, йгъагІшвырбум  
амгІвайсчва!

Иара — Анчва йгІайыйтыз ахачІвква  
ДрылачІвабта дрылахъынхІвуа дрылаб!..  
Шва йшвызгІанижъд альакъвымква,  
ахырчІвква, —  
ХІайда, йшвырхвды, швхъа йхъантахазгы  
дрыласб!..

Иандатшу абзазара ачІвырхъа —  
Аца йнапІы тасид аца зцамгы..  
Хъа зхъам — сшвыхІвид — йахъашвымцІан  
хъа,  
ЩапІы ацІашвымцІан — сшвыхІвид —  
щапІы зцІамгы.

АуысагІвгы дгІаташвырха йтара..  
Абари нашвасхІвуашын сара.

21.12.93.



Кълыч Рауфгъи дгъыгъахым... ДжъахІвала  
ЙгІадыргъвгъвата зышла йгІасшва схъа,  
Сыбгъа аурала йгІадзарблызшва ахІвала —  
Ахабархъшвашва сыквнарышвд зквхъа...

Уабагвжважвах?! ХІымгІвакввагъи мшхани?!  
ЙгІахъынхІвхъани хІымшкввагъи хІара?!  
ЙгІахІбжъагылыз абыхъкввагъи мцхани —  
ХІагвтасхъани агІвыджъгъи агІархІара?!

Уабагвжважвах?! Ах, йсзуха ачІвыйа?!  
Гвыгъадъа йатагІанужъхди стыдзра?!  
Анчва хІа хІыздххылуаш дыззаджвыйа?!  
ИзсыргІауада ари сгвы ацІырра?!

ЗымгІва схъаштылхын — йсхъазыта счІваб  
СынбжъагІв йсин адзхъа... Ауи —  
уахъчІваб...

25.12.93.



Дара, дара йгІабыркІышвид хъгІата  
Йбыму зымгІвагы: пахъгы штахъгы!  
Иаргы йббахъад саргы сгІабхъахІата —  
Сшабгу зымгІва, йшсыму хъгы пхагы!

СъачІву бсыгІвсид — зны газетчкІвынкІ быма,  
Датшазынгы — йбыджІыла кІасыкІ,  
Йбыщгъагыд бъахвтангы: абарфыма  
БыздзыргІвид! ЙбакІвб бара ласыкІ!

Зъараны бгІахъалйа ари аквгыла,  
БкІнылхйа ари аквгыла зъараны!..  
Саргы сгъІахъвым — ахІатшкІныхІа  
скІыла!  
Йа — сгъкъвардам: суандырчкІвын кІара аны

Снабпыл тшысчауа!.. СгІагылыйд — сбзата,  
Абзибаранурквала сырбзата!

28.12.93. Грозный къала.





Сгвы хІахъвхан сгызчІвыуам... сгвы  
хІахъвхан...

РахІа йхІтахъдзаз агІвычІвгІвыспшдза  
дхІЫлцІид...

РахІа йчвгъу апхыцІагъи хІахъвхан —  
ХІхакв йамбасыз гъынпшачІвыхъта  
йхІЫлсид...

СызчІвузарквын — сгвы гъагІвымкъарызд!..  
СызчІвузарквын — уахъчІва йыцІсштуа  
сыладз

Ари хІ-ЙынджыгъкІвар гъазымхъарызд!..  
Ауаса — сыладз-агвынкъра са йсылазд:

АнбжъагІвпшдза йызхъвыщра тнарчвгІауа,  
Йымдзуаш агІвычІвгІвысера нанадасуа:  
ИгІымбауата дадагъи дчвхІауа,  
ИгІымгІауата къвабыз нана дасуа...

УахъчІва дхІЫлцІид агІвычІвгІвыс йпшдзаз,  
Зуысквала афигІымбар йапшдзаз.

29.12.93.



АуысагІвгъи зымгІва рапш дгІвычІвгІвысб  
ЗакІзаджыкІ акІвб йызларашым йагІа:  
Адунейуысква ауи рыцІа йуысб,  
АдунейхыгІаква ауи рыцІа йхыгІаб.

Йымш апны ага гыъам, ага джыквб,  
ИгъмачІымзаби, — зымгІва рапшта, —  
йгІвысква,  
Ауаса йылу мчымхъаразаджыкІб:  
Абазара апшдзара — апхІвысква!

Дгъаъам ауи дхъвацІачІыгвта, ддагвта,  
АмгІвакв дырзышгІауа йласу... —  
АуекІвб йаргъи йгвы быжъхвыртакІ аквта  
Дызбзазауа ауысагІв йызхъазу...

Саргъи абарат ажвакв спвырхІва:  
СшвыхІвид — йхъазыра йызшвыргІва!

*18.12.93. Грозный къала.*



«АцІабырг йацб: агІвычІвгІвысгвымха  
дгъычид,  
АгІвычІвгІвысбзи йчвгъычид — ацІабырг  
йацб;  
Азаджв — заджв йыхахъаква йхыджьид,  
Азаджв — заджв йхъшвашварачІвыхъ дадзб.

Игъычуа — аща дылагылаб йхъадза  
(ИбаздхІва — ахъапщ гІадзашвагъи  
йкъыркъы!)...

Уара, саща, ари йсхІвауа йазхъацІа —  
ЙазхъацІата уымш амгІваква йпдыркъы:

Анчва уачвихчад заджвы йчІвы уахъысныс,  
АргвангІваца унейныс заджвы йпхдзы!  
ЗакІ гъазхІвам уцІейква рпныла йхысныс,  
Щатагъи йгІагІвначІварныс утдзы!..»

Арса йхІвуни сыздэхъачІваз алыгажв —  
УахъчІва йхІчвыдзхуа анамыс алыг ажв.

1.01.94.



ЗакІзаджвыкІб йсымаху гвыргІвата:  
Этшын йсхІваджьхуа йалагІвгІвыз сдуней —  
ЙкЫладзхуашд йрмаухуата гвыр гІвата  
Адуней сыззыквыз ссатаней:

СгІвыраква... Иртапсыхуашд айхахарква —  
Сшвындыкъвараква, сстольгІатхІваква...  
Йырзызуырйа, — арыцхІагІа агъарква?!  
Йызтахъуда?! Угылтагьи ухІвхІваква!..  
Дара — магІын рыман, угІарпшыта:  
Агвы амц гъакІвым — агвы амца акІвб  
йрхІвуз,  
ХІажвагьи йазгылан ауат шсыта:  
АуекІвб йсхІвуз — сашІамсуата санхІвхІвуз!..

Ауат ракІвб сара йыбата йгІанызжъуа...  
АускІвб уахъа спхъырцанашхыйа  
йгІанысцтуа.

3.01.94.



Сбзазара, йабадзауаныргІалым!  
Уымшква зымгІва гІалшвшвгІид апшачІвыхъ,  
Йгъуымам уара мшыкІгъи йхъанта-гІалам,  
Уапшб зтара йачврыхІаз ахъарчвыгъь.

Йгъуымам уара гІвзачвагъи нбжъагІвгъи,  
Йгъуымам уара гвладвагъи жърагъи,  
Йгъуаргваным йгІауыцІагылра пчагІвгъи,  
ТынчракІгъи гъуызшшуами зджъарагъи.

УгІайд уара ахъшІ йауыру ухъата,  
ТшгІвагъи мгІвагъи азыласымкІва ухъа,  
АгІамтаткІькѳва рбырцкІал убжъархъата...  
Ауаса — уымшкІгъи йгъауымхІвд уара:  
«Утхъа!..»

Йауыб! ХІара ужвыгъи мгІваду хІзыщтІаб!..  
ХІгвыгъид: ани аяачІвара йгІайуагъи —  
хІа йхІыщтаб!..

3.01.94.



Хідуней птшуан — йзрыхъвашуз пша гІасуан,  
СкъшышвкІ йбзааз ацІлакв лнажвжвун,  
Атшхъа-быхъква рхъа хънарцуан,  
йархІазуан,  
АхІадкъаква швъабгъыжвта  
йакъвнажвжвун!..

Аквуджъма йыгІвуаз апшаду анахъдза —  
ЙымыгІвхуата тІыкъ — хІва зыла  
йгІашІасд!..

Апша гвыжвкІд — анахъ-анахъ —  
къахъдза! —

Иамаз акъаруквала йгІашІасд!

ЙгІасд аквуджъма! — йыгъазатнамрышад!  
АцІыжъвала йгІалаган йаргъи  
Ачва акънарцъд йшгылаз! Ачва арышшад!..  
Араъа аквуджъма йахІвад: «Агъыди!

Йыгъзымдырд араса къару шсылаз! —  
Са йзбарыни йамлагаз, йпсылаз!..»

4.01.94.



Гъныб. Гъынчылыаб. Йара — йгІагъырджед!  
Дзындзындзата йгІакІачІвыуид ажвгІванд.  
Адгъылгъи йачвымыгъта йдзыргІвид, —  
ЙшазамхІвахуа йхъата ауи ажв гІван!..

Йшнейуазымца-йшнейуазымца — йшыдах,  
Амшайшыс йшацквачх йгъырджызгъи!..  
Ужвы йсхан — йгІасид, йгІасид...

ШтшаршІщх

Адуней йамдырхуата гъырджызгъи!..

Ах, закІыта сышдзадзакІ гІасын, —  
АцІлаквa йгІарыквтІгІад шкІвокІвасышта!..  
Ауи гъсымызд: йпсыпсу барфымасын —  
АжвгІвандцкъа йгІашвнацІаз сара сышта!..

Апсабара хъыцта тшгІалнаркІкІад —  
Йнащы йагІвшва Агача МухІамад!

19.01.94.



Апсны хІгІадзад. ХІыквылд *Апсуа Йадгьыл*:  
УахъапшлакІгьи — шкІвокІвасышб зымгІва,  
Адгьылтынчта йутахъдзугьи йадкІыл —  
ДауышвашкІвокІваб: асы йшхънахІва!

Адгьылтырцкѳва, атыдзбжаптшкѳва, аурамкѳва,  
АцІлашхъчІвакѳва,

апІатІыркІалпхьыжѳжѳвакѳва,

АмгІвашІырцкѳва — ганы змахым урамкІва,  
Мышкѳварала йрчвыз амапѳжѳвагѳва...

ЗымгІва-зымгІва хъгІваби сыла-хьыла, —  
Уаргьи арасазшѳва абид упсы:  
Апсабара Йдуу нчванашІыла  
Ахьыртакѳва гІашІанахІвад Апсны...

Ухьыртакѳвагьи йыхуашд, садгьылхъгІара,  
Адунейгьи абахуашд уара ухІгІара!

16.02.94.





АщхъашкІвокІваквa. АбнаквайчІваквa...  
ХІпахъбырг тшГІатызрыхІваз атыдадуквa...  
АкъральмдзакІ адзхъа йыртиуа ачІваквa...  
Щарда зчІауа агІвычІвГІвыскъаруквa.

АпсыуапхІвысквa, акІасквайчІваквa рхъа,  
АкъральГІвынабырцкІал йкІылырщтид  
акъазакъквa,  
Йцид даргъи йырзымгахуа рчІвырхъа,  
Псейспамца йдыргылыиди рщапІсакъквa.

Йцид апхІвысквa — машакв экву йлыкв,  
АкІасшІахІваквa, анкъвгагаквa зму йлыма...  
Бабадауа, йкІважвaz Апсны ауатыкв?!  
Апсны Ан, Апсны атшГІвахІГІа Апшвыма?!

ЙкІыГІвсд ауат рхъаквайчІваквa кІарщцы...  
Ей адуней! Йыгъуымкъумищд ужы?!

16.02.94.



Сара сгвы апссгІачІвшкІвокІваква —

*Абзибара —*

Сара сгвы анурхъапщква, ануршІаква!

Йалаб сара спсы уара упсабара, —

Сгвы апны ухъапщчІвагъвараква шІакъва!

Сара сытшгІва йагумырхан уымца,

Уашваква ахъумраштылын стыдэра,

Сытшын апны, сыуахъ апны уымдзуа —

УагІвзапщдзата уацымгІвайс сынцІра!..

Ах, уара уабадзабызшвагвапу

АугІаква райчважвараква рпны!..

Заргван уыгъам ажва — шажвабапу,

Ауи йшалам, ауи йшахъам псы!..

Абзибара — агІапын йгІайуа...

Абзибара — агІамта йайгІайуа.

12.03.94.



Щарда цѳуата йджьасщальйд гѳважвакѳ,  
Гѳважвакѳ сара йгъскъвыцѳуам щарда цѳуата:  
*Анчеи анчеи*, — йхѳаракѳдзу гѳвашвакѳ  
Схъахъла йгид йанакѳвызлакѳгъи пшдзата.

*Ан* лчва акѳвшва йзбид сара дгѳазлыцѳ  
*Анчва Ду* — хѳдуней гѳазшаз майрата.  
Апшдзара йлашараз, йхъгѳаз лыц  
Адгъыл дгѳаквкѳкѳад *Ан* — йзакѳу марата.

*Анчва* шхѳыму гѳдыриди хѳара,  
Ауепшдзата йгѳдырид *Анчва* дшхѳыму,  
Хѳаргвангъи йгъгѳаскѳьум агѳархѳара:  
Хѳгъынхадам, хѳгъынхадам — зкърар  
йапшвыму...

Сгвы швызсакъуа, йщѳысымхуа сдауыш,  
*Анчеи анчеи*, — йшвызчыцѳид са квырмыш.



# БАРИ САРИ





АгІапын йарыфарычІвид адгьыл,  
АгІапын йаркѣагІид адуней.  
Сара сгвы бара датшата бшадгыл:  
КъятІамазта йшгІаквбыжь асатей,

ЙшазгІаныбмыжь гвыгъартахвыщдзакІгьн  
ЙкъагІарныс, йхІвапсарныс ауи,  
ЙшгІаубымщтхуа сахьыла пшамадзакІгьн —  
Быхьыз гІабмыргахуашшва зынгьн.

Сара сгвыгъид, — гвыгъа змам дгъауамта, —  
ХІалахъвхарныс анасып йгІацІсыз,  
Ари апсабарату апщдзамта  
Йгъалрым схІвид йамуа кІара ишарныс!

АгІаши агвыгъари азакІыб:  
Аныгьн арыгьн къагІарала йрчвыб.

28.04.80.



ИызГад бхабар, ахьшвашварагъи сзыГадзад,  
Ауахъ йацта агвакъвпрагъи сызГайд;  
Сара стынчын, сгъымгвыргГвузд  
ужваГандза, —  
Ужвы ухъацГазтын угГагылта ари уайГай!

УайГай ари ауахъ, ари алаццара йГгагылыз,  
ИуызкГылымгахуа зынла уыхъецГа зкГыз...  
ИамаГныйа хГынасып хъвызкГылыз,  
ИамаГныйа хГышвхъышвква азыркГыз?

Са саъани ба быГвадахъ, ба былагъь  
ПхынцГыГва зшГу бзибарала сырчы —  
Игъбымдыруазма са шсакГыыз бара былахъ,  
Бызйыцца ачГыйа ба датшазаджвы?!

Джъауап гГайауам ари сгвы ацГырра:  
ИгъГатыхГвачвГум аун абыхъвхъара.

27.05.80.









ДагъикъакІгъи —

дакъикъахвыцзаджевыкІгъи! —

Сбымхъвыцырныс амаль гъазсауам са.

Иылабмырпан сара сгвы хІвынчІвыкІгъи —

БангІасымпшуа сагІвызаб аквасса:

Сдауышвадза, снашхыйадза сгІанхидта —

Схъвыцпраквагъи ауырата йгІагъырдыд,

Адунейгъи сгъзыквызлажуам хвитта,

Иыстахъдзам мгІватшвакІлагъи сагид.

Арса ба сбызхъвыцлара шстахъымыз,

Сысквшквагъи атшгІватынчрала йпшуа.

Ауаса — ма! — йязысхарйа сымыз —

Быхъызла йгІаншузтын йкІклауа?!

СбыхІвахид: сбшІымпсгІауата счпа —

Сыдаква датшата тшгІадырба!

16.07.80.



Сыщымтахъа бацгІайд бара,  
Схакв бгІаталыйд хІыщхъамара бацта,  
СытшгІва нанауахвид ба бкІара,  
Сгвы алашара бгІалалыйд нурхацта.

Сгвыгъаква тшызрыдэхуазгъи гІахъынхІвухд,  
Скъахвракв тшызрыхъарузгъи гІацапахд,  
Адунейгъи саргъи хІагвынгІвухд,  
ХІахъвлашшыхд хІадгылын гвапагвапа.

Сыгвлачвагъи йгІаргвынгІвызшва йрбид  
Арса сызларкІашІаркІкІу, сызгвакІву —  
Сыгвлачвагъи амарала йпшид... —  
Ишпардырра щта сгвы амара ба шбакІву!

Сыщымтахъа гІайд бара йбызхъымцуа,  
Сбазарагъи сгвалагъи гІанаршІыцуа.

17.07.80.



СогІвым сыѣаб. СгІадгылхд асасырта.  
Спец йымцыру псейспадза сгІашылхд.  
Ахъышв йстІыз зыпла йгІагІвначІвад дзырта  
Луахъбыжъква. Тынчта сдзыргІвуа сгылхд.

Сгвы йгІанагид... Ммо — сгвы йгІанасрыгид:  
Ауат абыжъква йрылазшва ббыжъгъи,  
Сыгвладчваква рышвтІбыжъква гарыгъи —  
Спец ужвжвы бгІашылуашшва баргъи...

Бгыѣам ба. Сара йсхъазыб йатаркІвах,  
ХІыщхъаква йнархълшылыйд сара сгвы,  
Ажваква йгІасабхІвызгъи сгвы йтаркІваб:  
«Иухъазхушд, — бхІвад, — сара слахъаквы...»

БзикІ бхІвазаргъи — йыншарныс аурын,  
ХІаргъи дунейгІвынакІ хІанйарын.

1.08.80.



Сызкхъвыцуа бдырума сгІачІвалта  
Абари уахъчІва ашта йансхъазкву:  
Даъаби — йанибара пхІвыскІалта  
Зхъа зчІвыхымкІва йыквкъауа дызкву,

ДызмагІнугъи дызмагІнымгъи зчвыдзта  
Иахъайбаз акІварла йтапауа,  
ЙызгІацІсыз агвпххылратшытгъи гІахъыцІта  
Ахъвыцрадуква йхІвайуаз зчвагауа...

ЙсымарыцхІаб ауи йапшу агІвхвыцквa —  
Ианатахъу йыззыгІащахъмырчІвалуа зтшы,  
АпшыхъгІвыма йацылта йквыцквыцуа,  
Апшадуква йрчвыкхъазчІвахуа згвы...

ХІгъы йгІапххылыз хІапшІамгылуа йхІчпад —  
ЗакІзаджвыкІ хІашІысымкІва хІгІанхад!

7.08.80.



Щымтахъан. ПшатынчкІгъи псейспа  
йгІасуан.

Ахъышвла йнагІбун архъабаракъат.  
БгвпшкІвокІва аяны гІвмаралашаракІ  
гІацІцІын,  
Сара сымшгъи хъгІата йгІадыркІкІад.

Амшква цун. Абзазарагъи мгІвайсуан.  
ХІгІвыджъ хІдунейгъи йайгвгъауа закІы  
Ачвщыракви ахъшвашваракви йрайсуан  
Бара бымгІви сара сымгІви рпны.

ЙгырмайгІайд. Бара багад зджъарала.  
Саргъи сагад. ХІымшква гъанымйахд.  
ХІыйачІвагъи йкІкІад-йкІкІан хъарала  
Аладз апш йгІашІышвтын йгІакІашвахд.

Ауаса сара — ауи ащымтахъа збид,  
БгвпшкІвокІва апынгъи гІвмаралашаракІ  
кІкІад.

12.08.80.



Цсейспа снейд атенгыз атшыла  
Атолкъвынква ргвжважвара сапшуа:  
АзакЫ ацЫхъва азакЫ тагыла,  
РпрычвшкІвокІваква лашарата йкІкІауа

Амлыкьгвартата атшпрыбагъяду  
йгІажвльйд,  
ЙгІажвльйдта — йахъблыгъахид щтахъла,  
ТакІв анціра — йатагІайхид, йгІагвжважвид,  
Абстон йгІасид... Укшала —

АхІахъваласа гылаб йрайгІайуа  
АтолкъвынпрычвшкІвокІваква йгІацІсуа...  
Ауи гъакІвымма схъвыцраква шбызнейуа,  
Ауи гъакІвымма йаннейра йшхъвашауа?

Атенгызду сатшпынгыла сцид.  
Атолкъвынква гвжважвауа йгІакшид.

*13.08.80. СогІвым.*



Сара йсхъазыб, баргъи сара бгъсчІвым,  
Датшазаджвы йзыщтІаб бара быцІхква,  
Датшазаджвы йзынархаб бмакъым.  
Саргъи зны сгІацІридта: «Сыла быцІцІх!» —  
хІва

СырзыпшгІауа сджыквылыйд зджъакІы!  
Дысгвапхид абан — абани йгІайуа,  
Абанаъа йгІасынйаз мышкІы,  
УахъчІва сара схъвыщраквагъи зхІвайуа!

Дысгвапхид аныгъи! Дысгвапхид  
Аныгъи-аныгъи-аныгъи — арахъарыгъи!  
Даргъи са сахъыла тшгІадыркІкІид,  
Рдзыргъи йсызгІанагид рнышви рныгъи...

УадыргІвана — зымгІвагъи кІапІлахид.  
Бараджв налькъвытнальмаста  
бсызгІакІкІахид.

13.08.80.



О апхІвыс, быздырхьада бара,  
ХІдуней апны бымадза збахьада?!  
Са йстахъыни быйачІва збара,  
Сгеалагъи йазхъасцІуни багъьата!

РьцІарыцІа бсызгІакІкІун баргъи,  
Йбрылашарун сара сымшгъи хъгІата,  
Йызбун ауи мчвщхушызшва зынгъи.  
Ауаса пстхІваквакІ тшгІасхъакІнырхІад  
сгІата.

«УгІамшылын!» — бхІвад. Тшбрычвгъауа  
бгІацІрыд:

«Уызбарыквын — сылаквагъи сыхьид!  
ЦхІакІгъи гъхІбжъахым уари сари —  
йблыд!..» —  
Бажвагъи йарартид цхІашви сыхъи.

Саргъи базсырхъвыцуа араса басхІврын:  
«Сбымрыхъаран — сгІабтахъхарыквын  
сгъбаухрым».

16.08.80.





Сгвыргъид са б̄ъарышх̄ъауа ссатырква:  
Сбыдгылта йсызбамх̄Івуа зымг̄Іваг̄ы  
Габарх̄Ів̄б ауат йгвыргъ̄ъауа, йтыртыра,  
Брымж̄ъауа, мыц барымх̄Івуа зынг̄ы.

Сгвыгъид са б̄ъарышх̄ъауа ссатырква:  
Издыруада, йбызг̄Іаргырныс ауыб  
Сымадза базызгуш ад̄Іхсайырка —  
Ауи сарг̄ы швабыжта йстах̄ъыб.

Сгвышквид са б̄ъарышх̄ъауа ссатырква:  
Инабдырбата сгвы апщдзара йбызту —  
Йг̄Іаубщтырныс са спнылаг̄ы хайырта  
Алашара — бымшк̄ва рины йщарду...

Брышх̄ъа, брышх̄ъа са ссатырква йк̄ъваз,  
Бара бымш̄ йазышг̄Іумца йг̄Іапсаз.

5.09.80.





Льакъвман-хІакъым йангІахъыртІы йанбахта  
(Ауи ауаъа сквшхышв райхІа дтачІван), —  
Ареа гІарайхІвд-йа ауи йтамакъгъи бахта:  
«СивыхІвахид — йарасахІат стжвымган,

АхІвракв (запшу гІайхІвад) йшвххыта  
Йшврыф мачІмачІ: пшыхъцкъа мачІкІгъи  
гІатажвжъ;  
ДсызгІажвд пхІвыспагІ хІгІвуджъ  
хІнакъахІгъи жвгІвыта —  
ЙлыдымсылскІва лжвагІсквша хъацІачажъ...

Сара сгІацаквгылхуашд уадыргІвана,  
Йсылу съзагІвазара нкъвызгушд...»  
Саргъи ауекІвб: ашвхвыц настІын  
стахІвана —  
Ба сбызпшид, бышназбауа снакІкІушд.

БгІамйырквын — сара санбахта хъгІваб,  
Саргъи ауаъа сквшызкъ йайхІата стаб!

8.11.80.



УахъчІвижьтара сгвы лашаракІ табта —  
ИамагІну зымдыруата йгІаңыздид,  
Сара сыхъаз йхъгІадзаз гІамтата  
ЙгІахъынхІвыхын — сбазара гІанаркІкІнд.

СъамгІвайсуагъи йгІаспыралыйд саргъаруа,  
ЙгІарыцгвыргъид аугІа сзынйауа,  
АхІврапшдзаква йгІарылхъыччгІнд йхъвмаруа,  
Адунейгъи пшдзата йаркІкІауа.

СгІанарчвид ауи зымгІва йрайгІайын,  
ЙгІалнадахид схъвыцпраква абнадагв,  
ТшгІаснардырхитІ сара спахъ йгІайын...  
ЙгІасгвалашвахд: былаква рнур акІвб!

Ауи анур гылзыркІкІушым заджвгъи...  
О, йыркІкІа-йыркІкІа ауи анур уачІвгъи!

22.11.80.





ЙгъскъычІуам са зынгы бара  
сбызхъвыцныс, —  
Адуней йакъычІырма гІапны!  
Зны бгІатшидта сгвы ацІгІва — саргы  
сбкъвыцІныс  
Гъсылшахуам: тшатабрыдзхидта зны —

Бсмаухуамцара йбрылащцарид сымшква,  
СыцІхквагы йырхъбрысид датшачва...  
УахъчІвагы — схъвыцра маша  
азыбмыжкІва, —  
ЙгІабмыркІкІума бгІалалта суахъчІва!..

Тшбымрыхъаран, йаъазд бнур са саргван —  
Ауи сара счкІвынхъала сарпшид...  
ХІананйа са схъвыцраквагы ссаркІван —  
УахъчІва ауатгы бара бнур йаркІкІид.

Сбызпшид бара бгІаншадзарныс  
стахъымкІва, —  
Йбззд анцІрала хІгвы ззпшуа амакъымква!

30.12.80.





Сгвы бгІаталд бгІаншан марата, мшыта,  
ЙгІайыз сымшгьи сыцІхгьи гІабыркІкІад.  
АмгІвала саннейуагьи йсхъазыта  
Гвыгъата йгІаспыралыйд бсурат.

ЙамагІныйа сара сысквшква йагІвсыз  
Брыцталта йзгІацабырпах бара?!  
Бара гъбакІвмызд сара счкІвынхъа  
йагІвзаз,  
БнурзаджвыкІгьи гъаламызд сынцІра,

Спхызквашагьи гънамгІващузд бабахыла —  
Бгъаъамызд, быгъыквмызд адуней!  
Датшадзан сыззыпшгІузгьи лахыла,  
Сбазарагьи йаман датшахІвей!..

Ба бгІаншад. Са сымарагьи гІашІыхад.  
СчкІвынхъа йгІайхыз анасышгьи гвыгъад.

23.01.82.





Иацы сквѣд, аваса схІвад араса:

«Сшнаымсылхра зынзаджвѣкІгъи бпны,  
АгвІапххылралашвкѣагъи сшыргърасра —  
Исызбырпшуата йздыргъи гІапны!

Барагвымха бакІвма сгвы зыргъаруаш,  
СымызшІа йгІапшызгъи мыгІвхъыздуш,  
Сараснуркѣа ркѣахвралагъи йхъвмаруаш,  
АгІвадыгълащцарагъи стаздуш?!

Сымш йгІагымыз сзахвитым ачІвыйа,  
Сзахвитым ачІвыйа сарасгвы,  
Баргъи аредунейду — быззаджвѣйа,  
СымгІвагъи зсырпшуашІа йлахъаквѣ?!»

УахъчІва спшызтын — сыжвгІванд  
йыбагъашѣаб:  
Снуркѣа зымгІва джвѣквнадад бабашѣа!

18.02.82.



Иахъижьтара сгъзычвуам. Ба сбызхъвыцид...  
Иагъвсыз сызгъашыахид шыцшыц:  
Сгвы закы йцнапкыид, закы йархвыцид,  
Закы йснахъид псейспадза: «Тштарыдз

Агъвадыгъ ура йуымбаз апхъала, —  
Иызхъакънухъаз уымарагъязгъяз,  
Уъахъазырыз тшъатаурышвыныс хъала,  
Иъауызкылпшуаз алачгъаква йгъяз...»

Ба сбызхъвыцид — йахъижьтара сгъзычвуам:  
Иызбымдырйа гвымхара шстахъым,  
Сгвы бызтугъи — зынзаджвыкыгъи  
йшгвычгъам,  
Зынзаджвыкыгъи йшрыцхъам амакъым!..

Бгвы акъвбмырпын. Агвыгъаква бымырдын.  
Пшдза згвы йту — йъанызлакыгъи пшдза  
рыцын.

21.02.82.



Ауаса гъакІвмызд йштахъыз сара,  
Ауаса йцаб — хІва са мышкІгъи

сгъымхъвыцуазд.

Датшапшан йагвылнахІвуз сынцІра  
Бхъазы бныжьта кяхвта сангІабкъвыцуаз.

О, сдунейгъи йрымбадзаскІва йпшдзан,  
Сымарагъи — йансхІвара йгІакІкІушын,  
Салышгъи — съанызлакІгъи йсызпшуан:  
Апрычвхъапшду аршвшвауа йгІадзушын!..

Бара быхъаз снурква хІгІачвахад,  
Салышхъапшгъи ласчвахад ба быхъаз —  
Баргъи датшапсихІвакІ бгІатахад,  
СымгІва бтнадад адгъылпшакІ йбыхъыз...

Ба йбхарайа — йбхъаштылхд зымгІвагъи!..  
Сара — йсызгІашІыцхид ансимшгъи.

24.02.82.



Ба бакІвымкІва са заджвгъи дшстахъымыз,  
Сшылзымхъвыцуаз са датшазаджвгъи,  
Заджви сари хІбжьара адхІа йхъымыз  
АхъцІара спазымшгІуз са зынгъи.

СъацалакІгъи бара бнурква шсыцыз,  
Бара башва шакІвыз сгвы йахІвуз, —  
СымгІвагъи йанакІвызлакІгъи йшшІыцыз,  
СытшгІвагъи йанакІвызлакІгъи йшкІкІуз.

Сара сымшгъи угІахъзырчІвалуа шахвта  
Бара быхъыз амара йшачІвыз,  
Сыуахъгъи йшахъаз йхъапщыз бнахвта,  
БыйачІва-тшгІвачІвецквала йшырчвыз...

ЙамагІныйа ауатква уахъчІва йзсхІвахуа?..  
Щарда цІуата сара сбжъы шбымгІахуа.

21.02.82.



Швѣабыгъшькѣвокѣвакѣ сызгѣаныбжъд,  
Марѣа,  
Бгвы йгѣатыцѣыз ажваквагѣи апы.  
Йангѣасахв — йгѣачѣажвад... Йсхѣварыйа?  
Сгвала хъгѣата йнанаршпѣд зны.

Дзынбыгъшьхъапцѣта йнаташпшвад ба быцѣта,  
Хѣауацкъѣата йналалд ба бхабар...  
Зынгѣи акъамыш йылархвыз бабыцѣта  
Йпхынцѣлыгѣвакъѣауа йгѣатахад акѣвар...

Гъынгѣи пхынгѣи сызгѣанагд йгѣаныбжъыз  
Ашвѣабыгъшькѣвокѣва — сара спахъ  
йгѣаншаз...  
Жвибыжъсквша — са сакѣвызма ауи  
зныбжъыз?  
Йанбакѣвыз сара сыхъазла йаншаз?..

Йызбид: спнейуаз бхъвмаруа  
бгѣаспѣаххызшва,  
Бажваквагѣи асы ахъахъ йбгѣвызшва.

24.10.82.



БарабакІвын снур гІаншангы йсыгІвзаз...  
СъацалакІгы сгвыргъауа сбынйун,  
Рлакта бтызбгІун ахІвссачкІвынква  
йсыгІвсуаз,  
ИгІадзынгылуаш сымш анны бызбун.

Уахъынлазтын — мзыта бара бсыдын,  
Бсыдзхъагыла бнейуан бьасырцуз,  
Тшыялазтын — марата бгІатшкІарыцІуан,  
Адунейгы сыдгвыргъун бызбуз...

БарабакІвын, сыгІвза, барабакІвын —  
Датшазаджвы лпнылагы бымпшын!  
Барабнур сасыщхъахІгІара йаквын,  
Бабналькыт гІауацІкІкІун са сымшын...

БарабакІвын... Сгвыгъауа сгІабзасид...  
Аншагы сасхъышвлащцара йгІасид.

19.01.82.



БызгІаншайа сара сымш апны,  
Йтынчым сгвы залабгІватІяа бгІаншата?  
Зны бара йгІабгылыйди гІапны,  
Зынгы спец бгІагІвнагъагыди шата.

Бара — ачІвыйа? БгІайын — бцахд бара,  
ЗынзаджвыкІгъи йгъбдыруашым схъазыра.  
Сара мшыта йсзальйди ббара,  
Нурта йзбиди бажваква рласыра...

Момо, момо, хІгъазакІхушым хІа,  
ХІгъацкъахвхушым агІапын акваала...  
Бзила, бзила, анасын атпхІа!  
Бзила, бзила, ахайыр агвала!..

Къахвта бцахд багвтасын акъвара...  
Йысхъазыб йатаркІвахгъи сара.

14.12.82.



ЗымгІва рацкІыс бзи бызбун бара,  
Быхызышдзагы сражвуан зымгІва рацкІыс,  
Сымшква згун сазнацауа ббара,  
ИсныхІвадууын ба бмактым йанацкІыз...

Бара сбтйыд. Тшгбзымрыбагыад бара.  
ЙкхяхІчІвахуаз анурквагы гбзымрышдзад.  
ХІгвыгъауа йнкъвыгІгуз абабара  
ГІапшцахад хъвасатхІвата зджъакІ рышшца...

ЙгІасгеынгІвид ба йшбызам, бгвы шдыршваз,  
Йызхъазхаз ба бымарагы шдрыхІаз,  
Сара снур йгвяджьюазгы шгІахъшваз,  
Бара блыхъ са скъванчарагы шдрыхІгІаз...

БымгвыргІван! Йахъысуашд зымгІвагы:  
Апшагы тшгІазрычвгъауа аквагы.

4.02.82.





АдзынцІыхъва штшачпаквауа ббума?  
ЙгІанарбзибта — йгІанарыхъгІаб амш,  
Амарагъи — «Ареш мара гІапхума  
Апхынлагъи!» — ухІвушта йгІаталб амч,

ЙгІакІаркІарб, йгІауыхъвлакІкІаб,  
йгІауылпхаб,  
АжвгІваңдчІыхвдза уцтІнахуа йуызнархІаб,  
Нурта зымгІва йамула йгІаузылпхаб,  
Нурта уара угвалагъи гІанаркІкІаб!..

Ма, йабоу — шыбжьандза ахІа йгънанагрым:  
ЙгІанарычъщхбта — уакварпшб уара упсы,  
Аргвая зынгъи йгІарымгызшва награ —  
ХьчІвачІвадза йгІаушІанапсаб асы!..

Йджьасщадзид: бара йбапщдзаб ауи!.. —  
АдзынцІыхъва бйызаб схІвид баргъи.

19.11.80.



Сара закІ схІвид — бара закІ бхІвущд  
бгІапхъыста,  
Бара закІ бхІвид — сара закІ схІвущд  
сбымпшуа!.. —  
АгвыжвкІра-акъылыдыдарагы гІахыста  
Йагушд хІа хІымш, йагушд хІа хІыщІх  
йшвшвуа...

Са сымш анчвшу — бара бымш кІаукІауид,  
Са сыщІх анчвгъу — хІвапсагІвахид ба быщІх...  
Абараса хІара хІымшква тшдрауид,  
ХІара хІыщІхква — ауат йара быркъвыщІх!

Барн сарн йзхІауйишд ари лахъыта:  
Бпны йызгІапынхауайишд са сыгъны?  
ХІылагъ гІвадата, хІыгІвада лагъыта —  
Йзыъайишд араса хІара хІпны?..

СгІазхъвыщхидта — йсыртынчхид сара сгвы:  
Мшыдъа — схІвид — йгъгІанымшауазаб цІхы!

12.11.80.



АхІвыхІвкви сари йхІыгІвараб атдзы —  
Датша заджвгъи дгъапамам уахъынла.  
МачІкІ уцата — йгыгъчуам Йынджыгъдзы:  
ИгІабгъатштшид йашІамсуата хъаныла.

АцІх дауышваб. Абыхъвквагъи дагвб.  
Алащцара йхвитказгъи тшарауид.  
СхІвыхІвквагъи тшаквгІацІарпсид атдзакв,  
Алыгъвра — йдырчважвушгъи шІа рауид:

ИгІагІвырдгІвырдид схъахъла, зджъакІ  
гІархІвид,  
Зны йнашхыйаб, зынгъи къахвшва йаъаб...  
Сара сгвгъи бахъыла йнагвыргІвид:  
БгІайуашмищд? БгІанысылырныс йагІаб.

СыгІвнапІыкІ насраушва — уахъагъи  
ГІвхъышвкІла бымгІва насыркІкІнд саргъи.

19.02.86.



Щта, бзайпхызуа, йздырид, сара гьсакІвым;  
Щарда цІидта сгьбайпхызхуам саргьи;  
Бхъвшва йтугьи сара йсычпу гьсаквым;  
Бхаквла сгвы гьнашыхуашым зынгьи.

ИагІвсхьад сыцІкквa йзпщылаз ба  
бызхъвыцра,  
Сымшквa бара йбыпчагІвыз цахьад,  
МачІмачІ апстхІва йыладзхид хІакъвыцІра,  
УахъчІва датшагвалакІ хъасцІахьад.

ЙысыргІва йбызназгуазгьи гвакъвпрата —  
ФигІымбаркІгьи дгъаъам! — йысыргІва.  
Ужвы сыхъыз бгІагІвацупд хъарата —  
Сыквылд баргван йыъам датшамгІва.

Сгвы йазамбаз быйачІва — ба йбымазд,  
Саргьи — спахквa йсыгІакІкІуп  
сырпшвымазд.

19.11.83.



Бара сбызпшуан. Уахъгъи тшынгъи  
сгъамайчуазд.

Алагъвыджквa йпасу срыздыргъуан.  
Псасаквала абна лгъвата йгъалчуаз  
Апстхъваквaгъи сара сгъы ахъаз — мгъван.

Йбымазъа ауесхъан бара мгъвата?  
Йахъпанархаз ба буандыр агвышв?..  
«Артмакъгъымха хъабзи гъатыцъид», —  
бхъвата.

Хъвлапынхъакъи бызгъадымгъыла стдзыжв?

Йыббарын ауаъапны йгъабпылуаз —  
Гвыгъата йгъабыцъхъмаруаз ббарын!  
Хънурквa йхысыз ажвгъиванд агвы  
йгъанылхуа —  
Йхъпчaгъивхаз ачвщыраквa былрын!..

Бара бгъгъамид. Бгъгъанымшад.  
Бгъгъанымсылд.  
Сыйачъваквa адзы йгъатапълыйд ба бнысла...

10.09.85.



Банызбара — мцата салашвун,  
Амцабыз гIасхъыкъьун йтыртыруа,  
Ауаса — тшыскIуан, баргван снейныс сшвун:  
Бызбылра гьстахъымызд йшыздыруа.

Бара бчкIвынын, бара бшIан, бгIайуан,  
Бызбауа даргъаруан бара бхIвырра,  
Бнурква йрызгIацапшуан ахIайуан,  
Бажваквагьи агIвызан Анчва йгIвыра!..

ГIамта цад. Йыгьбмайгьдзад азаман...  
Йабадзх намаз ззысчпуз ба бынчвара?!  
Бажвагьи магIныдата йкIандзан —  
Йапшхади йымцхаз атыгьынчвара!..

Сгылабта нашхыйата снапшид,  
Бнурква згаз са сакIвызшвагьи йзбид.

25.12.85.



БазымдзыргІвын агвымха рыбызбаз —  
ЗынзаджвыкІгъи йгъбзимызди йгІаршІыхъуаз!..  
Са сакІвб йапхъахауата бзи бызбаз,  
Ба бгвы апынгъи бэибарапщда гІазыршІыхаз.

ХанихъвшвамгІа хІхъадэгылан хІара —  
Ауи хІара хІакъвыщІхракwa йыркІкІаран.  
ХІыщІлакwa йгърымдыруазд гІархІара,  
ХІкъвсасарагъи гъщакврымкІуашызд кІаран...

УахъчІвагъи быгътыщІуам сара сгвы —  
ЙтызымбгІаргъи бнуркwa сара сыпщІа.  
СалабщІад анщІрала уысбаргвы,  
Сара схъгІара, сара схвыц, са сыпщда...

БгІай бгІагварал, бгІатшкІарал, бгІашыл,  
Внуркwaгъи са сымхІара йгІажъыл.

9.01.86.

Ба быхъазла сгвы напшума хъгІата?  
 Ба бнур акІвма сгвалаква гІазыркІкІаз —  
 Са уахъчІва сзацамшхуата схъызкІгІата  
 Сгвыгъаква сгъагъара йгІазызггаз?

Зынгы-зынгы йгытынчмызд сара сымшква —  
 Анчва ауаса йкІвазарын, йабоу!  
 Апшаква йыршІахуан сара сымчква —  
 ЙгІаквымцІуата йпшасыртаз апоу.

АцІабырггы сгвыгъауа сазыпшгІун,  
 Адуней йазысхчара стахъын,  
 Апша ймкІчІвызгы йсмайгъдзауа сарыпшун,  
 УацІыхъвангы — сгвыгъара сгвы ахъын:

Бара бнурква йскъвымцІуата са йсыцын,  
 Псы ахъарцІун са сыгІапын, са сыдзын!

5.05.90.

Снейуашд са — ашвахъа йгъахъызгушым!..  
 Саквшвшвта йамсцушд швбакъ йыквчІву атІы!..  
 Ба бымшван, закІзаджвыкІггы гыгІаншушым.  
 Ашв тІык-тІык — хІва саннакра йгІатІы.

ХІадзхъачІвушд хІара хІгІвыджъ йхІхъазыта.  
 ХІашва йтынчымгы псейспадза йхІхІвушд.  
 Адуней хІыздзыргІвуашд йразыта.  
 ХІашва згІаз ачхъакъахкквагы хъхІвушд.

Ба бансыцым сгвы штынчымгы басхІвуашд.  
 Исаргвандзата блакта снатапшуашд.  
 УадыргІвана бкъвабызчкІвынгы басуашд.  
 ХІакъвызгуз амызхъшвашвагы птшуашд...

Ба баныквым — йымцыраб сдунейгы..  
 Йаружвыбырг йаурын схІвид сбызнейгы!

30.07.90.





Быйрамшгъи гIайд. Ауи саргъи сархъвыщид:  
Нашхыйата йгIашылыйд сара етдзы,  
ЙгIаспшид ауи мадзамадза — сархъвыщид,  
Иарыхъващид са сымара, са сдзы.

Быйрамшгъи гIайд. Сзымгвыргъяуайа  
пшдзата?  
Сзымгвжважвауайа башвагъи схIварныс,  
АдзыргIвгIвчва-акIылшыгIвчва рины  
йздзата —  
Быхъыз схIвауа сгвылагъи схIвхIварныс?

Быйрамшгъи гIайд... ЙанбакIвыз  
хIанацхъыччуз,  
ХIгвыгъаква йцардазгъи анамхIхIвуз,  
ХIыгIапынадгъылгъи йанахъычуаз  
ХIгIваз йшкIвокIваз? ХIашваквагъи  
анхIхIвуз?..

Быйрамшгъи гIайд — гIапнымкIва,  
гъынгъындзата...  
Саргъи йцаз сазхъвыщид йсхъыздзата.

27.02.91.



Ахъаца йгвы аджъмашша йагІвызаб:  
Зынла йшвид, арартхрагъи гъмайрам.  
Уахъчва хІымшква хІбзазара йагІвыгаб:  
Уахъынла йгъымзым, тшынлагъи йгъмарам.

МомкІва бара датшамзыкІ гІабаума?  
ДатшамаракІ йаркІкІума бымш йбдзаз?  
Спшыла йгІайуаз бымгІвайшысгъи браума?  
Йсчвыкъабчваххма бгвыргъараква йбзаз?..

Щта, саргъи сгънагвыгъахуам апхъашта,  
Бнурквагъи сгъырзыпшгІахуам уахъчва,  
ГІвпслыхІвакІ рапшта хІадыэдалыз апшта —  
ЙгъашІсырпшыхуам йгІакІапшваз ахъпчава...

Амшква цид. Абзазарагъи мгІвайсид.  
ГІапыннуркІ гІаспыракІкІиди: «СхІвайсиди!..»

28.02.91.

Бышцдзараква сзыбыркІкІушма бгІайта,  
 БхъгІараква сбырбушма йбымдзауа,  
 СгвыгІвбараква йхъшвашвугъи брайгІайта —  
 БгІайуашма са сымшгъи хъбырдзауа?

Сгвыгъаквагъи пшцзата псы рхъабцІахта,  
 СышщІагъи гІабыргвыргъяхта йшабгу,  
 Бзира шыгъу сгвыла йхъасбырцІахта —  
 ИбтІыхуашма бнапІыла сышв йаркІу?

МомкІва са йатаркІвахгъи схъазыра  
 ГІвзата йсыгІанхахма, — йзмахым гІвза?..  
 БымгІвагъи хъвнакІылди абхъвхъаеыра,  
 Сылашгъи бжъахади ахІахъвагІвса...

Ауаса — счІваб ба бымгІвала снапшуамца..  
 Йгъсрычвуам сара сытшгІва йбылуа амца.

8.03.91.

СбыхъыздхІва—быгъсзымгад буачІвы ахъыла—  
 Апслачва апшта бгІвзымызуа, бкІкІауа  
 БрылахІахд бйацымшква, сара схъыла,  
 РахІа йхъыцу бжъыкІгъи бмыргауа.

Сгвы йнабзышпгІаз ахІвхІвабжъы бымгІахуа—  
 ИамгІандзыйа хъала тшызтабрышв?..  
 Иуысахушыз бхъвыщра бгвы анымчвгІахуа —  
 ИхІацІарымцІаз гъвайдзата штшарышв.

ГІапынхІвыхІвта йхъалуаз бара башва  
 ЙгІабдыркІыз ашвокъла йшгІакІынбцІах!..  
 ИамагІныйа сшныла бызгІагвжважва?  
 Бацашата — бахъагІайыз бцах!..

Бгылаб бара хІврапшцзата бгІайызшва,  
 Снабыдгылта бгІахъсчІвара бтахъызшва.

12.04.91.

Ба сгыбызхъвыцхуам. Бгъалахым бара  
ШкIвокIвата йгIакIнылуа ари ссыха...  
«Исыквбымхын сымш йамару ббара —  
Абари йлашару ауыс сзыха», —

Арса схIвата сгънейхуашым ба бпны,  
Блактагы сгътапшыхуашым майрата.  
ЙглайынцIкIа сазпшуаштI датшагIапны —  
Сгвы зыркяхвхуаш щымтахъамарата.

КвайчIвадза йазгIауырщтшва згIватшыгтI —  
АцIлашкIвокIва йгIахъачIвад акъанджъа...  
Йауыб, баргы бхъа бымгъыхын, тшыкI, —  
АгIамтаква йалдыргахб акъванча...

ИгIакIаситI ашкIвокIва, йгIакIаситI —  
Адгыл аквайчIвараква хънагIвид.

11.12.89.

Йгыгъахым хIызшIызтуаз хIара хIшахкIва,  
Йгъагъахым хIызшIысуаз акIадза —  
ЙхIыкIвнахд зымгIва йрыланархIан ахкIва!—  
Ахъвыцрахъвахъва йглайыз, агадза!

Бтанарышвд баргы датшакIварыкIла,  
Саргы датшабхъвыкI сашIанарпад,  
ХIгвыгъаква — йачвыхъарамыз рыкIла! —  
Зынгы йадымгылшва йакъвнагад!

Сара гъсакIвхым ба уахъа быззхъвыцуа,  
Бара гъбакIвхым сара сыцIх йахIваз...  
Щта араса ачIвийа сгвы зырхвыцуа,  
Ба бсуратгы згIалгылгIаз агIваз?..

МакъымгвапакI алаццара йгIалггIид,  
ГIвычIвгIвысвалакI амакъым йгIалкIкIгIид.

29.06.88.



Сгвыгъараква йбыжвспазгъи бырзымкѣуа  
Бджвыквнагад бгѣамшыжуата хъара...  
Бгылаб спахъ бмарамкѣва ужвы, бымзымкѣва  
Бгѣадгылжын банныкъва бизхъара.

Былаквагъи — апхъала йгѣаспшуаз хъгѣата —  
Хъшвашвата йгѣарыцѣшвшвид ахѣарам.  
Идзыбщид бара — сбыжвылуашшва  
бхъскѣгѣата,  
Бгѣаквызгушшва йбыщцахъаз аурам...

Бымгвыргѣван, бзи! Сгънейжуашым са баргван—  
Ирыт-йрзыша бхъапщгъи брызнагъи!  
Хѣымгѣвайшысгъи — магѣны змам хабаркван,  
Ишыкврымгахра гѣвгвыкѣ рнур зынгъи!..

Сымгѣвайсб саргъи сымгѣвала йсхъазыта, —  
Сылахъ-снур йсайжъазла сразыта.

1.07.88.



Момо, момо, бара гъбакІвмызд сышшдза,  
Сымш ахъГара, сара сыцІх йцкъаз,  
ДанГіапшцІалра йзрылашаруз сышшцІа,  
ЙГіахъызтІуаз са садгъыл йгъагъаз!

Бара гъбакІвмызд гІвычІвГІвысаргвандзата  
Гвыргъахъвыта йззыстІуаз сара сышш,  
СытшГІвагъи зыркъахвуаз гваламцата  
Арсагъи йГіасрайгваларыз сквшышш!

Ауи мышкІы сгыртамшшд лГІвылакІ —  
Йгъаъамызд са сыхъазла дуней!  
Лынчванургъи сара сгвы йанГІвылан,  
СгъГіаквнамжъуазд йгъарыз асатей!..

Ауи дцкъан, даГІвызан ари агвила!..  
Момо, момо, бара гъбакІвмызд... Бзила!

29.06.88.



Амарагы уазымшыкIва йгыIацIуам,  
Амызгы угвы йтамкIва йгыуызIакIкIум,  
Апшагы уазымгвжважвакIва йгыIасуам,  
Абыжыгы утахымыкIва тшгыунаргIум!

Анасыпгы — угвашв йара йатIыта —  
ЙгыIатшкIларалуам: «Снахв — сабар сара!..»  
Агвыргыарагы — майжвгIвандтынчта  
йддыта —  
ТшгыIаунаргIум йазуымамкIва азпшра!..

Урызпшра атахыб зымгIвадзугы пшдзата —  
Азпшраква уырзыквылуата мгIва,  
УыпшцIагы абзира зтахыу пшцIата —  
Гвапата йырзыкIкIауа зымгIва!..

Саргы сазпшид: йгIахыныхIвыхб анурква,  
ЙгIахыныхIвыхб йхIымаз акъаруква!..



**М**гIва уаныкву — йуымаб гIамтагы,  
Ухъвыцраквагы гIашIыхид мгIва уаныкву.  
Йуылшид уаргы хвитта угIамдагы,  
УтгIачвагы угIаргвалашвид уанджвыкву!

МгIва уаныкву — уншид уара хъара,  
УымгIвагы лашарата тшарауид,  
Уевыгъаквагы гвышхвид рызхъара,  
Угвалаквагы унур йцкьу гIарауид!

МгIва уаныкву -- удухид, уншдзахид,  
Уцанхъадзагы — йхъалыйд угвы хIгIаракI:  
Амара йгIашIыхаз уаншдзахид,  
УымгIваллагIвгы йзыуыркIкIуди хъгIаракI!..

МгIва уаныкву — йхIвансауа угIвычIвгIвысб.  
АгIвычIвгIвыс йуысквагы уа йууысб!



*Чикатуев Михаэль Хаджиевич*

## **СВЕТ СЕРДЦА**

**Советы**

*На абазинском языке*

**Редактор М. С.-Г. Такушинова**

**Художник Ф. И. Марков**

**Художественный редактор В. В. Сиротина**

**Технический редактор Г. М. Хомякова**

**Корректор Ф. К. Абраюкова**

**Сдано в набор 13.02.98.**

**Подписано в печать 08.05.98.**

**Формат 70x84 1/32. Бумага офсетная.**


**Гарнитура «Школьная». Печать высокая.**

**Усл. печ. л. 10,4. Усл. кр.-отт. 10,6.**

**Уч.-изд. л. 8,7. Тираж 1000 экз. Заказ 616. С 20.**

**Карачаево-Черкесское государственное  
республиканское книжное издательство,  
357100, г. Черкесск, пл. Кирова, 23,  
Дом печати.**

**Карачаево-Черкесское ОАО «Полиграфист»,  
357100, г. Черкесск, ул. Первомайская, 47.  
Лицензия № 040035 от 14.06.94.**





ЧКВТІУ МИКАЭЛЬ



